




Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2846/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2846/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2846/A






Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2846/A

2846  
A Giraldi

N VIII c  
16

154





1547

2.

50369  
LILII GREGORII  
GYRALDI DE ANNIS ET  
MENSIBVS, CAETERISQVE TEM-  
porum partibus, difficili haftenus & im-  
pedita materia, dissertatio facilis  
& expedita.

EIVSDEM  
Calendarium & Romanum & Græcum, gentis  
utriusq; solennia, ac rerum insigniter gestarū tem-  
pora complectens, magno tum historijs,  
tum ceteris autoribus cognoscen-  
dis usui futurum.




BASILEAE  
apud Mich. Isingrinium,

1 5 4 1.

*[Handwritten notes in cursive script, including 'C. h. h. h.', 'ma. h. h.', 'C. h. h. h.', 'D. m. m. m.', 'G. h. h. h.', 'G. h. h. h.', 'C. h. h. h.', and 'G. h. h. h.']*










ILLVSTRISSIMAE FERRA  
RIAE AC CARNVTI PRIN  
cipi Diuæ RENATAE Galliarum Re-  
gis Lodouici duodecimi filiae,  
Lilius Gregorius Gy-  
raldus s. d.



NON sum nescius, Princeps illu-  
strissima, si hoc meum de annis  
& mensibus cæterisq; eorū par-  
tibus commentarium, quod ad  
agnitionem animi pulcherri-  
mum est, & quod proximis diebus confeci,  
edere uoluero, fore ut in uarias reprehensio-  
nes incurram, meq; nō modo obiurgatori-  
bus, sed & obtrectatoribus obijciam. Nam  
nonnullos qui se Ciceronianos haberi uo-  
lunt, iam nunc illud mihi obijcere audio, qđ  
minus Ciceronis imitator fuerim, meusq;  
hic stylus nimis humi serpat. Alios uero, qđ  
quæ ex Philosophorum monumentis hausi,  
non à me satis exploratè percepta, minusq;  
cōmodè digesta, & perinde confuse, nec enu-  
cleatè à me prodita, quin ex hac in illam ple-  
runq; hæresin me transiuisse. Quidam & il-  
lud mihi impingent, quod in mathematicis  
disciplinis, in quibus fermè res tota de qua a-  
gimus consistit, nō usque adeo rationes obni-  
xè ad calculum reuocarim, neq; ad particu-  
las primaq; elementa deduxerim. Postremo  
& plerosque futuros suspicor, qui mihi uitio



## EPISTOLA

dabunt, quod in græcis uertendis uel parum  
 expresse, uel uerbum penè pro uerbo reddide-  
 rim. Alia porrò multa eos mihi uitio datu-  
 ros sentio, qui in alienis censendis taxandisq;  
 studium omne suum impendunt, quiq; alio-  
 rum studia nō in angulis modo, sed & in cir-  
 culis & coronis uellicant. Quibus omnibus  
 si respondere, meq; ab eorum maledictis ob-  
 trectionibusq; tueri uelim, mihi sic infir-  
 ma ualerudine & malè affecto, & laborio-  
 sum nimis foret, & in longum nimis sermo  
 traheretur. Qua ratione factum est, ut te  
 præ cæteris meo huic commentario patro-  
 nam ac fautricem adoptarim, idque ideo ti-  
 bi quàm alij credere & committere malui,  
 ut (si tibi ita uidebitur) in apertum lucemq;  
 sub tuo nomine prodeat, quo ueluti Pal-  
 ladis (quod aiunt) clypeo, à calumnian-  
 tium obtrectionibus protegatur. Id quod  
 facillimè facere poteris, propter tuam sum-  
 mam autoritatē, & qua in studiosis bonisq;  
 omnibus iuuandis animi propensione à pri-  
 mis usque annis fuisti, iam tum sub maxi-  
 mo Rege parente tuo Ludouico duodeci-  
 mo. Locus hic exposcere uidebatur, ut in  
 laudes tuas immortalitate dignas excurre-  
 rem, sed meæ exiguitatis conscius, & tuæ  
 sublimitatis, eas suo Regiæ celsitudinis fasti-  
 gio malui notas præterire, quàm ingenij mei  
 imbecillitate deterere. Nam quid dicam san-  
 ctissi-



# NVNCVPATORIA.

etissimos mores tuos, uitæ integritatem, misericordiam, & largas manus in pauperes? Quid, inquam, pietatem & religionem in Deum optimum maximum, quàm castè, quàm mundè colas? Illa uero notiora, te literis sacris, uirtutibusq; omnibus ornatissimam: quibus rebus non modo nostræ ætatis mulieribus antecellis, sed antiquas illas Heroidas æquas. Te igitur omnibus his de causis patronam ac tutricem delegi, meq; tutelæ tuæ cōmendauit, ut me, reliquumq; quantumcunque uitæ superest, quali cœpisti ope ac præsidio iuues. Nam detractoribus quidem his uelut offis ora ipse obstruam, me uidelicet post alteram & alteram bonorum & facultatum omnium direptionem, optimorumq; amicorum amissionem, uelut addictum cuidam quasi perpetuo carceri, non quidem ex edicto prætoris, non alicuius principis iussu, sed impotentis noueræ naturæ iniquissimo imperio: me adeò articularibus dolorib. toto corpore affligi, torqueri, ut ex multis annis non modo ex cœdibus & è cubiculo pedem efferre nō detur, sed uix per interualla morbi sella curuli sedere ac perpaululum uehi. Sed tamē tot his malis sic conflictatus, nō angori penitus ac inertia me demitto, sed cum nonnihil aliquando



EPIST. NVNCVPATORIA.

se dolores remiserunt, aliquid interea mediator (si minus scribere possum) qualecunque, quod studiosæ iuventuti prodesse possit. qđ cōtingat utinam. nam sic equidem fructum cepero laboris, & non parū simul leuationis, & solatiij languoris, diurniq; morbi. Quod si his contra uituperatores parum profecero, obrectariq; illi non desinant, ualento: neq; idcirco tamen pedem ipse retraham, que minus semper aliquid tale faciam, ut uel me in tanta ualetudinis imbecillitate utcunque sustentem. Tu uero Princeps tot conspicua dotibus, quantulasq; has nostras ipsa lucubrationes accipe ac fove, si non quidem Regia tua maiestate & uirtutib. dignas, meæ saltem cōditioni & fortunæ cōuenientes. Vale.

AD LECTOREM.

*Dum nos secla, dies, menses metimur & annos,  
Obrepat tacito mors inopina gradu,  
Que feret ætheream ue diem, noctem ue profundam,  
Acta tibi qualis, talis agenda dies.*

# INDEX.

- A**lbi, læti, & fausti  
dies cur dicti.  
159. & seq.
- Alcyonij dies. 96  
*ἀλκυονίδας*. 135
- Alexandri Magni ad O-  
lympiadem epistola de  
Aegyptij cuiusdam sa-  
cerdotis narratione. 10
- Alexandriæ dies longissi-  
mus. 145
- Alliensis dies. 155
- Ambrosia. 101
- Analemma. 193
- Androdas. 181 (17
- Anni ciuilis institutio.
- Anni etymologia. 13
- Anni uertentis exordiū.  
62. dies. 35
- Anni Iuliani. 54. Au-  
gustani. 58
- Anni error à nostræ æta-  
tis astrologis deprehē-  
sus. 58. & seq.
- Anni apud Arabes ini-  
tium. 116. apud Per-  
sas. 117.
- Annorum diuifio. 13
- Annus Metonicus. 20.  
Iubileus. 30. Ciuilis.
42. Naturalis. Ibid.
- Annus mēstruus. 37
- Annus uertens quid.
- Annus uertens (35  
qualiter à Græcis di-  
uisus. 68
- Annum magnū, quī  
& maxim⁹ appellat̃,  
quo spacio mēfi sint  
ueteres. 15. & seq.
- Annus decem mensiū  
cur à Romulo insti-  
tutus. 42
- Antheſterion. 95  
*ἀνθεστίον*. 155
- Antiochēses quo mē-  
se Pascha celebraue-  
rint. 102
- Antoninus & Fauſti-  
nus, September &  
October uocati. 86
- Apaturia sacra. 99
- Apellæus. 96  
*ἀπὸ τοῦ ἐς ἀπατέρια, ἱπα-  
νὴ ἐς θαργελίωνα*, pro-  
uerb. 99
- Apollinis ortus. 99  
*ἀποφράδες* nefasti dies  
à Græcis uocati. 154
- Aprilis unde dict⁹. 76



# INDEX.

Aprilem Neronem di- ctum.	86	Alabra curia unde uocata.	121
Aequinoctiales horæ.		Calēde intercalares.	56
Arabum & Sar- (188		Calēdæ unde dictæ.	120
acenorum annus & mensēs.	116	Calo Iuno nouella.	121
Arcadū annus.	37. 39	Cannensis clades quo die facta.	163
Atheniensium mensēs.		Cappadocū mēses.	108
89. & 106		Cares & Acarnanes se- mestrē habuisse annū.	
Atomus quid.	148	<i>ναρπύας</i> Apollo un- (40	
Atri dies cur dicti.	159	de dictus.	90
Audynæus mensis.	97	Cataclysmi clades.	114
Autumni initium.	68	Chaldæorū annus.	40
B		<i>χότα.</i> 95. Chæac.	96
Bacchi sacra Trieteri ca unde uocitata.	17	Ciuilis mensis.	72
Bellū nauale inter Cæ- sarem & Antonium, quo die factum.	80	Clauus annalis.	67
Bissextilis annus infau- stus dictus.	57	Clepsydræ unde nun- cupatæ.	184
Bissextus dies quare in- stitutus.	59	Clepsydræ apud Roma- nos autor.	195
Bithynorū mēses.	108	Climacterici anni.	179
Boëdromion Græcorū mēsis unde dictus.	90	Cortus & collectæ fe- stum.	116
Borysthenicum clima.		Comitiales dies per C literā ueteres assigna- re solitos.	156
147		Cōmunicarij dies.	157
Britanniæ dies longissi- mus.	145	Conceptiuæ feriæ.	152
		Concubium.	140
		Conti	



# INDEX.

Conticinium.	135	Dies naturalis.	132
Crepusci unde noīati.		Diffissi dies.	150
Crepusculū. 137	(137	Diluculum.	135
Cynocephalū duode-		Diogenis ad Tyberii	
cies in die meiere soli-		responsum.	170
tum.	184	<i>Διὸς κωδία.</i>	100
Cypriorū menses.	108	Dodecaëteris.	20
D		Distros.	98
D Atyli dies.	168	E	
December.	82	ELaphebolion.	97
Deiotari ad M. Crassū		Enceniorum festū.	116
responsio.	185	<i>ἐμ τῇ πανσελήνῳ</i> prouer.	
Delphici certaminis re-		<i>ἐπάνη.</i>	128 (120
currentis spacium.	20	Epactæ inueniendæ ra-	
Diana Munychia.	98	Eresione.	94 (tio. 129
Dianæ natalitium.	99	<i>ἑσπερον.</i>	137
Diebus nomina à qui-		Expiationis celebritas.	
bus indita.	172. & seq.	F	(116
Diei diuisio.	132. & 148	FAsti dies.	154
Diei noctisq; tēpora,		Fax prima.	137
proprijs discreta no-		Februū, februamēta	83
minibus.	135	Februari⁹ unde dictus	
Diei per climata longi-		Feriarū Christia-	(83
tudo & breuitas.	146	norum autor.	177
Dies, nonas, (et seq.		Feriarū publicarū qua-	
& Idus quot quilibet		tuor genera.	151
mensis habeat.	122	Festi & profesti dies.	
Dies unde dictus.	131	149. & 151	
Dies apud Hyperbo-		Festū apud Iudæos tu-	
reos cur semestri luce		barū & buccinarū.	115
fit.	145	A	5



# INDEX.

I N D E X.

<b>G</b> allicinium.	135	pura unde appellata.	
Gamelion:	97	Horę diuifio.	186 (183
Gentiles certos mensis dies certis numinib. dicatos habuiſſe.	177	Horę plura ſignificata.	189. & ſeq.
γλυκὺ ἢ ἀλγίθεια.	94	Horaria.	191
Gnomon.	143	Horarum genera duo.	
Græcorū annus.	40	Horis tēpla con-	(184
emboliſmos.	47	ſtructa.	183
<b>H</b>		Horologia.	191
<b>H</b> ebdomades anno- rum.	179	Horologiꝝ autor.	191
Hebræorum annus.	39	Horos trimestris anni autor.	40
Menſes. 110. Celebri- tates.	115	Hoſtire.	157
Hebræos duo princi- pia anni habuiſſe.	63	Hydrophoria ludi.	119
Hecatombæon.	89	Hyemis principiū.	68
Helleſponticum clima.		Hyperberetæus mēſis.	
147		<b>I</b>	(103
Hieroſolymæ ſubuer- ſio.	115	<b>I</b> ani ſignum qualiter à ueterib. formatū.	36
Hieroſolyma quo die à Pompeio capta.	170	Iani imago quare bi- ceps.	61
Hipparchi annus.	21	Ianuarius & Februa- rius cur anno appoſi- ti.	44. & ſeq.
Hodes ab Hebræis uo- cati menſes.	110	Ianuarius menſiū pri- mus quare.	60. & ſeq.
Horæ unde dictę & in- uentæ.	183. & ſeq.	Iberorum annus.	40
Horæ quatuor anni tē-		Iduare.	123
		Idus Ioui dicatæ.	123
		Iduum nomē unde ac- ceptū.	



# INDEX.

- ceptum. 122  
 Ieiunium desolationis  
 urbis sanctæ. 115  
 Ieiunium fortis uel ur-  
 næ. 116  
 Ilium captum. 99  
 Imperatiuæ feriæ. 152  
 Indictiones unde dictæ  
 à quibus, & quare in-  
 stitutæ. 32. & seq.  
 Indictio quæ cognoscē-  
 Indorū menses (da. 34  
 & anni. 118  
 Initiorum dies. 92  
 Intercalandi quis au-  
 tor. 49  
 Intercalandi Hebræo-  
 rum ratio. 39  
 Intercalandi apud Ro-  
 manos ratio. 44  
 Intercalandi error cor-  
 rectus. 50. & seq.  
 Intercalatio unde di-  
 cta. 45. quando, à qui-  
 bus, & quomodo in-  
 ducta. 46. & seq.  
 Intercalares priores q̄-  
 modo apud Cicero-  
 nem intelligendi. 55  
 Intercisi dies. 149  
 Interpretum Plutarchi  
 error emendatur. 92  
 Ioui epulum quo men-  
 se celebratum. 81  
 Iuno Calendaris appel-  
 lata. 120  
 Iunius Germanicus di-  
 ctus. 86  
 Iusti dies. 157  
 Italiæ dies lōgissimus.  
 145  
 Italorum annus. 41  
 Iunius unde appellat⁹.  
 Iunonis Monetæ (78  
 ædes dicatæ. 79  
 L  
 Lampada tradere,  
 prouerb. unde. 140  
 Lampadarum celebri-  
 tas. 140  
 Lapi in uertendo Dio-  
 nysio error emenda-  
 tus. 165  
 Latio unde nomen da-  
 tum. 61  
 Lauiniorū annus. 41  
 Lenæon mensis. 101  
 Longitudinis breuita-  
 tisq̄ dierū causa, 141.  
 & seq.



# INDEX.

- Lucernarum accensio,  
Aegyptiorum celebri-  
tas. 138  
Lucij unde dicti. 137  
Ludorum secularium  
apud Romanos ini-  
rium. 26. & seq. Genes  
spacium. 28. & seq.  
Lunaris annus. 41  
Lunæ diuisio. 119  
Lustricus dies. 167  
Lustrū unde dictum,  
eiusdemq; reuertentis  
spacium. 18  
Lysander quo mēse A-  
thenis potitus sit. 98  
M  
Mæmaeterion. 93  
Maia quo die ædes di-  
catae. 78  
Maius Claudius appel-  
larus. 86  
Mane. 135  
Martio mense incunte  
quæ olim Romæ fie-  
bant. 75  
Matronarum dies fe-  
stus. 75  
Menses omnes sua numi-  
na habuisse. 88. & seq.  
Menses à diuersis Im-  
peratorib. diuersa for-  
tita fuisse nomina. 86.  
& seq.  
Mensib. nomina à qui-  
bus imposita. 73  
Mēsis intercalarius. 50  
Mensis unde dictus. 71  
Mensis primus dies Iu-  
noni sacer. 120  
Mensis per decades di-  
uisio. 103. & 123  
Mensium apud Hebræos  
nomina. 111. apud  
Macedones. 106  
Mensium genera duo. 71  
Mensium dies apud Græ-  
cos numerandi ratio.  
124. & seq.  
Mercedini dies interca-  
lares dicti. 46  
Mercurij annus. 41  
Meridies unde dictus.  
136  
*διὰ Μεροῦς* clima. 147  
Mesori mensis. 92  
Metageirion mēsis. 90  
*μηνὴν* à Græcis luna cur  
dicta. 119  
*μετρωμένη* dies. 168  
Mo-



# I N D E X.

- Momētū quid. 10. 148  
*μῶσχος* mēsis initium ab  
 Homero dictum. 71  
 Mūdū ter in anno patē  
 Munychiō. 98 (re. 156  
 Mysteria Athenis quā-  
 do celebrata. 91
- N
- Naturalis mensis. 71  
 Ne quid inter cāsa &  
 porrecta, prouer. 149  
 Nefastos dies per N li-  
 teram fuissē notatos.  
 Nestoris uita. 29 (154  
 Nisan. 102  
 Noah Armenios et Scy-  
 thas astrorum cursus  
 docuit. 37  
 Noctis diuifio. 134  
 Nonarum die popula-  
 res ad urbē cōfluxissē.  
 Nouember. 81 (122  
 Nox unde dicta. 132  
 Nox intempesta. 140.  
 media. Ibid.  
 Numa Pomp. anni xij.  
 mensiū autor. 42 (67  
 Numer<sup>9</sup> cuius inuētū.  
*νυμωία*. 124  
 Nūdinarū dies an inter  
 ferias numerati. 163  
 Nundinarū autor. 164  
 Nundinae unde dicta.  
*νυχίωρ*. 97 (166  
 Nychion Munychion  
 non est. 98  
*νυκθημερον* quid. 132
- O
- October Liui<sup>9</sup> dict<sup>9</sup>.  
 Octoēteris quare, & à  
 quo instituta. 19  
 Olympiados reuoluen-  
 tis spacium. 17. & seq.  
 Oscophoria. 94
- P
- Pago uerbum. 194  
 Palmam exoriēte luna  
 unicam gignere bain.  
*πέντεμος*. 90 (22  
 Pandiculares dies. 157  
 Pascha quo mense à Iu-  
 deis celebrabatur. 115  
 Pax inter Romanos &  
 Sabinos q̄ die facta.  
 Pentecostes apud (75  
 Iudēos celebritas. 115  
 Peritius mensis. 97  
 Persarū annus. 40. mē-  
 ses, uocabula, dierūq̄  
 numerus. 117



# INDEX.

Perſæ quo die à Græcis ſuperati. 91	Rhodium clima. 147
Phamenoſi menſis. 98	Romanis antiquus an ni ſignandi mos. 67
Pharmuthi mēſis. 102	Romanorū annus. 42
Philolai annus magn9.	Romanorū ſecula quī diſtincta. 26
προς ἡγάθου. 136 (21	Romanos trecētos an nos ſine horis fuiſſe. 187
παισφορος. 137	Romanum clima. 147
Phyllius menſis. 103	S
Pirægia ſacra. 101	Sabbatum unde di ctum. 170
Planetarum annus. 41	Sais urbs Aegypti. 138
Platonis natalitiū dies.	Saturnalia quando ce lebrata. 82
παισφορος. 103 (104	Saturni annus. 41
Poſſideon. 96	Sequolę de ferijs elegās reſponſum. 153
Poſtridie Calēdas, No nas & Idus, cur atri.	Scenopegie feſtum. 116
Præliares dies. 157 (162	σπίρα. 99
Prætoris tria uerba. 154	Scirias Minerua. 100
προς ἡλίου Arcades cur dicti. 39	Sciophorion. 99
Profeſtum facere. 149	Seculi quis primus dies diuerſorum opinio nes. 62. & ſeq.
Punctum quid. 148	Seculi naturalis apud Hetruſcos conſtituen di ratio. 25. & ſeq.
Pyanepſion. 94	Seculum Hebręorū. 24
Q	Secu-
QVadrans. 148	
Quintilis, Sextilis, & ceteri menſes ſequen tes unde dicti. 80	
Quinquatrūſ dies. 107	
R	
Rhiphæū clima. 148	

# INDEX.

Seculum quid, & unde dictum.	23	Temporis quadripartita diuifio.	Ibid.
September Tiberius appellatus.	86	Temporis in partes distinctio.	11. & seq.
Septimana.	170	Temporum scriptores plurimi.	9
Sex mensium esse diem sub polo.	146	Temporum interualla ex uarijs scriptorū sententijs supputantur.	9
Signum quando rectè seu obliquè oriri dicatur.	141	Tempus mythicum & historicum.	8
Socratis natalitij dies.		Terentini ludi quare instituti.	27
Sol quandiu in Zodiaci signis moretur.	72	Thargelia sacra.	98
Solis menses.	72	Thargelia Hyadū una.	99
Solaria.	191	Thargelion mensis.	98
Solarij apud Romanos autor.	194	Theseus quo die cum adolescentibus in urbem sit reuersus.	94
Solstitium brumæ quo mense fiat.	96	In Thule dies mēstruus uel bimestris longissimus.	145
Sosibius Cæsaris mathematicus.	8	<i>Ὀὐρανὸς καὶ γῆ, ἐκ ἀνθρώπων.</i>	
Stati dies.	157	prouerb.	95
Statiuæ feriæ.	152	Tiresij uita.	29
<i>Διὰ συνῆς</i> clima.	147	Trieteris.	17
<b>T</b>		Tusci nono quoq; die regem salutabant.	122
Tabularum fractarū apud Iudæos ieiuniū.	115	Tybi mensis.	114
Tēpora unde dicta.	68		



I N D E X.

VAcuna dea.	81	Vmbræ per gnomonē	
Vacunalia quo mense		in diuersis regionib.	
celebrata.	81	dimensio. 143. & seq.	
Veneris annus.	41	Vncia quid.	148
Veris initium.	68	Vr̃eus serpens.	3
Vespera prima.	137	Vfuræ calendis solue-	
Vidua unde dicta.	123	bantur.	121
Vita hominis longissi-			
ma.	25	X	
		XAnticus mensis.	102

INDICIS FINIS.



# AD ILLVSTRIS

FERRARIAE AC CAR-  
NVTI PRINCIPEM DIVAM

RENATAM Galliarum regis LVDOVICI

duodecimi filiam, LILII Gregorij Gyrals

di Ferrariensis, de annis, mensi-

bus, cæterisq; liber.



SCRIPTVRVS de an-  
nis & mensibus, cæ-  
terisq; quibus tem-  
pora metimur parti-  
bus, difficili ac impe-  
dita materia propter  
uarias multiplicesq;  
sententias, te certissi-  
ma huius patriæ sa-

lus, regina ac princeps RENATA inuoco,  
ut mihi quo cœpisti præsentî numine aspi-  
res. Erit huius libelli non iniucunda lectio,  
nec, ut spero, inutilis legenti: mihi certè etiã  
subleuamentũ inter tot fortunæ & ualetudi-  
nis aduersa: minus enim, dum commenta-  
mur, malis lædi uidemur. Igitur ut rem ag-  
grediar, paulò altius ab Aeuo & Tempore  
exordiar, utpote quod ex his anni & cætera  
fluere uidentur. Est autem Aeuum, ut Cen- *Aeuum.*  
sorinus scribit, tempus unum maximũ sine  
origine, sine fine, quod eodẽ modo semper  
fuit, semperq; futurũ est, neq; ad quenquam


B



hominem magis quàm ad alterũ pertinet. Idq; ipsum in tria quidam tempora diuidũr, præteritũ, præsens, & futurum. Præsens autem quod medium est, adeò est exiguum & incomprehensibile, ut nullam accipiat longitudinem: neque aliud esse uideatur, quàm transacti futuriq; coniunctio. Porro etiam adeò est instabile, ut ibidem sit nunquam, & quod quis trāscurrit, à futuro decerpit. Hæc uero ipsa inter se tempora, anteaetum dico & futurum, neq; propria sunt, neq; ita ut alterum altero longius breuiusue uideatur. Quicquid enim non habet finem, collationem mensuræ nō recipit. quapropter euum neq; annorum, neq; seculorũ numero, neq; denique ullo finito temporis modo metiri quisquā poterit. Recte illud ergo quod infinitum est, nos ita finiemus: Aeuum ætas est perpetua, id est, æternitas, cuius neq; initiũ, neq; finis est. Vel ita: Aeuũ continuatio quædam est temporis sine principio & sine fine manens, ex quo tempus continuè fluit. Unde philosophus ille noster & poëta ita cecinit: Qui tempus ab æuo Ire iubes. Aeuum tamen Varro ab ætate deducere uidetur: ait enim: Aeuum ab ætate omniũ annorum. hinc (inquit) Aeuiternum, quod factum est æternũ: id ait Chrysippus esse αἰών. hæc Varro. Sanè Aeuum græcum est, quod αἰών dicit, quòd semper existat, *παρὰ τὸ ἀσὶ ὄν.*

Hinc



Hinc deum principium rerum omnium <sup>ἀπ'</sup>dictū uidemus. Vnde ridicule xxx. ab æonas heretici à Valentino induxerūt, quos cum alijs, tum Irenæus & Tertullianus coarguunt. Quidam hoc tempore magnum esse negociū putant, inter æuum, æuitatem, æternitatem, & eiusmodi cætera statuere: sed nos parum profuturas propositæ nostræ institutioni eorum argutias mittimus, & cum ijs simul Aegyptiorū hieroglyphica, qui per lunam & solem æuum designabant: uel per serpentē, qui toto reliquo corpore caudā contegat, serpentemq; ipsum illi uræum uocabant, Græci basiliscum, nos regulum. Sed nō modò hoc Aegyptij, sed & Phœnices effingebant, idq; ipsi mundo assignabant, qui ex se ipso alitur, & in se idem reuoluitur. Antiqui quidem Græci cum æuū ipsi effingere uolebant, hac figura utebantur  ut in uetustis adhuc codicibus datur uideri. Sedenim apud Græcos <sup>αἰών</sup> uaria significat: nam interdum quidem, ut diximus, æternitatē sine principio, sine fine. Interdū totam hominis uitā, ut apud Homerū & Herodotū, & hoc sensu ab <sup>ἀέμ</sup> quod est spirare, deducitur. Interdum & generationem & ætatem, ut cum dicimus, septem æonas à mundi exordio ad futurum interitum. Sed & medici <sup>αἰών</sup> spinæ medullam significare contendunt, quomodo est illud apud Hippocratē: <sup>αἰθρῶν</sup> <sup>πῶς</sup> <sup>τις</sup>



νοσήσας τὸν αἰῶνα ἐβόλα καὶ ἀπέθανεν. hoc est, ho-  
 mo quidam ægrotans ex ætate septenarius  
 decessit. Sed de Aetate satis, nunc quod ex  
 Tempus uariè à eo prodit, de tempore aliqua afferamus: de  
 uarijs descriptū. quo adeò uariè à scriptoribus traditū, ut uix  
 uiam inuenias, qua in eo describendo te ex-  
 plices. Nam sunt qui scribant, quod semper  
 fuerit necesse esse, siue ante mundū, siue cum  
 mundo. Multi quidem natū mundū, multi  
 non natum esse contendunt. Ergo hoc tem-  
 pus generale, quia neq; initium, neq; finem  
 habet, & æternitas est, quam Græci, ut mo-  
 do dictum est, αἰὼν appellant, difficile est de-  
 finiri, ut ait Cicero. Sed de tēpore quo nunc  
 utimur, ita potest: Tempus est pars quædam  
 æternitatis, cum certa alicuius spacij signifi-  
 catione, puta seculi, anni, mensis, & cætera:  
 ita tamē ut intelligas partem æternitatis nō  
 propriè dictā, sed per similitudinē: neq; enim  
 æuum mensurā capit. Possidonius tempus  
 esse ait incorporeum, quod nihil aliud sit q̃  
 interuallum mundani motus. Vnde & anti-  
 qui gentium theologi, Saturnū qui tempo-  
 ris symbolum credebatur, ἑρμῆς, hoc est, cœ-  
 li filium dicebant. Quam sententiā inter phi-  
 losophos multi sequentes, tempus esse dixe-  
 runt cœlestis motus definitionē. Et propte-  
 rea Varro, Tempus, inquit, est interuallum  
 mundi & motus. Vel ut alij colligunt, Tem-  
 pus est certa dimensio, quæ ex cœli conuer-  
 sion



fione cognoscitur. Alij numerum & mensuram motus esse dixerunt. Sunt qui harū nullo probent, sic ratiocinātes. Cur solis, aiūt, & lunæ ac siderum motus tempora sunt, & non potius omnium corporum? An uero si cessarent cœli luminaria, & rota figuli moueretur, nō esset tempus quo eos gyros & circuitus metiremur, diceremusq; aut æqualibus morulis agi, aut si aliās tardius aliās uelocius moueret, alios magis diuturnos esse alios minus? Quid uero? Nōne & cum nos hæc diceremus, in aliquo tempore loqui diceremur? Sed nec corporis quidem motū definiri tempus posse uideri potest: siquidem corpus aliquando mouetur, aliquando stat. Nec solum motum eius, sed etiam statū tempore metimur, & tantū stetisse dicimus quantum temporis fluxit: ut cum solem uel lunā in sacris uel profanis historijs aliquando stetisse legimus, eo interuallo quo sol uel luna & cœlum stabat, num aliquod tempus ibat? Ergo corporis motus tempus recte dici nō potest. Pari quoq; ratione numerū uel mensuram motus ipsum dicere absonū uidetur. Democritus & Leucippus atque Epicurus mundum ex indiuisibilibus frustulis (ut sic dicamus) quas *ἄτομς* illi uocant, fabricatum esse dixerunt: dura sanè, & iure improbata sententia. Quantum autem magis fuisset improbanda, si mundum constare ex atomorū



numero dixissent, nō aliter ac si dicerent, domum constare ex numero lapidum, aut lineam cōstare ex numero punctorum, cum paries ex numerosis lapidibus, & linea, ut quidā uolūt, ex numerosis punctis, nō ex eorum numero cōstet. Tempus ergo nō modò numerus est, sed ne numerosum quidē, aut numerabile. Sunt qui distensionē quandam esse tēpus affirmēt: sed cuius rei distensio uel continuatio sit, se palām ignorare fatent. Pythagoræi, ut Timæus Locrensis refert, tēpus æternitatis imaginē esse uolunt: id utiq; tempus esse significātes respectu cternitatis æternæq; stabilitatis. Plato in Timæo, & Philon in Cosmopœia, cæteri q; qui fabricatū mundum asseuerāt, tempus ab ipso cœli nascētis circumactū incepisse tradunt. Aristoteles & eum secuti, qd mundū æternū rati sunt, tempus infinitū existimauere, celi q; motu tēperari. Hinc Varro apud Latinos à solis & lunæ tenore temperato, tempus dictū putat. χρόνος uero Græci à χρόνω, id est, Saturno deducunt. Stoici quidē teste Hieron. tēpus ita definiūt: χρόνος ὁ ἐν παντί σωτηρίας καὶ παραστάσεως τῆς φύσεως. hoc est, Tempus est correctio, & rerū cōseruatio. Omne q; tempus, quo non uirtutibus opera impenditur, perire credūt, nec penē tempus esse. Epicureus Lucretius tempus nihil esse per se putat, sed rebus ab ipsis cōsequi. Eius uersus ex primo libro adscribam:

Tem-



*Tempus item per se non est, sed rebus ab ipsis,  
 Consequitur sensus, transactum quid sit in æuo:  
 Tum quæ res, quid porro deinde sequatur,  
 Nec per se quenquam tempus sentire fatendum est,  
 Semotū ab rerum motu placidaq; quiete. Et cæt.*

Sed plura de his missis. Nunquid ante mundum & cælum à deo fabricatore conditū, aliquod fuisse tempus dicemus? Nullū pleriq; dicunt: alij fuisse quidem, sed non intellectū, minusq; distinctum: id quod apud M. Tullium Velleius: Non enim, inquit, si mundus nullus erat, secula non erant. Secula nunc dico non ea quæ dierum noctiumq; numero annuis cursibus conficiuntur. Nam fateor ea sine mundi conuersione effici nō potuisse. Sed fuit quædam ab infinito tempore æternitas, quam nulla circumscriptio temporum metiebatur: spacio tamen qualis ea fuerit intelligi non potest, qđ ne in cogitationē quidē cadit, ut fuerit tempus aliquod, nullum cū tempus esset. Hęc Velleius, uel Tullius potius in primo de nat. deorū. Num melius erit si ita distinguamus: aliquod esse tempus cōfusum, inordinatū, inarticulatumq;: & aliquod esse distinctū, ordinatū, articulatūq;. Cōfusum, quale chaos & secula fuere æternitatis, id est, ante mundi constitutionē, humano licet intellectui ac cogitationi id minus sit noscibile, imaginatione tamen cōprehensibile, Distinctum uero & articulatū id esse,



quo secula, anni, menses, diesq; metimur.

*Temporis  
diuisio.* Sed nos iam temporū spacia interuallaq;  
speculemur, idq; ex uarijs scriptorum senten-  
tijs, & primum ex Varrone, qui hac de re ita  
statuit, ut Censorinus refert: Primū, inquit,  
interuallum ab hominū principio ad cata-  
clysmū priorē perducit. Secundū ad Olym-  
piadem primam, quod quia in eo multa fa-  
*Mythicum.* bulosa referuntur, mythicum dicitur. Ter-  
tium à prima Olympiade ad sua Varronis  
*Historicum.* tempora, quod historicum dictum est, quia  
res in eo gestæ ueris historijs continentur.  
Primum tempus, ait Varro, siue habuit ini-  
tium, seu semper fuit, quot annorum fuerit,  
planè ait comprehendi nō potest. Videmus  
enim Hebręos nostrosq; nō usquequaq; cō-  
uenire: quod noster Picus, ut alios mittam,  
ostendit. Secundum quoq; non planè scitur,  
sed tamen ad M. circiter & DC. annos fuisse  
creditur, à priore scilicet cataclysmo, quem  
dicunt Ogygis, ad Inachi regnum annis cir-  
citer cccc. Hinc ad Olympiadem primam  
paulò plus cccc. quos solos, quamuis my-  
thici temporis postremos, nō quia à memo-  
ria scriptorū proximos, quidam certius de-  
finire uoluere, & quod Sosibius, quo mathe-  
tico usus est Cæsar, scripsit fuisse cccxcv.  
annorū, Eratosthenes autē vii & cccc.  
Timæus xvii & cccc. Arètes cccc  
LXIII. & præterea multi diuerse, quorum  
etiam



etiam ipsa dissensio incertum esse declarat. De tertio autē tempore aliqua fuit inter auctores dissensio in sex septēmue tantummodo annis uersata: sed hoc quodcunq; caliginis Varro discussit, & pro cetera sua sagacitate, nunc diuersarum ciuitatū conferens tempora, nunc defectus eorumq; interualla retro dinumerans, uerum eruit, lucemq; ostendit, per quam numerus certus nō annorum modo, sed & dierum perspici possit. Sed & in hac Varroniana distinctione erratum uidetur maxime, ea puto de causa, quoniam eius libri deperditi sunt. Verū apud nostros Iulius Africanus sub Imperatore M. Aurelio Antonio simplicis historiæ stylo, & post hunc Eusebius Pamphili & Hieronymus, hanc temporum ab orbe condito per dynastias & regna supputationem uidentur diligentissimè confecisse. Sed & ante hos Berossus Chaldæus, Philon & Iosephus Hebræi. Id etiā in lib. de ciuit. Dei Aurelius Augustinus, & Isidorus in Chronico & Etymologijs, & Bedas attigerunt, ut missos faciam qui nostro tempore græcè & latinè Chronica scripserunt. Ex quibus omnibus nos ita collegimus, ab orbe condito ad primū usq; annū IESV CHRISTI D.N. annos fluxisse <sup>M</sup>  
V C C. hoc est, millenos quinos & ducenos, 5200. P.M. à quo anno ad hūc quo nos hac ipsa cōmentamur M.D. XXXIX. quæ sum



ma plus minus conficit annos <sup>M</sup>VI. DCC. XXXIX. hoc est, 6739. Non me præterit ab hac descriptione dissentire Hebræos quosdā, Alfonsum regem, & Picū, & alios nōnullos. Quæ si nosse uoluissent gentes, nō in tot inci dissent de mundi ætate ambages. Plato, qui ueritati propius accessit, mundū quidē conditū ab opifice Deo asseruit, sed quo principio minime: Aegyptiū em̄ inducit de mundi ætate innumerabilia secula cōmemorantē, qui Græcos idcirco tanq̄ semper pueros irridet. Vt mittā in præsentia quæ de coëstilib. late ribus tradunt uel confingunt potius, innumerabiles penē annos ostendentib. Celebratur epistola Alexā dri Magni ad Olympiadē matrē suam, quā scripsit narrationē cuiusdā Aegyptij sacerdotis insinuans, quā protulit ex literis quæ sacrae apud illos habent. Cōtinet etiā regna, quæ græca quoq; nouit historia, in quibus regnū Assyriorū in eadem epistola quinq; millia excedit annorū. In græca uero historia mille fermē & CCC. habet ab ipsius belli principatu, quē & ille Aegyptius in eiusdem regni ponit exordio. Persarū autem & Macedonū imperiū usq; ad ipsum Alexandrū cui loquebatur, plusquā octo annorum millia ille constituit, cum apud Græcos Macedonum usq; ad mortem Alexandri CCCCLXXXV. reperiant anni, Persarū uero donec ipsius Alexā dri uictoria finiretur, CC &



cc & xxx. cōputentur. Hæc quidē Aurelius Augustinus. Chaldæi quoque, & qui ex Caucaſo cœli ſigna ſeruafſe ferunt, ut Cicero & Lactātiſ ſcribūt, quadringenta & ſeptuaginta millia annorū monumentis comprehenſa ſe habere affirmarunt. Quare minus mirū uideri debet, ſi Ariſtoteles & cum ſecuti philoſophi, in eam opinionē impegerunt, ut æternū mundum & ſine principio & ſine uel crediderint, uel certē literarū monumentis prodiderint.

His ita de temporum interuallis uel ætati bus expoſitis, temporis quoq; partes ſcrutemur. Iſidoruſ inquit: Tempora momētis, horis, diebus, mēſibus, annis, ſeculis, etatibusq; diuiduntur. Momentum eſt minimū atq; anguſtiſſimū tempus, à motu ſiderū dictum: eſt enim extremitas horæ in breuib; interuallis, cum ſol aliquid ſibi cedit, atq; ſuccedit. Hęc ille. Alij tempus ita diſtinguunt: ſeculum, etas, annus, menſis, hebdomas, dies, quadrans, hora, punctum, momentū, uncia atomus. Sunt ex noſtris qui ita dirimunt. In ætatem primū, quam mille annorū eſſe dicūt. Deinde in ſeculum, quod centum annorum. In indiſtionem, quam xv. annorū ſtatuunt. In luſtrū, quæ Græcis eſt olympias, quæ perfectos quatuor annos cōtinet. Tum in annū diuidūt, quem in quatuor horas uel tēpora diſtinguunt. Tempus in tres menſes,

*Temporis  
partes.*



Menses in hebdomadas quatuor. Hebdomada in dies VII. Dies in quadrātes quatuor. Quadrans in sex horas diuiditur. Porro hora in quatuor puncta. Punctū in decem momenta. *Momen.* Momentū, quod & momen apud antiquos uocitatū uidemus, in uncias duodecim. Vncia in XLVII. atomos. Atomus uero, ut uox ipsa indicat, diuidi ac secari in partes nō potest. Nuper cum antiquos quosdā libellos euoluerem, qui mensurarū ac ponderum rationem continent, inter cetera curiose pertractata & hoc legi: Annū & mensem libram utrunq; dici posse, quod ille ex XII mēribus, hic ex XII horis cōstet: porro horam cōstare ex quinq; punctis, x minutis, xv partibus, XL momētis, & LX ostentis: horamq; diei secundū solis cursum quinque puncta habere, iuxta uero lunam quatuor duntaxat. Qui latinè tamē & syncerius locuti sunt, momentum uel ut momen diximus, pro breui quidem tempore accipiunt, quotum tamen haud definiunt, sicut & punctum, ut Horatius cum ait, Quid enim? concurritur, horæ momento. & per tralationē ad alia, ut illud poētæ Luc. Non ponderare rum Non momenta sumus. Sed à grammaticis accuratius. Punctū & temporis ait Terentius: Tum temporis pūcta mihi ad hanc rem. Cicero: Die dico? imò hora atq; etiam puncto temporis eodem. Idem: Hunc diem, hoc



hoc punctum temporis. Quod & frequen-  
tius diuus Hieronymus quadā epistola ita  
enunciauit: In atomo, in puncto temporis  
atq; momento. Lucretius puncto tempore  
uisus est dixisse in secundo:

*Et capiant sensus, & puncto tempore reddant.*

Nisi quis legere malit temporis, & s de uer-  
su elidat, ut apud eum frequenter fit. Minu-  
tis nunc quidem LX. astrologi dicūt horam  
constare, sed Boëtius Seuerinus puncto mi-  
nus esse minutum ostendit. Alij alias minu-  
tias gradusq; cōmenti sunt, ut qui post Pto-  
lemæum & Theonem cum græcè tum latine  
barbareq; astronomica scripsere. Mihi ui-  
sum est satius in tres partes tempus omne di-  
uidere: in annos, menses & dies. Annos por-  
rò in magnos, uertentes, in secula, ætates,  
geneas, lustra uel olympiades, & penteteres,  
in trieteres, indiçtiones, æra, iobeleos. Præ-  
terea menses in Calendas, Nonas, Idus, uel  
ut Græci, in Neomenian, consistentes, id est  
*ισαμίνες*, decades, & icades uel desinentes, id  
est, *φθίνοντες*. Dies uero in quadrantes, horas,  
& cæteras partes. Exordiemurq; ab anno  
magno, primumq; ne quid desideretur ety-  
mon excutiemus.

Annus, ut Varro interpretatur, ut parui  
circuli annuli, sic magni circites anni dice-  
bantur. Hinc & Seruius ab annulo dictum  
annum existimauit, qui & Aegyptios ait an



te literarū usum dracone caudam suam mor-  
dente annū effinxisse, qua de re antè locuti  
sumus. Arteius uero Capito annū à circuitu  
temporis dictū ait, quia ueteres Am pro cir-  
cum ponere solebāt. Alij annū ab annouan-  
do, quia suo naturali ordine cūcta annouet,  
hoc est, circumnouet. Sex. Pompeius annū  
ex græco uenire ait: quod enim illi *ἐννον*, nos  
annū dicimus: & quod nos trienniū, illi *τρίεν-  
νον*. Non sum tamen nescius, aliam habere le-  
ctionem, qui nunc impressi sunt codices.  
Sedenim *ἐνν* dictiōem per simplex *ν* scribe-  
re uident Suidas & Eustathius, & cum affla-  
tu: atq; ideo uidet minus consonū, ut ab eo  
deriuetur. Sed nec te pigeat audire Socratem  
ita loquentē in Cratylo: *ἐννιαντὸς*, inquit, & *ἐνν*  
idem esse uidentur: quod enim in lumen ui-  
cissim educit quæcunq; nascuntur, fiuntq;  
ex terra, ipsumq; in seipso examinat & discer-  
nit, annus est: qui in duo sectus est, ut Iouem  
in *διὸν καὶ διὰ* dictum est. Ita & annus *ἐννιαντὸς*,  
quia in seipso: & *ἐνν*, quia examinat, quali  
*τὸ ἐν αὐτῷ ἐτάσσον* iunctim, quod disiunctum  
facit *ἐννιαντὸς καὶ ἐνν*. Hæc in Cratylo. Gram-  
matici porro & aliam afferunt interpreta-  
tionem super illud Homeri: *ἐννιαντοὶ μεγάλας  
δίδος*, quæ quoniam nostro negotio minus  
est apta & uerbosior, à nobis ideo mittitur.  
Certe & illud sciendum, *ἐννιαντὸν* interdum  
pro longo temporis spacio desumi, ut cum  
comi-



comicus poeta dixit ἐτῶν ἐνιαυτὸς, παρὰ τὸ ἐνι-  
 αὖν tunc dictus existimatur, quasi diutius  
 immoretur. Sed & annum Græci Lycobon-  
 ta uocant, idq; ea ratione, ut scribit Aelia-  
 nus, quod erga luum sol amorem habere  
 dicatur: eoq; animali Apollinem delectari  
 ferunt, quod ipse in lucem æditus feratur ex  
 Latona in lupæ speciē imaginemq; cōuerfa.  
 Cuius sanè rei & Homerus meminit, cum  
 Apollinem uocitet λυκηγένην, ob eamq; rem  
 lupi simulachrum in Delphico templo ex  
 ære positum fuisse legimus. Sed hac de reali  
 alia, quod & Aurelius Macrobius exequi-  
 tur. Nunc de annorum magnorum nume-  
 ro uarietateq; differendum. Annorum quos  
 magnos uocant, diuersa multiplexq; adeò  
 magnitudo obseruata, quàm est autoribus  
 prodita. Nam Aristoteles, ut ab hoc incipi-  
 am, hunc annum maximum potius quàm  
 magnum uocauit, quem solis & lunæ ua-  
 garumq; quinque stellarum orbes conficiunt,  
 cum ad idem signū, ubi quondam simul fue-  
 runt, unà referuntur, quod idem ferè M. Tul-  
 lius in lib. de fin. bon. & mal. Idq; etiam in  
 vi. de Republica ex Scipionis persona: Ho-  
 mines, inquit, annum tantum solis, id est, u-  
 nius astri reditu metiuntur: re autem ipsa,  
 quum ad idem, unde semel profecta sunt,  
 cuncta astra redierint: eandemq; totius cœli  
 descriptionem longis interuallis retulerint,

*Annus magnus.*



tunc ille uerè uertens annus appellari potest. Hunc autem fieri phisici, ut Macrobius scribit, uolūt post annos xv. mil. peractos, mundanusq; annus nominatur. Plato uero in Timæo perfectū appellat. Eius autem anni maximi hyems summa est cataclysmus, quem alluuiōem uel diluuiōem nostri uocant. Aestas uero ecpyreosis, quod est mundi incendium: nam in his alternis temporibus, mundus tum exignescere, tum exaquarescere uidetur, ut Censorini uerbis utar. Hūc annum Aristarchus putauit esse annorū uertentium duum mil. cccclxxxiiii. Arctes Dyrachinus quinque mil. dlxii. Herodotus & Linus x. mil. dccc. Dion xlii. mil. dccccclxxxiiii. Orpheus centum xx. Cassandrus tricies sexies centum mil. Noster Cicero xlii. mil. dcccccliiii. Iosephus Hebræus antiq. lib. i. dc. tantum. Iulius, qui & Vilius Firmicus, mcccc & lxx. unius anni circuitu terminauit. Sunt qui cum phœnicis auis uita eius anni cōuersionem fieri scribant. Alij infinitū esse, nec in se reuerti unquam putauerunt. Alij longe minore spacio magnū hunc annū mensi sunt, quippe qui ex duobus annis uertentibus illud constituerint: alij trium, alij quinq; alij plurium: quorum rationes hic breuiter conabor absoluere. Veteres in Græcia ciuitates cum animaduernerēt dum sol annuo cursu or-



su orbem suum circuit, lunam nouam inter  
 dum terdecies exoriri, idq; sæpe alternis fie-  
 ri, arbitrati sunt lunares XII. menses & dimi-  
 diatum, ad annū naturalem cōuenire. Itaq;  
 annos ciuiles sic statuerunt, ut intercalando  
 facerent alternos XII. mensium, alternos  
 XIII. utrūq; annum separatim uertentem,  
 iunctos ambos annum magnum uocantes.  
 Idq; tempus trieterida appellabāt, quod ter-  
 tio quoq; anno redibat: quo in primis tem-  
 pore Bacchi sacra celebrabantur, quæ ideo  
 Trieterica uocitata sunt: & qui in ijs uersus  
 canebantur, *τριασμοί* dicti, de quibus in histo-  
 ria & dialogis poëtarum egimus. Penteteri-  
 da uero nominabāt, quod quinto quoq; an-  
 no reuertebat, qui annus magnus ex qua-  
 driennio cōmodior uisus est, quod uidelicet  
 ratione solis circuitus congrueret: cuius an-  
 nus quidē solis constat ex diebus CCC LXV.  
 & diei parte circiter quarta. Penteteridas er-  
 go Græci maximè obseruabant, id est, qua-  
 ternorum annorū circuitus, quas Olympia-  
 das uocabant, & ludos Ioui Olympio in Eli-  
 de celebrabant. Hoc quidem scribit Censori-  
 nus, cui & de Olympiadum numero anno-  
 rum Solinus in Polyhistore astipulat. Idem  
 & Suidas, & Eusebius, si quis etus de tēpori-  
 bus libros diligētius euoluat. Idem & Hiero-  
 nymus in Chronico, & in expositione heb-  
 domadū Danielis prophetæ. Isidorus item

G



non adeò contemnendus scriptor: Et hoc, inquit, certaminis tempus Olympiadem uocauerunt, quadriennio in una Olympiade supputato. Isaacius quoq; in cōmentarijs in poëtam Lycophronē, quinquagesimo quoque mense Olympicum agonem celebratū prodidit. Hoc ideo pluribus recensui, quod uideo multos hac de re disceptare. Non me fugit uulgus & grammaticos quosdam aliter sentire, ut Lactantius Cœlius in primo Theb. qui ita scribit: Quinto finito anno agon olympicus fiebat. quo loco quarto potius legendum puto, quibus & poëta, si recte perpendantur, parum suffragantur. Ouid. de Ponto ad Brutum:

*In Scythia nobis quinquennis Olympias acta est,*

*Iam tempus lustris transit in alterius.*

Seneca in Herc. furente:

*Qualis elæum corit ad tonantem*

*Quinta cum sacrum reuocauit æstas.*

*Lustrum.* Non enim de perfecto quinquennio agūt, sed iam incepto. Ita etiam de lustro intelligendum, quod ad penteteridis græcæ modum Romani celebrabant: ideoq; sic uocabatur, ut ait Isidorus, quod censu per quinquennium in Repub. peracto, urbs Roma lustrabatur. Vel, ut scribit Varro, lustrū nominatum est à luendo, id est, soluendo, quod quinto quoq; anno uectigalia & alia tributa per censores soluebantur. A Seruio uero Tullio



Tullio ita institutum, ut quinto quoque anno censu ciuium habito, lustrum cōderetur, sed nō ita à posteris obseruatū. Nam cum inter primum à Seruio rege conditum lustrum, & id quod ab Imperatore Vespasiano v. & Cæs. filio III. C O S S. factum est, anni interfuerūt paulominus DCL. lustra tamen per ea tempora non plura quàm LXXV. facta sunt, & postea planè fieri desierunt. Quod si uerum est non plura quàm LXXV. fuisse, nō uidentur continuata fuisse, id quod & uerisimile est, bellis præcipue ciuilibus impediētib; cæterisq; reipub. incōmodis. Rursus tamen annus idem magnus per Capitolinos agones, ut Censorinus scribit, cæptus est diligentius scrutari: quorū agorum primus à Domitiano institutus fuit, die XII. eius & Sergij Cornelij Dolabellæ consulari. Verū cum apud Græcos hoc tempus ad solis tantūmodo cursum, nec ad lunę cōgruere uideretur, duplicatum est, & octoëteris facta, quę tunc *ἑννεατῆς* uocitata est, quia primus eius annus nono quoque anno redibat: huncq; circuitū uerè annum magnū esse magna pars Græcię existimauit, quod annis uertentibus solidis constaret, ut proprie in anno magno fieri par est: nam dies sunt solidi uno minus centum, anniq; uertentes solidi octo. Hanc octoëterida uulgò creditum est ab Eudoxo Gnidio institutam ex disciplina Aegyptio-



rum Nectanabo tradente, ut Laërtius prodit. Huius anni apud Lucanum Pharsaliæ lib. x. est mentio, loquente Cæsare in conuiuiuo Cleopatæ:

*Non meus Eudoxi uincatur fastibus annus.*

Tametsi Seruius in v. Aeneid. cum primum annumprehendisse scribit, & post ipsum Hipparchus, de uertente intelligēs. Sed hæc ipsam octoëterida Leofstratū Tenedium primum ferunt composuisse, & postea alij aliter, qui mensibus uariè intercalandis suas octoëteridas protulerunt, ut fecit Harpalus, Nautelis, Menestratus, item alij in quibus Doxirtheus, cui in primis octoëteris Eudoxi inscribitur. Ob hoc multæ in Græcia religiones hoc interuallo temporis summa cæremonia cultæ fuere. Delphis quoque ludi, qui uocantur Pythia, post annum octauū olim conficiebantur. Post has etiam quæ uocatæ fuerunt Dodecæteres ex annis uertentibus, xii. cui anno Chaldaico nomen fuit, quem Genethliaci non ad solis lunæque cursus, sed ad obseruationes alias habebant accommodatū, quod in eo dicebant tempestates frugumque prouentus ac sterilitates, itemque morbos circuire. Præterea fuerunt & alij complures magni anni, ut Metonicus, quem Meton Arhienensis, non Lacon, mathematicus, ex annis uno de uiginti constituit, eaque causa Decaëneateris, uel ut Suidas & Theophilus, *ἑκαῖ*

*Annus Metonicus.*

*καί.*



καδινάτης appellatur, & intercalat septies: in eoq; anno sunt dies sex mil. & ccccxl. Huius anni meminit Cicero in epistolis ad Atticū: Quis erit, ait, cui credam? aut quando iste Metonis annus ueniet? Metonis meminit & Columella, eiusq; anni: item Aristophanes in Auib. Theon uero, seu qui alius in cōmentarijs in Aratū poētā Metonis meminit, illumq; numerorū rationem diligentissimè tenuisse scribit, dicereq; solitum affirmat, paruum annum ad magni comparationem esse compositū: nō tamen illum, sed qui post eum fuere astrologos ait tabulas in urbibus constituisse de decem & nouē annorū solis anfractibus & circuitibus, ut iuxta unumquenq; annū, qualis futura esset hyems, quale uer, qualis æstas, qualis ue autumnus, nosceret, & insuper qui uenti, aliq; pleraq; quę mortaliū usui forent. De Metone quoq; diuersa Callistratus, Euphronius & Phrynichus scripsere, eumq; & medicum & astrologum optimum fuisse. De Metone iam satis. Fuit & Philolai Pythagorici annus magnus, ex annis lxx. in quo erant menses intercalares xx. & unus. Fuit item Calippi ex annis lxxvi. ita ut mēses duo de xxx. intercalaretur. Fuit & Democriti annus ex annis lxxxii. cum intercalares essent xxviii. Sed & Hipparchi ex annis ccciiii. in quo intercalabat centies decies bis.



Hæc annorū magnitudo discrepat, eò quod inter astrologos nō cōuenit quanto uel sol plus quàm CCC LX V. dies in anno cōficiat, uel luna minus quàm XXX. in mense. Vnde usq; ad hanc diem, plurima licet sint tradita & quotidie tradantur, nō congruere tamen planè, alio aliquid indies superaddente uel detrahente, ut iam etiam Ptolemæi tabulæ nedum Alphonsi regis sordescāt: qua etiam de causâ ingentia condita sint à plerisq; uolumina, de nostra aberrante ob id Domini- cæ (ut nostræ religionis uocibus utar) resur- rectionis solennitate. Verum quod restat a- gamus. Aegyptiorū magnus annus est, quē *μωικὸν* Græci, Latini canicularē uocant. Ni- hil hic ad lunā pertinet, propterea quod ini- tium illius sumit cum primo die eius men- sis quem uocant Thoth, quo caniculæ sidus apud eos exoritur. Caniculę illi astrum *σωθῆρ* uocant, *αερονύνα* Græci, idq; principiū inter- stellas tenere arbitrantur, ut scribit Horus Apollo. Idem annum effingebant deę Isidis imagine, muliebri scilicet specie, uel palmæ plantæ figura: idq; ea ratione, quod arbor hæc luna exoriente, unam gignat bain, quo modo XII. bais annum explet. Baiæ uero dicuntur folia uel ramuli palmarum. Porrò annum suum magnum Aegyptij eodem au- tore lib. ij. quatuor annorū habuere, ita refe- rente Philippo, qui Horum ex lingua ægy-  
ptiaca



ptiaca in græcam conuertit: Hominem, inquit, qui perfectam ætatem uixerit, mortuæ cornicis imagine effingunt: hæc enim centū annos uiuere traditur: annusq; ægyptiacus quadriennij spacium perficit. hæc ille. Idem fateri uidetur Censorinus, qui scribit: Aegyptiorū annus ciuilis solus habet dies CCC LXV. sine ullo intercalari. Itaq; quadrien-  
nio eo fit, ut annus MCCC LX. diebus ad idem reuoluatur principiū. Hic annus etiā *ἑλισκός* à quibusdam dicitur, ab alijs *ἐνιχτός*. Atq; hæcenus de annorū magnorū uarieta-  
te dictum sit, deinceps de seculo, de genea et indi-  
ctione agendum, & post hæc de annis uertentibus differendi locus erit idoneus.

Seculum quidam idem esse existimarunt *Seculum.*  
quod græcè *τὸ αἰών*, quo pacto & sacra nostra scriptura. Sed de eo nos agimus prout est spacium temporis definitum. Est ergo seculum, ut Varro scripsit, spacium annorū centum, dictum à sene, quod longissimum spacium senescendorū hominū id antiqui putarunt. Alij uero à sequendo dictum putant, quod seipsa tempora sequantur: primamq; eius dictionis syllabam producunt, quidam & diphthongo scribūt. Sanè, ut Censorinus ait, seculum est spacium uitæ humanæ longissimum, partu & morte definitum. Quare qui annos triginta seculum putarunt, multum uidentur errasse: hoc enim tempus Ge-



neam uocari Heraclitus & Zeno sunt autores. Sed de genea quæ in poëtarum historia prodidi, in hoc etiam paulò post breuiter reperam. Seculum autem quid sit, usq; ad sua tempora ad subtile non examinatũ fuisse putauit Censorinus, qui ait poëtas multa incredibilia scripsisse, puta aurea secula, & argentea, aliq; ut Hesiodus & Naso. nec minus historici græci, quamuis à uero par nō fuit cedere, ut Herodotus, apud quem se legisse ait Censorinus (nisi locus sit mendosus) Arganthonium Tartessiorũ regem c & l. annorum fuisse, quod tamen ego apud Herodotum haud legi, quod meminerim. Idem tamen & Lucianus in Macrobijs, eundemq; citat Herodotum, & cum eo Anacreontem Lyricum poëtam. Sed Arganthonij ut longæui & Cicero & Valerius, itemq; Plinius, Ausonius, Silius, alij, cum Herodoto. Additur Ephorus, qui tradit Arcadas dicere, apud se reges antiquos aliquot ad c c c. uixisse annos. Verum hæc fabulosa prætereunda, nisi annos eorũ trimestres intelligamus, ut alio loco referemus. Hoc loco mittã quæ Lucianus multa in eo libello de lōgæuis collegit. Hebræi quoq; suum seculum, quod illi Olam uocant, quinquagesimo anno definiebant, ut Hieronymus his propemodum uerbis scribit; In Hebræo, inquit, seculum, id est Olam, ubi Vau literam positã habuerit, æternitatem



nitatem significat: ubi uero sine Vau scribitur, annū quinquagesimū quem illi Iobeleū uocāt. ob hanc causam & ille Hebræus, qui propter uxorem & liberos amans dominū suum, aure pertusa seruitio subigitur, seruire iubetur in seculum, hoc est, in annū quinquagesimū. Sed ut hoc apud Hebræos ratū fuit, ita minus apud gentes: atque in primis nō cōuenit inter astrologos, qui in stellarū signorumq; motuum ratione, uerū se scrutari putāt. Nam Epigenes c. & xii. annis longissimā uitam constituit, uel ut Plinius dicere uidetur, c. x. xii. Berofus uero, ut Censorinus scribit, centum & sex, ut Plinius c. & xvii. Alij ad c. & xx. annos produci posse asseuerāt, quidam etiā ultra credidere. Fuerunt qui nō idem putarent ubiq; obseruandum, sed uariē per diuersas regiones, prout in singulis sit cœli ad circulum finitorē inclinatio, quod κλίμα dicitur. Sed licet ueritas in obscuro lateat, tamen in unaquaq; ciuitate quæ sint naturalia secula, Rituales Hetruscorum uident apud antiquos docuisse, in quibus scriptum accepimus initia sic ponenda seculorū: Quo die urbes atq; ciuitates cōstituerentur, de ijs qui eo die nati essent, eum qui diutissimē uixisset, die mortis suæ primi seculi modulum finire: eoque die qui essent reliqui in ciuitate, de ijs rursus eius mortem qui quam longissimā egisset ætatem, finem



esse secundi seculi: sic deinceps tempus reli-  
quorum terminari. Sed & quod ignorarēt  
homines portenta mitti diuinitus, quibus  
admonerentur unumquodque seculum es-  
se finitum: hæc portenta Hetrusci pro haru-  
spicij disciplinæq; suæ peritia diligenter ob-  
seruata in libros retulerunt. Quare in Thu-  
scis historijs, quæ VIII. eorum seculo scri-  
ptæ sunt, ut Varro testatur, & quot numero  
secula ei genti data sint, & transactorum sin-  
gula quanta fuerint, quibusue ostentis eo-  
rum exitus designati sint, continetur. Ita-  
que scriptum est quatuor prima secula an-  
norum fuisse c. & v. Quintum cxxiii.  
Sextum undeuiginti & centū. Septimū toti-  
dem, Octauum demum agi, nonum & deci-  
mum superesse, quibus transactis finem fo-  
re nominis Hetrusci: quod & factum fuit:  
Nisi & hoc demum tempore nouum inter  
eos regnum, nescio quo fato, inauspicatum  
illud quidem constitutum fuisset. Romano-  
rum autem secula quidam ludis seculari-  
bus putant distingui: cui rei si fides certa  
est, modus Romani seculi est incertus. Tem-  
porum enim interualla quibus ludi ij refer-  
ri debeant, non modò quanta fuerint retro  
ignoratur, sed ne quidem quanta esse de-  
beant scitur. Nam ita institutum esse cente-  
simo quoque anno ut fierent, id tum An-  
nias alijsq; historici autores sunt, tum Varro  
cum



cum alibi, tum de scenicis originibus libro primo ita scriptum reliquit: Cum multa portenta fierent, & murus & turris, quæ sunt inter portam Collinam & Exquilinam, de cælo essent tacta, & ideo libros Sibyllinos Decemuiri adiissent, renunciauerunt, ut Diti patri & Proserpinæ ludi Terentini in campo Martio fierent tribus noctibus, & hostiæ furuæ immolarentur, utq; ludi centesimo quoque anno fierent. Sed quod ait Varro portam Exquilinam de cælo tactam, alij Sabiusam scribunt. Festus Terentum locum fuisse scribit in campo Martio, quo in loco ara Ditis patris in terra occultabatur, & propterea ludi Terentini dicti. Ausonius Gallus poëta:

*Trina Terentino celebrata trinoctia ludo.*

Papinius in Syluis:

*Aut instaurati peccauit ara Terenti.*

Val. Max. libro secundo memorabilium aliud tradit secularium ludorum initium, à Valesio quodam uitæ rusticæ uiro locuplete, qui tribus liberis ut succurreret, oraculum accepit ut Tarentum peteret. Huius postea Val. Publicola exemplum secutus, apud eandem aram trinoctio ludos fecit. Titus item Liuius libro centesimo tricesimo sexto: Eodem, inquit, anno ludos seculares Cæsar ingenti apparatu fecit, quos centesimo quoque anno (is enim terminus



seculi) fieri mos: utq; decimo centesimo quoque anno reperant tam cōmentarij Quindecimviro- rum, quàm diui Augusti edicta testari uidentur, adeò ut Horatius Flaccus in carmine, quod de secularibus ludis cantatū est, id tempus hoc modo designauerit:

*Certus undenos decies per annos*

*Orbis, ut cantus referatq; ludos,*

*Ter die clara totidemq; grata*

*Nocte frequentes.*

Sed nos de seculo satis, nam de ludis secularibus Politianus in miscellaneis eruditè plura collegit. Nunc ergo ut polliciti sumus, de genea nos agamus. γενεά Græci uocant, quā Latini tum ætatem, tum seculum uerterunt: sunt & qui generationem, & præsertim in sacris libris: nam humanæ uitæ spacium cuiusq; genean nuncupant. Verum autorum pleriq; septem annorum spacium significare cōtendunt, hoc est, quas aliàs hebdomadas uocamus. Vnde & Hippocrates & ab eo medici, ante duas geneas pueris uenas incidi nō oportere præcipiunt, quo pacto fortassis de Orphei uita apud Suidam intelligendum: nam si aliter exponere uouerimus, qui fieri poterit ut Orpheus xi. geneas uixerit? Atqui Plutarchus & Zeno, & non ignobiles quidam grāmatici, geneam spacium xxx. annorum existimauere, quo pacto etiam Hesiodus & Homerus, & qui ab his



ab his poëta Nestorem scribunt tres geneas  
 uixisse, quas nostri tria secula & tres ætates  
 uocauere. Lucianus quoq; in Macrobijs de  
 Tiresia ita fermè scribit: Sed & Tiresian, in-  
 quit, uatem tragœdia ad sex usq; geneas ui-  
 tam prorogasse prodit, id est, ad sex ætates.  
 Xenophon in libello de æquiucis, de æta-  
 te, hoc est, genea ita scribit: Aetas apud diuer-  
 sos diuersa metitur spacia, quia apud Aegy-  
 ptios spacio xxx. annorum perficitur, &  
 apud Græcos quartam centenarij partem, id  
 est, annos v. & xx. cōtinet. Censorinus ue-  
 ro ita scribit: Qui annos, ait, xxx. seculum  
 putauerunt, multum uidentur errasse: hoc  
 enim tempus geneam uocari quidam uo-  
 lunt, quia orbis ætatis in eo sit spacio. Or-  
 bem autem uocant ætatis, dum natura hu-  
 mana ad sementem reuertitur. Hoc quidem  
 geneæ tempus alij aliter definiuere. Heracli-  
 tus annos quinq; & xx. scribit dici geneā,  
 Zenon xxx. quibus uerbis uidet error in-  
 esse. Nam Plutarchus in eo, quo cur oracu-  
 la defecerunt causas inquit, de ætatibus su-  
 per Hesiodi uersibus, geneam ait ex Heracli-  
 ti sententia xxx. annorum esse, ubi & ple-  
 raq; alia, tum illud, quod aliqui centum &  
 octo annorum *γενεάν* cōstituerint, quinqu-  
 gintaq; & quatuor dimidium esse uitæ hu-  
 manæ. Reliqua ab eo subtilius disputata mis-  
 sa facio. Aurelius Augustinus in cuiusdam



psalmi Dauidici cōmentario geneam existi-  
mauit xv. annum non excedere: quidam  
& xxix. ut est apud Phauorinū super He-  
fiodi uersu de Nestore. Alia præterea multa  
genea significat, quæ Theophilus & alij Græ-  
ci enumerant: inter quæ & illud, quod genea  
non modò de hominibus dicitur, sed & de  
equis, & folijs, ut est illud Homericum, quo  
hominum uitam folijs similem dixit: *οἷον περ  
φύλλων γέννη* &c.

Monet me Christiana pietas, ut de anno  
Iubileo non nihil & hic congerā. Annus Io-  
beleus fuit apud Hebræos duntaxat, & de-  
mum longo pòst tempore apud Christianos  
cōstitutus uidetur. Apud Hebræos quidem  
ex septem annorū hebdomadibus perfectis,  
hoc est, quinquagesimo quoq; anno celebra-  
batur: etenim quadragesimus nonus annus  
perficit septimā hebdomada: quo quidē an-  
no clarius ac sonorius tubæ & buccinæ a-  
pud Hebræos resonabant, unde & uocabu-  
lum apud ipsos Iobeleus: Iobel enim Hebræi  
buccinam uocant. Eum annū interpretatur  
Hieronimus remissionis: in illo quippe iu-  
xta legem ad omnes antiqua reuertebatur  
possessio. Huius anni Moses, & ab eo Iose-  
phus, & ab eis Christiani, rationē tradidere,  
quos inter Isidorus, Iubileus, inquit, annus  
remissionis: est enim Hebraicus & sermo &  
numerus qui septē annorū hebdomadibus,  
id est,



id est, quadraginta & nouem annis texitur, in quo clangebat tubis, & ad omnes reuertebat antiqua possessio, debita absoluebantur, cōfirmabantur libertates. hunc numerū etiā in diebus pentecostes & nos ipsi celebramus, post domini resurrectionē, remissa culpa, & totius debiti chirographo euacuato, ab omni nexu liberi, suscipiētes aduenientē in nos gratiā spiritus sancti. Hæc uero uerba ab Isidoro ante nostrū Iubileum cōstitutum scripta sunt: eius enim omnino mentionem fecisset. Institutus autem Iubileus Christianorū uidetur ad Hebræorum similitudinem, si minus dicere liceat ad gentilis seculi rationē: quippe qui à Bonifacio VIII. Romano Pontifice sit institutus centesimo quoque anno, quo tempore annus à uerbo corporato trecentessimus supra millesimū agebatur: dein à Clemente VII. Pont. ad quinquagesimum reductus, id poscentibus Romanis: mox à Paulo II. ad xxv. redactus, quod hominis ætas egrē quinquagesimū attingat, simul ut largior cœlestium gratiarū, si non potius pecuniarum prouentus fieret, ut quidam argutē si non uerē scripsit. Celebratus iam bis mea ætate, primū Alexandro VI. Borgia Pont. Rom. M. D. anno: & iterum Clemente VII. Medice M. D. xxv. quo ego tempore Romæ eram cum Hercule Ragon. S. R. E. sanctæ Agathæ diacono



Card. cuius pōst anno secūdo Roma ab exercitu Imp. Caroli V. Cæs. direpta est. Scribit Theodoricus Niemensis in historia schismatica, uariatum fuisse tempore Urbani Sexti in Iubilei ætate: cum enim schisma irrepsisset in Christi ecclesia, is Pont. Urbanus nouissimo sui pontificatus anno, qui fuit M. CCC. LXXXVIII. Iubileū XXXIII. annorum indixit, qui & celebratus est, eo licet ipsetēpore decesserit. Et hæctenus de Iubileo.

*Indictiones.*

Sunt & Indictiones hoc præsertim tempore in usu, cum primis apud publicos scribas & Notarios dictæ, ut nōnulli existimāt, ab eo quod Romani cum rerum potirētur, tributū à subiectis nationibus indicebant, etiam, ut aiunt, ante CHRISTI aduentū institutæ: quippe ut scribit Dionysius in suo calculo, tum quarta agebatur indictio, cum ipse natus est CHRISTVS, quod & Bedas repetit. Sunt qui Augustum Cæsarem scribunt indictiones primum instituisse, Olympiade CLXXXVIII. anno eius primo, incipiente octauo calend. Octobris, hoc est, XXIII. Septembris, quo etiam tempore Olympiadum anni initium habere traduntur. Indictiones uero XV. annorum circuitu in sua semper uestigia reducuntur, quas antiqua Romanorum industria cōperimus ad cauendum errorem, qui de temporibus fortē oboriri poterat, institutas. Dum enim,  
uerbi



uerbi causa, quilibet Imperator medio anni  
 tēpore uita uel regno decederet, poterat e-  
 uenire ut eundē annū unus historicus eius-  
 dem regis adscriberet tēporibus, eò quod e-  
 ius partē regnaret: alter uero historicus eun-  
 dem successorī illius potius adscribendū pu-  
 taret, eò quod & hic partem æquē eius habe-  
 ret in regno. Verum ne per eiusmodi disso-  
 nantiam error temporibus oboriretur, sta-  
 tuerūt Indictiones, quibus uterq; scriptor,  
 imò etiam uulgus, omnem temporum cur-  
 sum facillimè seruaret: quas pro facilitate  
 quoq; calculi, x v. esse uoluerunt, ut planis-  
 simo numero ex denario & semis ad multi-  
 plicandum promptissimo, compendiosius  
 transacti temporis status in memoriā possit  
 reduci. Quidam autem putant, quia quon-  
 dam in Repub. post censum quinto quoq;  
 anno peractum urbs Roma lustrabatur, ad  
 indicium ternæ lustrationis & census, Indi-  
 ctiones esse conditas. Fortunatianus Con-  
 sultus Afer, cuius Hieronymus, & ab eo So-  
 phronius meminere, qui rationem Indictio-  
 num conscribit, nullam huius rei mentionē  
 facit. Mirum & Isidorū ne uerbum quidem  
 de Indictione fecisse. Sunt tamen ex eccle-  
 siasticis scriptorib. qui rem ita tradant: Ro-  
 manos, aiunt, cum non facile ex longinquis  
 regionibus possent nationes Romam ueni-  
 re ad tributa soluenda, statuuisse, quod singu-

D



lis saltem lustris ea deferrent: & primo quidem lustro ferrum, secundo argentum, tertio aurum. Et quoniam semper ab auro ad ferrum redibant, ideo indiçtiones xv. annorum constitutas, qui circulus quasi quidam esset. Qua de re cum uetustos autores non habeam qui hoc tradant, eius rei fides penes sit scriptores ecclesiæ. Indiçtiones autem scribæ & tabelliones imperialis auctoritatis incipiunt ab viii. calend. Octobris, & eodem die terminantur, hoc est, xxiiii. Septembris. Qui uero Romanorū Pont. auctoritate nituntur, viii. calend. Ianuarij eas incipiunt, ut cōueniant cum annis natiuitatis Christi: ea autē ratione scribit Ambrosius, quod mensis Septembris apud plerosq; & in primis Aegyptios, anni sit principiū. Hoc autem argumento, quora sit in quolibet anno indiçtio, cognoscere possumus. Si annos sumemus à Christi ortu quotquot fuerint, puta m. d. xxxix. his tres adde, quia (ut diximus) natus est Christus indiçtione quarta, fiunt m. d. xlii. Hos partire per xv. uides quod xii. superāt: ergo is numerus, uidelicet xii. erit indiçtio: si uero nihil supererit, ipse xv. numerus erit indiçtio. Hoc quidē disticho tota hæc ratio breuissimè continet:

*Si tribus adiunctis domini diuiseris annos,*

*Ter tibi per quinos indiçtio certa patebit.*

Nunc, ut exequamur ordinem, annus uertens

*Indiçtio anni cuiuslibet quomodo cognoscenda.*

1542

1286

112

1150

1650

1007



tens à nobis est describendus, qui ἔτος & ἐνι- *Annus uertens.*  
 αὐτός à Græcis dicitur: quinetiā & χρόνος uo-  
 catur, quem ita M. Psellus in lib. ἀστρολογικῶν  
 ἀπορρήμάτων definit: χρόνος γάρ ἐστι ἡ ἀπὸ τοῦ αὐτοῦ  
 σημείου πρὸς τὸ αὐτὸ σημῆμα μία καὶ αὐτὴ κατὰ τὸν οὐ-  
 κληρόμενον τῆς ἡλίου πλαγίας κύκλῳ σις. hoc est: Chro-  
 nos est ab uno signo ad illud ipsum signum  
 una atq; eadem secundum proprium cursum  
 solis obliqua circuitio. Viētruius uero lib.  
 architecturæ ix. Sol, inquit, signi spacium,  
 quod est duodecima pars mundi, mense uer-  
 rente uadens transit: ita xii. mensibus xii.  
 signorū interualla peruagādo, cum redit ad  
 id signum unde cœperit, perficit spacium uer-  
 rentis anni. Sed & hoc idem breuius Censo-  
 rinus: Est, inquit, annus uertēs, dum sol per-  
 currens xii. signa, eodem unde profectus  
 est redit. Hoc quidem tempus quot dierum  
 esset, ad certum nondum astrologi reperire  
 potuerūt, multa licet multi commenti sint.  
 Nam Philolaus Pythagoricus annum natu-  
 ralem dies habere existimauit ccc lxxiii.  
 & dimidium. Aphrodis ccc lxxv. & die-  
 rum duorum & uiginti partem undesexage-  
 simam. Harpalus autem ccc lxxv. & horas  
 æquinoctiales xlii. Thales Milesius ccc  
 lxxv. dierum. At Hipparchus ab Alexandri  
 morte anno c lxxviii. scribens, ex suis &  
 Chaldaeorū obseruationibus minus quarta  
 parte diei adiiciendū supputauit: uerū quan



tum illud esset quod deficeret, ad liquidū nō  
exegit. Noster autē Ennius ccc lxxvi. die  
rum spacio annū determinauit. Ptolemæus  
Hipparchus posterior, annis ccl xxxv.  
trecentesimā esse illam diei partem quæ su-  
perat existimauit. Claud. Galenus credidit  
annū constare diebus ccc lxxv. & particu-  
la quadam, quæ quadrante maior sit. Non  
tibi hoc loco Arabū opiniones afferam, Al-  
bategni, Thebiti, cæterorum. Vectius An-  
tiochenus in antilogijs annum definit ccc  
lxxv. dierum & unius septimæ. Nostri qui-  
dam diligentes hoc tempore astrologi, ccc  
quidem & lxxv. dierum annū constare con-  
tendunt, & horis quinq; minutijsq; xlix.  
adeo ut singulo quadriennio minutia xl-  
iiii. superfluò intercalentur, quæ in centū  
& xxx. annorum spacio ferè diem unum  
conficiant, quæ res sit multi erroris causa.  
His adde & illud, quod uideo à plerisq; pro  
comperto haberi, annos omnes nō æquales  
esse, quod citius interdum, interdum serius  
sol ad locum unde digressus erat, redit: quo  
fit ut sint qui omnino annū incomprehen-  
sibilem & innumerabilem esse existimarint.  
Sed certè maiores pro uero, quod ei proxi-  
mum putabant, amplexi sunt. Sic antiqui, ut  
Plinius & Macrobius scribunt, Iani signū  
ita formabant figurabantq; ut dextra qui-  
dem ccc. sinistra uero lxxv. effingeret: et si  
qui-



quidā nō LXV. sed IIII. & L. duntaxat frigidum quodam argumento persuadere conati sunt. Berosus quoq; Babylonicus, cui in gymnasio, ut ait Plinius, Athenienses statuam inaurata lingua posuere, in antiquitatum libris scriptum reliquit, Noah Armenios & Scythas docuisse astrorum cursus, & annū distinxisse ad solis cursum, & XII. menses ad motum lunæ, & cætera quæ in eius lib. 3. leguntur. Igitur cum tanta fuerit inter doctissimos dissensio, quid mirum si anni ciuiles, quos diuersæ ciuitates rudes etiam tum sibi quæq; statuebant, tam inter se discrepent, q̃ cum illo naturali nō congruant? Nam ut est apud Plinium, annum alij æstate unum determinabant, & alterum hyeme. alij quadripartitis temporibus, sicut Arcades, quorum anni trimestres fuerūt. quidam lunæ senio, *Aegyptiorum* ut Aegyptij. Plutarchus quoq; in Numa ita *annus.* ferè de Aegyptiorū annis scribit: Aegyptijs, inquit, menstruus annus fuit, dein quadrimestris, ut aiunt: quare qui uel nuperrimè eam regionem incoluerunt, uetustissimi esse uidentur, annorumq; incredibili multitudine in familiarū deductionibus differunt, quippe qui menses in numerū annorū collocent. Idem fermè Plinius & Augustinus, qui Aegyptij quoq; sacerdotis annos ex Alexandri Magni epistola ad Olympiadē matrem, eadem ratione redarguit. Xenophon



quoq; quisquis is est qui de æquiuiocis libellum composuit (neq; enim cōuenit cum Xenophonte Socratico) ita de Aegyptiorū annis scribit: Annus, inquit, diuersus est. Etenim Aegyptij utuntur anno quādoq; menstruo, sæpe bimestri, non raro trimestri, sæpe quadrimestri, nonnunq; solari. quæ uarietas ex nostris qui ab eis literas habuerūt sapientes coëgit aberrare. Sed & Censorinus ita inquit: In Aegypto antiquissimū ferunt annū bimestrem fuisse, pōst deinde à Pisone, uel ut rectius alij legunt, Plierone rege quadrimestrem factum: nouissime annū ad xii. menses & dies quinq; produxisse: id quod & lepidus carmine in Vrania etiam Pontanus ostendit:

*Dicendum & uarijs fuerit qui gentibus annus.  
Aegypti primum ueteres fecere bimestrem,  
Moxq; quater geminis complerunt mensibus, inde  
Per bisseña pari duxerunt sydera tractu.*

Quare mirū est Macrobiū ita scripsisse: Anni certus modus apud solos semper Aegyptios fuit. quod tamen & Herodotus scribit in ij. hist. Heliopolitanos, qui feruntur inter Aegyptios solertissimi, dicere solitos, Aegyptios ipsos primos annum statuisse, eumq; in duodecim menses distinxisse, idq; ex astris cōperisse diligentius q̃ Græci, quod Græci tertio quoq; anno intercalare mēsem introducāt: at uero Aegyptij tricenis lx. diebus qui-



quibus XII. menses taxant, adiiciunt quotannis quinos dies. Idem ferme Diodorus Siculus, qui Thebæis id tribuit. Idem scribit & Strabo. Hebræi uero annum, ut Theophilus & Suidas tradunt, numerant ad lunę cursum. Scribit Iosephus, & pluribus disputat Aurelius Augustinus, apud Hebræos semper annum fuisse XII. mensium. Idem etiam annum XII. mensibus lunaribus metiuntur. Verum tertio quoque anno XIII. mensium annum constituunt, atque ita per embolismum intercalationemue adæquant tempora: nam & ipsi XII. habent mensium uocabula, ut suo loco pluribus ostendemus. Sed cum intercalaris annus est, Februarium bis enumerant, priorem quidem Adar appellantes, secundum uero Veadar, quasi dicas, & Adar, hoc est, & etiam Februarius. Arcades autem in Achaia trimestrem annum primum habuisse, etiam Censorinus dicit, & ob id *προσέλλωσι* uel *προσέλλωσι* appellant, ut Cic. in Fundaniana. Statius: Arcades astris lunaque priores. Pontanus: Arcades ante Iam geniti quam luna suos ostenderit ignes. ut Seruium mittam & Lactantium grammaticos. Sunt qui scribant Hippum Rhægynum primum Arcadas hoc uocasse nomine, non, Censorinus ait, ut quidam putant, quod ante sint nati quam lunæ astrum in cælo esset, id enim ridiculum, sed quod prius habuerunt annum, quam is in Græcia ad lunę cur-



sum constitueretur. Sunt qui putent Horon trimestrem annum instituisse, eoq; uer, æstatem, autumnum, hyemem, *ῶρς*, & annum dici, & græcos annales *ῶρς*, & eorum scriptores horographos. Itaq; quatuor annorū circuitum in modum penteteris annum magnum dicebāt, id est, annum uertentem. Ad hæc Cares & Acarnanes semestrem annum habuerūt, ut Censorinus & Solinus tradūt. Scribit Xenophon in æquiuocis, Iberis annum fuisse quadrimestrē ut plurimū, rarissimē solarem. Tum subdit: Chaldæi cum in antiquitate disciplinarū suarum utantur menstruo anno, in cæteris semper solarem se intelligere fatentur. Addit & inscriptionem columnæ Semiramidis, quam progenitoribus illa erexerat, idem comprobare. Persæ, ut Q. Curtius scribit, totidem dierum annū, quot nunc habemus, ad Alexandri tempora habuere. Nam Magi, inquit, proximi patrium carmen cantabant, & c c c l x v. iuuenes sequebantur Punicis amiculis uelati, diebus totius anni pares numero, quippe Persis totidem dieb. descriptus est annus. Sed & Græcos ita habuisse non modò suprà ex Thalete Milesio, sed & Cleobuli illud ænigma ostendit, quod in ænigmatum libello ad Io. Th. Picum attulimus. Idem & significant Demetrii Phalerei quę dicatę fuerē statuę c c c l x. nondum, ut ait Plinius, anno hunc dierum nume-



numerum excedente. Reliqua Græcia ccc  
LIIII. dierum annum proprium constitue-  
bat, quo pacto & Arabes etiamnum, ut Al-  
phraganus eorum scriptor tradit. In Italia  
uero Lauinij XIII. mensium annum habue-  
re, ut testis est Solinus, qui cccLXXIIII.  
diebus complebatur. Porro Ferentini annū  
aliū habebant, aliū Albani, aliū aliū,  
adeo ut ita hac de re Pontanus in Vrania ce-  
cinerit:

*Nanque aliū primo Romæ nascentis in ortu  
Instituit pater, & gyro breuiore coëgit.  
Promouit spaciū Numa, nec Laurentibus idem,  
Idem erat Albanis, aliū qui Tyburis arua,  
Quiq; Ferentina Cercrem metit incola falce,  
Et tenere suis habuerēq; in urbibus orbem.*

Sanè nec illud nos ignorare oportet, Plane- *Planetarum*  
tarum, hoc est, uagarum stellarū circuitus, *annus.*  
cum scilicet certo loco in eundem locū re-  
deunt, annū suū efficere. Nam Veneris an-  
nus & Mercurij penè solari pares. Martis ue-  
ro annus ferè bienniū occupat. Iouis annus  
solares XII. Saturni XXX. annorum sola-  
rium esse Astronomi ostendunt. Demū luna-  
ris annus quadrifariā accipitur: primus est  
cum luna XXVII. diebus & horis octo si-  
gniferū percurrēs, ad id signū ex quo egressa  
est reuertitur. Secundus est diebus duobus &  
horis quatuor prolixior, qui ex usu mensis  
appellatur, cum solem à quo noua digressa



est **xxix.** & **xii.** horis exactis, iam defecta repetit. Tertius, qui **xii.** mensibus huiusmodi, id est, diebus **ccc l i i i i.** expletur, & uocatur annus cōmunis. Quartus est qui Inter-  
 laris & Embolimus dicitur, id est, interiectus,  
 & **xiii.** menses habet, & dies **ccc l x x x -**

*Annus ciuilis.* **iiii.** Nec illud quoque ignorandum, annū ciuilem uocari, quē pro arbitrio populi seu gen-

*Naturalis.* tes sibi statuere. Naturalem uero, qui siderū cursu colligitur: qui & uertens, & solstitialis dictus est. Sed cum tanta sit anni ciuilis uarietas, omnes tamen ad uerū illum & naturalem annum intercalando quoquo modo corrigere studuerunt, de quibus nō multo post agemus. Nunc ad Romanorū annū trāsibo. Titus Liuius in primo ab Urb. cōd. Numam Pompilium ait primū apud Romanos ad cursum lunæ annū in **xii.** menses descripsisse: quem, quia tricenos dies singulis mensibus luna nō expleret, deessentque dies solido anno qui solstitiali circumagitur orbe, intercalares mensibus interponendis ita dispensasse, ut **xxiiii.** quoque anno, uel **xx.** potius, ut castigati codices habent, ad metā tandem solis, unde orsi essent, plenis annorū omnium spacijs dies congruerent. Sed rem totā hanc copiosius Plutarchus in Numa, nos institutū sequamur. Annū uertentē Romæ Licinius quidē Macer, & postea Fenestella, statim ab initio **xii.** mensiū scripserūt: quibus  
 astipu



astipulari alicubi uidet Plutarchus, qui, Romulo, inquit, regnante, præter rationē & ordinem mensibus utebantur Romani: alios enim menses neq; dierū xx. alios quinq; & xxx. nōnullos uero pluriū cōputantes: cognitionēq; lunæ aut solis inæqualitatis nullam habebant, sed dies tantū anni ccc lx. obseruabant, mensibus scilicet xii. Hoc quidem in uita Numæ. Idem fermè repetit in quæstionibus, dum causam inquit, cur Ianuarius principiū fit anni, & December ultimū: Ex quo, inquit, nōnulli opinati sunt ueteres Romanos nō xii. sed x. mensiū annū cōplese. Mox subdit: Mutatū tantum anni principium, cum prius Februarius ultimus esset, ut is qui parentationibus dicatus esset. Sed magis Iunio Graccho, & Fulvio, & Varro, & Suetonio, alijsq; ait Censorinus, credendū est, qui x. tantūmodo mensiū annū putauerūt, sic à Romulo institutū. Ita & Ouid. poëta quoq; narrationē Fast. exordit:

*Tempora digereret cum conditor urbis, in anno*

*Constituit menses quinq; bis esse suo.*

ea uidelicet ratione, qd & mulieres totidem menses ferant, totidemq; funeris luctus produceretur, & tot in manibus digiti. Romulum autem eum mensium numerū ab Albanis accepisse proditum est. Nam & ab Albanis orti sunt Romani: hi uero x. mensium annum habuere, hoc est, dierum ccciiii.



hoc modo: Martium dierum xxxi. April-  
lem xxx. Maium xxxi. Iunium xxx.  
Quintilem xxxi. Sextilem & Septembrem  
xxx. Octobrem xxxi. Nouembrem &  
Decembrem xxx. Quorū quatuor maio-  
res pleni, cæteri sex caui uocabantur. Et hæc  
quidem fuit Romuli ordinatio. Verum cum  
hic numerus neq; solis cursui, nec lunę ratio-  
nibus conueniret: & nonnunq̃ usu ueniret,  
ut frigus anni æstiuus mensibus, & cōtrā, ca-  
lor hyemalis proueniret, quod ubi cōtigis-  
set, tantum dierum sine ullo mensis nomine  
patiebantur assumi, quantū ad id anni tem-  
pus adduceret, quò cœli habitus instanti  
mensi aptus inueniretur. Quod & Seruius  
in Georg. his uerbis: Duo, inquit, menses  
propter rationem signorum anni intercala-  
bantur, qui postea à Iano & Februo nomi-  
nati sunt. Postea uero siue à Numa, ut uult  
Fuluius nobilior & T. Liuius, siue ut Iunius  
Gracchus à Tarquinio xii. facti sunt men-  
ses, & luna xii. suis mensibus ccc l i i i.  
dies tantū uideretur explere, placuit ut dies  
unus abundaret: quod aut per imprudentiā  
accidit, aut quod magis creditur, ea supersti-  
tione, qua impar numerus quā par, plenus  
ac magis faustus haberi etiam ex Pythago-  
rg instituto creditum est: certē ad annū prio-  
rem Romuli unus & l. dies accesserunt: qui  
quia menses duos non implerent, sex ijs ca-  
uis



uis mensibus sunt singuli detracti, & ad eos additi factiq; dies LVII. & ex ijs duo menses, Ianuarius undetriginta, & Februarius duodetriginta dierum, atque omnes menses pleni & impari dierum numero esse cœperunt, excepto Februario, qui solus cauius & par, & ob hoc cæteris infauitior est habitus. Sic annus habere quinq; & quinquaginta & ccc. dies cœpit. Postmodum cum etiã perspicerent temerè annum diuisum, & appareret solis meatum non ante cccLXV. diem, abundante insuper quadrantis particula, Zodiaci cōficere decursum: ut quadrantis particulã illam & dies x. adderēt, intercalarium mensem xxii. uel xxiii. dierum alternis annis addere placuit, ut ciuilis annus ad naturalem exæquaretur in mense potissimum Februario inter Terminalia & Refugium: qui mensis intercalarius dicebatur, & ita apud scriptores pronunciatum uidemus. Liuius lib. 7. de bello Macedonico, cum de Scipionis Asiatici triumpho agit: Triumphauit, inquit, mense intercalario pridie calend. Martias. Sic & cæteri scriptores. Sed hic congruus locus uidet̃ ut de intercalatione agamus, unde scilicet dicta, & quando, & quomodo, & à quibus inducta, tum demũ qui hodie eius sit usus: Intercalo igitur uerbum, à καλῶ uerbo græco, quo priscos latinos usos esse uidemus, à quo & calendæ,

Intercalo.



& curia Calabra deducuntur, & significat interuoco, uel intercino. Liuius: Vt intercalatæ pœnæ usuram habeant. Intercalabātur autē, hoc est, interuocabantur nominabanturue dies seu menses à Pontifice, qui anno essent adiiciendi, demendiue (uariē enim traditur) ut lunaris circuitus solari cōuenirer. A qua similitudine & uersus intercalares dicuntur, qui in poëmatibus intercinunt, quales sunt Theocriti, Vergilij, Catulli, & Calphurnij, aliorumq̃. Sic dies uel menses interiecti, ut lunæ tempus soli cōgrueret, intercalares uocati, quos & Mercedinos dictos Plutarchus ait in Numa & in Cæsare, licet aliquādo perperam Mercedonios in peruulgatis græcis & latinis exemplarib. legatur. Alij intercalo, intersero uel interpono, alij eximo interpretantur, sed qua illi ratione uiderint: rei enim effectum potius, quā uerbi uim attendisse uidentur. Quando uero, & à quibus, & quomodo inductæ sint intercalationes, diuersa ac uaria diuersi, uarijs etiam de causis tradidere. Nam Aegyptij, ut ab his incipiam, tricenum dierum cum omnes habeant menses, ccc & lx. tantum anni dies habent: hinc explicitis xii. suis mensibus, id est, ccc. illis lx. diebus exactis, inter Augustum atq̃ Septembrem, hoc est, inter Mesori & Thoth, inter scilicet nouissimū anni sui mensem, & sequentis primum, reliquos  
quinq̃



quinq; dies solaris circuitus anno inserunt.  
 Quarto insuper quoque anno, diem eodem  
 loco intercalarem, qui ex quadrantibus cō-  
 fit, annectunt. Hæc fermè apud Macrobiū  
 Horus, cui consonat Bedas: sed & Hero-  
 dotus, & Diodorus, item Dion & Strabo.  
 Hebræi quoque cum annum, ut iam dictum  
 est, ad lunæ cursū habeant, tertio quoque  
 anno mensem intercalant, & xiiii. men-  
 sium annum constituunt, addito scilicet in-  
 tercalari mense post Adar, quem nos Fe-  
 bruarium appellamus, qui Veadar dicitur  
 ab eis, quasi tu dicas, & Adar, hoc est, & Fe-  
 bruarius. Non me præterit apud antiquos  
 Hebræorū patres, aliam fuisse embolismi ra-  
 tionem ab hac longe diuersam, quam ideo  
 missam facimus, ut ad græcam & nostram  
 properemus. Græci quidem, ut Solinus scri-  
 bit, singulis annis xi. dies & quadrantem  
 detrahebant, eosq; octies multiplicatos in  
 annum nonum reservabant, ut contractus  
 nonagenarius numerus, in tres menses per-  
 tricenos dies scinderetur, qui anno nono re-  
 stituti efficiebant dies ccccxlvi. quos  
 ἐμβολισμούς uel ὑπερβάλλοντας, uel, ut est apud  
 Macrobiū, ὑπερβαίνοντας nominabant, hoc  
 est, interiectos, superiectos, & superuenien-  
 tes. Quidā et ἐμβολίμους et ἐμβολιμαίους dicūt, et  
 ἐμβάλλειν et παρεμβάλλειν uerba, quæ intercalare  
 et inferere significāt: et παρεμβολή intercalatio,



ut nonnulli putant. De hac autem intercalandi ratione exactius scribit Macrobius, ut mihi quidem uidetur. Intercalabāt quidem, ut Glaucippus tradit, quem Macrobius & Theodorus sequuntur, ultimo anni sui mense, hoc est, ante solstitij mensem. Alium præterea apud Græcos intercalandi modum apud M. Tullium legimus, qui ita in iij. lib. in Verrem scribit: Est consuetudo, inquit, Siculorū cæterorumq; Græcorū, quod suos dies mensesq; congruere uolunt cum solis lunæq; ratione, ut nōnunquam si quid discrepet, eximant unum aliquem diem, aut summū biduum ex mense, quos illi *ἐξαπρόσμως* dies nominant. Item nonnunq̃ uno die longiorem mensem faciunt, aut biduo. Hęc quidem M. Cic. totidem uerbis. Vocātur autem *ἐξαπρόσμως*, quasi tu dicas exemptiles. Sed & aliam Græcorum intercalandi rationem Herodotus ab his diuersam attulit, cuius & retro meminimus, in qua se planē Gaza non explicat. Quibus omnibus ex rebus conspiciamus, nō eandem semper fuisse apud Græcos intercalandi rationem: quod & Libanius docet in eius argumento orationis Demosth. quæ κατ' ἀνδροτίων & inscribitur. Idem & nostris contigit. Nam cum sæpe eueniret ut nundinæ modo in anni principem diem, modo in nonas inciderent, idq; uitium perniciosum Reipub. uideretur, remedium quo hoc auerteretur



teretur excogitatum est. quod intercalandi initium quando contigerit, & à quibus, uariè refertur. Macer enim Licinius intercalationis originem Romulo assignauit. Antias lib. 2. Numam Pompilium sacrorum causa id inuenisse contendit. Iunius Seruium Tullium regem primum intercalasse commemorat, à quo & nundinas institutas Varroni placet. Tuditanus refert lib. 3. magistratum, Decemuiros qui decem tabulis duas addiderunt, de intercalando populum rogasse. Cassius eosdem scribit autores. Fuluius id egisse M. Consulem dicit ab urbe cond. anno DLXII. inito mox bello Aetolico. Sed hoc arguit Varro, scribendo antiquissimam legem fuisse incisam in columna ærea à L. Pinario & Furio coss. cui mentio intercalaris adscribitur. Cum igitur incertum sit à quibus primum intercalatum sit, obtinuit tamen, teste Plutarcho & Liuiio, ut à Numa rege ferè credatur. Sed cum Græcorum ordinem Romanis imitari placuisset, frustra eis contigit: fugit enim eos, diem unum additum ad græcum numerum in honorem imparis numeri, cuius antè meminimus: quare per octennium cōuenire numerus atq; ordo non poterat. At cum nondum errorem comperissent, per octo annos xc. græco modo cōputabant dies, alternisq; annis binos uicenos, alternis ternos ac uicenos, atq; ita intercalationibus quatuor, xc.

E



numerus cōficiebant. Verū octauo quoq;  
anno dies octo illi effluebant, qui additi fue-  
rant ad græcum numerum: quem errorem  
cum cognouissent, ita emendarunt. Tertio  
quoque octennio ita intercalandos dies di-  
spensabant, ut nō xc. sed Lxvi. dies inter-  
calarent, compensatis xxiiii. diebus toti-  
dem annis superadiectis ad græcorū nume-  
rum. Iam uero monstrandum uidetur qui  
mensis intercalationi sit deputandus. quod  
cum in anni fine facilius fieri conspiciamus,  
ut etiam Aegyptios, Hebræos & Græcos in-  
tercalare solitos iam diximus, prisci Roma-  
ni, quoniam annum à Martio inceprabant,  
Februarium intercalationi, quod is esset ul-  
timus anni, deputarunt, inter Terminalia &  
Regisfugiū, ne scilicet sacra impedirētur. li-  
cet Ouid. Terminalia nono calend. & Re-  
gisfugium vii. calen. Martias cōstituere ui-  
deatur. Rectius ergo Bedas & alij qui hoc  
v. illa vii. calen. celebrata asserunt. Quare  
post xxiii. Februarij diem intercalabant:  
deinde, ut & nos hoc tempore de bissexti die  
facimus, post intercalationem reliquos Fe-  
bruarij mensis dies, qui erant quinque, subiun-  
gebāt, uetere ea religione, ut Macrobius cre-  
dit, ut Februarium omnino Martius seque-  
retur. Quam rationem cum & nostri ponti-  
fices hoc tempore per manus traditam ob-  
seruēt, Astrologi quidam negotium sibi fie-  
ri non



ri non paruum aiunt, cum Februarius amplius non sit anni finis: nosq; in Decembris fine potius intercalare debere. Sed tamen Rituales nostri antiquam malunt, quàm horum normam sequi. Arque hætenus quidem de uetere intercalandi ratione. Verum, inquit Macrobius, tempus fuit cum propter superstitionem intercalatio omnis esset omissa: unde, ait Censorinus, Pontificib. datum esse negocium, eorumq; arbitrio intercalandi rationem permissam, ut delictum corrigeretur. Sed horum pleriq; ob odium, uel quò quis magistratu citius abiret, diutiusue fungeretur, aut publici redemptores anni magnitudine in lucro damno ue essent, plus minusue ex libidine intercalando rem sibi ad corrigendum mandatam uitiose deprauarunt: quod etiam Macrobius & Solinus affirmant. Quibus auctoribus planum sit, cur Cælius in familiaribus lib. 8. scribat: Leuissime Curio, quia de intercalando non obtinuerat, transfugit ad populū, & pro Cæsare loqui cœpit &c. Gallorum uidelicet captus spolijs, ut ait Luca. poëta, & Cæsaris auro. E diuerso in epistolis ad Atticum, M. Tull. Atticum rogat, ne sibi intercaletur quid: idq; nec semel facit, ne scilicet sibi prouincia prorogetur. Hoc autem intercalandi uitio adeo est aberratum, ut Cæsar Dictator coactus fuerit annos ad solis cursum singulos dirigere, adhibito, ut



scribit Plinius, Sofigene eius scientię perito:  
& ea ipsa ratio postea comperto errore cor-  
recta est, ut planius infra aperiemus, ita ut  
xii. annis cōtinuis nō intercalaretur, quia  
cōperat fidera annus morari, qui prius an-  
tecedebat: & Sofigenes ipse tribus cōmenta-  
tionibus, quanquam diligentior cāteris, nō  
cessauit tamen addubitare ipse semet corri-  
gendo. hāc Plinius. Macrobius uero ait, Cæ-  
sarem ipsum omnē quidem hanc inconstan-  
tiam temporū uagam & adhuc incertam, in  
ordinē statutæ definitionis cōgisse, sibi an-  
nitente M. Flauio scriba, qui scriptos dies  
singulos ita ad Dictatorem retulit, ut & or-  
do eorum inueniri facillimē posset, & inuen-  
to certus status perseveraret. Sed ut res pla-  
nius constet Censorini uerba afferam: Adeo  
aberratum est, inquit, ut Caius Cæsar Pont.  
Max. suo tertio, & M. Aemylj Lepidi con-  
sulatu, quō retro delictum corrigeret, duos  
menses intercalares dierum Lxvii. ut scri-  
bit Dion in historia, licet alij uelint Lxviii.  
uel ut alij legunt Lxiiii. in mensem No-  
uembrem & Decembrē interponeret, cum  
iam mense Februario dies iiii. & xx. in-  
tercalasset, faceret que cum annum dierum  
ccccxlv. uel ut Macrobius scribere uide-  
tur, cccxlii. qui & hunc ipsum annum  
appellat confusionis. Solinus uero interca-  
lares anni huius dies numerās ut exemptos  
ex



ex anno, solū CCCXLIII. dies habuisse ait. Sed Suetonius XV. mensium hunc annum fuisse scriptum reliquit, cuius uerba paulò post referemus, utcumq; Caius Cæsar simul prouidit, ut tradit Censorinus, in futurū ne iterū erraretur. Nam intercalario mense sublato, annum ciuilem ad solis cursum formauit: itaq; diebus CCCLV. addidit X. quos per septem menses, qui dies undetriceños habebant, ita distribuit, ut Ianuario & Sextili & Decembri, bini accederent: cæteris, hoc est, Aprili, Iunio, Septembri & Nouembri, singuli: eosq; dies extremis partibus mensium apposuit, ne Nonarum aut Iduum religionem, quæ statuto erat die, nouella comperendinatione corrūperet. Sed nec post Idus uoluit inferere, ne feriarum quarumq; uiolaretur indictio. Quapropter cū in septem mensibus dies singuli & tricenī sint, quatuor tamen illi ita primitus instituti eo dignoscuntur, quod nonas habent septimanas, cæteri omnes reliqui quintanas. Præterea pro quadrante diem, qui annū uerum suppleturus uidebatur, instituit, ut peractō quadriennij circuitu, dies unus, ubi mensis quondam solebat, post Terminalia intercalaretur, quod nūc bissextū uocatur. Quam omnē rationē mirū est, quā solo disticho poëta ingeniosissimus lib. iij. Fast. cōcluserit: ita enim ait:

*Is decies senos tercentum & quinque diebus*

E 3



*Iunxit, & è pleno tempora quarta die.*

*Anni Iuliani.*

Hoc loco & illud addit Dion hist. libro xliij. Diem illum, inquit, qui ex quadrantibus conficitur, in quartum annum computauit, sic adeò, ut horæ nisi in minimo ac tantillo discordarent: nam in M C C C C. uno & sexagesimo anno, unus est duntaxat dies intercalandus. quam quidem anni correctionē, Cæsarem ipsum cōprehendisse ait, quod in Aegypto & Alexandria fit diuersatus. Ex hoc igitur anno ita à C. Cæsare ordinato, ad suā usq; memoriam, scribit Censorinus, Iuliani anni appellabantur, qui etiam si nō optimi, soli tamen ad annum naturæ adaptati sunt. De his & Tranquillus Suetonius in Cæsare: Fastos, inquit, correxit, iam pridē uitio pontificum per intercalandi licentiam adeò turbatos, ut neq; messium feriæ æstati, neq; uindemiæ autumnō competerēt: annumq; ad cursum solis accommodauit, ut C C C L X V. dierum esset, & intercalario mense sublato, unus dies quarto quoq; anno intercalaret. Quo autem magis in posterum è calend. Ianuarijs nobis temporum ratio congrueret, inter Nouembrem ac Decembrem mensem interiecit duos alios: fuitq; is annus quo hæc constituebantur quindecim mensium cum intercalario, qui ex consuetudine in eum annum inciderat. Et hæc quidem Suetonius. In hoc uero Cæsar est imitatus Aegyptios, ut



ut Macrobius & Appianus ac Dion scribūt. Hoc loco illud iure in disquisitionē à plerisque trahitur, quas M. Cic. intercalares cal. significare uoluerit, cum in epistola ad Q. Ligarium scripsit: Ego idem tamen, ait, cum ad 11. calen. intercalares priores rogatu fratrum tuorum uenissem mane ad Cæsarem. & reliqua. Quo loco etiam notandū est Ciceronem ad 11. calend. dixisse, non pridie calend. ut grāmatici præcipiunt. priores uero intercalares dixit, quod duos menses intercalares Cæsar addiderit, ut ostendimus. Merula & in hoc elaborauit, sed parum se explicuit: quo fit, ut illud quod subdit, frigidū sit, & præcipuè cum Leonardum Aretinū taxat, qui in sua Ciceronis uita scripserit, quod accedente ad C. Cæsarem Cicerone dicturo pro Q. Ligario orationē, Cæsarem ad amicos conuersum dixisse: Reum quidem Ligarium damnare certum est, nihil tamen prohibet Ciceronē audire: quo mox agente causam, Cæsare propositū mutasse, Ligariumq; absoluisse &c. nam & hanc ipsam historiam non Aretinus tantum, sed & Plutarchus recitat. quare falsum id totum uidetur, quod in Leonardum Merula, & in ea parte epistolæ Ciceronis conscribit. Sic etiam cum Celsi Iurisconsulti uerba in eodem loco exponit, quæ sunt de uerborū rerumq; signif. Cuius uerba ut hic adscribantur dignissima sunt:



Cum bissextus, inquit, calendas est, nihil refert priore an posteriore die quis natus sit, & sic deinceps VI. calendas eius natalis dies est: nam id biduum pro uno die habetur, sed posterior dies intercalatur, non prior. Ideo quo anno intercalatum non est, VI. calend. natus, cum bissextus calend. est, priorē diem natalem habet. Cato putat mensem intercalarem addititium esse, omnesq; eius dies pro momento temporis obseruat: extremoq; diei mensis Februarij attribuit Q. Mutius. Mensis aut intercalaris constat ex diebus XXIX. Haftenus ille. In quibus uerbis Merula sicuti iure incesit Accursium, ita nō planē quæ à Celso affertur Catonis sententiā est interpretatus, sicuti nec Scæuolæ Budæus: quorum ideo opiniones refellere ego hoc loco prætereo, quod eas nostræ ætatis Iurisperitorū eruditissimus Andr. Alciatus, in suo eiusdem tituli cōmentario doctē exposuit. Porro quod à multis quæri uideo, quæ dicantur calendæ intercalares, etsi res frigida uideatur, quæ tamen ego obseruauī, hic paucis notabo. Calendæ igitur intercalares erāt eius mensis qui intercalabatur apud Romanos post mensis Februarij diem XXIII. hoc est, inter VI. & V. calen. Martij. Vnde cū Cæsar tres menses in confusionis anno intercalauit, hoc est, unum XXIII. dierum in mense Februarij, & reliquos duos inter Nouembrem



brem & Decembrē, omnes ipsæ tres calendæ intercalares fuerunt. quare patet neq; Martias, quod Budæus: neq; Februarias, quod multi putauere, intercalares fuisse. Vnde & hoc tempore apparet inanem eorum esse obseruationem, qui in scribendis epistolis cum bissexto annus est, ita scribunt: Sexto calendæ intercalares priores. & altero die, sexto calen. intercalares secundas. qui scribendi modus, licet aliquando mihi arriserit, ut & ego scriberem tum priores & posteriores calen. cum tamen alter tantū, hoc est, secundus intercalaretur, satis esse uidetur calen. intercalares scripsisse de secundo. Ecclesiasticus uero mos simpliciter pronunciat, bissexto calendæ Martias, unde & bissexti nomen est usurpatum. Sanè diem, mensem, & annū, intercalarem & intercalarium dicimus, sicut & bissextus & bissextum apud Celsum Iuriscons. Macrobiū & Censorinū. Ammianus Marcellinus diem bissexti infaustū esse in historia prodidit, & idcirco Valentinianus Imperator aliquando prodire in publicum noluit, ut ominosum illum euitans. Alij & bisextilem annum infaustum quoq; dixere: unde & hac tempestate fœtæ mulieres, ut ominosum & noxiū expauescunt & execrantur. Quin etiā Macrobius scribit, quòd quoties incurrente anno, dies cœpit qui adiectus est nundinis (ita enim ille scribit) om-



nis ille annus infauſtis caſib. luctuoſus fuit, maximeq; Lepidiano tumultu opinio iſta firmata eſt. Quam rem ut ſuperſtitioſam noſtri nunc pontifices, ut ridiculam & inanem phyſici damnare conſueuere. Sed ut unde digreſſus ſum redeam. Sic annis à Cæſare diſpoſitis, per ſacerdotes tamen uitium admiſſum eſt. Nam cum præceptum eſſet anno quarto ut intercalaret dies unus, & oporteret id quarto quoq; anno obſeruare, anteq̃ quintus auſpicaretur, illi incipiente quarto intercalarunt, non deſinente: ſic per annos ſex & xxx. cum i x. dies tantū ſufficere debuiffent, xii. ſunt intercalati. Quod erratū deprehenſum Auguſtus reformauit, iuſſitq; annos xii, ſine intercalatione decurrere, ut tres illi dies, qui ultra i x. neceſſarios temerè fuerant intercalati, hoc modo poſſent reperiari: ex qua diſciplina omnis poſtea temporum eſt fundata ratio, quæ ad æternam memoriam æreis tabulis incifa eſt: & poſthac ſunt anni Auguſtiani, ſicut Iuliani ab Iulio, nūcupati ab Auguſto. Sed & Aegyptij ſuos habuere Auguſtanos, ut ait Cenſorinus, inſtitutos, cum in poteſtatē ditionemq; Pop. Rom. uenerunt. qui tamen & alios habuerunt, quos Neſtabarcos uocitabāt, qui à primo anno imperij *Nεταβαρις* regis numerabantur. Sanè, ut ne quid omittā, noſtræ ætatis diligentiores aſtologi, pro quadrāte anno

nuo



nuo intercalaris diei parte, nō sex, sed quinque  
 duntaxat horas censent integras, & minuta  
 circiter XLIX. ut singulo quoque quadriennio  
 minuta XLIII. superfluo intercalent,  
 quæ in spacio annorum centum & XXX. fe-  
 rē diem integrum cōstituant, qui quidem ni-  
 mio plus satis intercaletur. Quam rem & ex  
 parte attingit Theodorus, cum ait, satius esse  
 in quadriennio unum diem intercalarem,  
 unumque c c ferme anno facere: cōtra Pletho-  
 nem & eos scribens, qui annum ad lunæ &  
 solis cursum dirigere maluerūt, quod tamen  
 diuersum uidetur ab eo, quod ex Dione hi-  
 storico antè notauī. Quibus ex rebus parū  
 constare uidet, quod est in Chronico ab Eu-  
 sebio proditum, uel ab Hieronymo: Manife-  
 stum est, inquit, luminibus antecedere lucē  
 tribus diebus, in mundi scilicet exordio. Vn-  
 de uidentur Aegyptij cæteræque gentes hoc  
 sequentes decretum, quatuor annis imple-  
 ris diem integrū superfluum adiungere, quem  
 etiam bissextū nominauere. Nam cum tres  
 dies istos computare qui sint, atque recogita-  
 re uoluerimus, unius anni centesimam uige-  
 simamque partē istam esse cognoscemus: cen-  
 tesima autem & uigesima dies inuicem com-  
 putata, tertia pars esse anni dignoscitur. Ter-  
 tia ergo addita parte, annuali quadriennio  
 dies integer completur, atque ad partium par-  
 tes menses atque anni superflui computantur,



quos Græci quidem embolismos uocare solent, Aegyptij autē exaltationes siderū, atq; stabilitates appellant: imò bissextū, ob rememorationē lucis atq; dierū & noctium, quæ luminibus triduum antecesserūt, ideo quod tres dies sine autore sole processerunt. Hæc quidem illi. Quæ ideo adscribenda duxi, nō quod rata putarem, sed ut ostenderem pios homines ac sanctos, quā argutē, quibusq; rationibus nos ad pietatem & religionē inducere conentur. Verum iam nos satis de intercalatione, ad cætera quæ restant accedamus. Principiū anni iam tum Romani à Numa usq; Pompilio ab Ianuario habuerunt, cum ab ipso Ianuarius & Februarius anno menses additi fuerunt, quæ cōmunis est opinio. Sed poëta Ouid. Fast. lib. ij. Ianuariū annum inchoasse semper dicere uidetur, & Februariū aliquando terminasse, his uersibus:

*Sed tamen (antiqui ne nescius ordinis erres)*

*Primus ut est Iani mensis & antè fuit.*

*Qui sequitur Ianum, ueteris fuit ultimus anni.*

*Tu quoque sacrorum Termine finis eras.*

*Primus erat Iani mensis, quia ianua prima est.*

*Qui sacer est imis manibus, imus erat.*

*Postmodo creduntur spacio distantia longo,*

*Tempora bis quini continuasse uiri.*

Decem uiros ergo hunc ordinē mutasse scribit Ouid. Plutarchus primum ait Ianuariū omniū numerari cæptū, quod primo huius mensis



mensis die, hoc est, calendis, primi c o s s. exactis regibus creati sunt. Hinc & postea Cōsules calen. ipsis Ianuarij magistratum inibant, festumq; diem agebant, ut uel Herodianus in hist. tradit. Nam cum Saturnus ab Ioue pulsus, ad Ianum in Italiam uenisset, ab eo hospitio susceptus latuit: unde & nomen est Latio datū, id quoq; testante poëta. Quocirca & Saturnalia ante Ianuarium agebantur, de quibus in primis Aurel. Macrobius pluribus differit, ut alios mittam. Dein post Saturnalia anni statim principium celebrabant, unumq; quodammodo iungebant festum, atq; ideo biceps fuit eius dei imago, ut à quo inciperet, & in quem desineret annus. Nam quod etiam quadriceps formaretur, alia ratio est, à nobis ex uetustis autoribus aliàs relata. Cumq; antiqui inuicem munera missitarēt in Saturnalibus, idem quoq; in anni exordio factitabant: quod cum ab alijs scriptoribus, tum in primis in Cōmodi Cæs. uita ab Herodiano est proditum. quem morem in strenis dandis hodie quoq; obseruant nostri. Scribit & illud Plinius, primum anni incipientis diem lætis precationibus inuicem faustum ominari solitos antiquos: id quod & hoc tempore, in curia præsertim Romana, non modò in calend. Ianuarij, sed & in solennibus Christi celebritatib. adhuc obseruari uidemus. Non tamen id perpetuū,



fuit qđ diximus, Cōsules calen. Ianuarij mā  
gistratū inijsse: nam ut apud historicos & prę  
cipuē Liuiū uidemus, aliquādo calen. Sexrili  
bus, aliquando Idibus Martij & Maij magi  
stratū inijsse legimus. Sed iam par esse uidet  
ut annorū uertentiū exordia inuestigemus,  
si modō id rectē ratione colligi potest. Nam  
cum annus ueluti circulus quidā existat, qui  
sua per uestigia semper uoluat: quæq; in or  
bem circūagunt, nihil suapte natura habent  
quod primū extremūue sit, nisi qđ uel le  
ge, uel cōsuetudine aliqua cōstitutū sit: hac  
ergo causa alij aliud anni principiū sibi sta  
tuere. Sed tamen illi optimē uident annū, ut  
Plutarchus & Plethon aiūt, exordiri, qui cū  
sole nouo, hoc est, cum ad brumā sol perue  
nit, nec ultra progredit, sed ad nos rursus re  
gredi incipit: naturale enim id quodāmodo  
principiū: quo modo nos in primis Christia  
ni, quibus cōrigit Christi nouæ lucis natalis  
dies. Romani quoq; ut modo dicebam, Nu  
ma instituyente, annū incepere. Pleriq; uero  
ab æquinoctio uerno, hoc est, à Martio men  
se, ut Albani, & Romani ante Numā. Item  
Hebręi, fatētes mundū à deo cōditore ea an  
ni parte conditū. Scribit enim Bedas in lib.  
de nat. xii. calen. Aprilis primū seculi diem  
quosdam dixisse: alios quosdam vii. quod  
tamen incertū esse pluribus Picus Patruus  
in vii. lib. contra astrologos ostendit. Sed re  
uera



nera duo anni principia Hebræi habuere: alterum creationis mundi in autumno, alterum in lege à Mose descripta in uere: quam rem Hebræorum uernaculus Iosephus non ignorauit. Porro nōnulli annum inchoant à solstitio æstiuo, ut Athenienses, qua in re Gaza laborat. Alij ab æquinoctio autumnali, ut Asiani, & nunc Græci. Hinc exorta est anceps quæstio quorundam mathematicorum, quale esset Olympiadum principium: quidam enim solstitio, quod id apud Græcos antiquiores esset anni exordium: alij autumno credidere. Sed certè æstate ludi Olympici agebantur. Quin & Isaacus Argyrus, eodem autumnii tempore mundum conditum affirmat, hoc est, mense Septembri. Solinus tamen ex Aegyptiorum sacerdotum sententia, mundi natalē fuisse scribit inter XIIII. calen. Augustas & undecimum diem. Extat quidam græcus libellus Isaaci, cuius hic titulus: Isaaci monachi Argyri demonstratio, quod xxx. Septembris est propriè principium anni, & nō aliqua alia ad hanc ipsam: in qua & de solaribus & lunaribus periodis, quas & Cyclas plures uocant, methodica causæ ratio. hoc est, ut græcè legitur: *ισαάκου μοναχῶ τῷ ἀργυρῷ ἀπόδειξις, ὅτι ἡ λ' τῷ σελτιμβρίῳ ἔστι κυρίως ἀρχὴ τῶ ἐτους, καὶ ὅχ' ἑτέρα τις παρὰ ταύτην, ἐν ἣ ἡγεῖ περὶ τῶν ἡλιακῶν καὶ σεληνιακῶν περιόδων, ἃς οἱ πολλοὶ κύκλος καλεοῖν, ἐμμένοντες αἰτιολογία. Σὺν*



ad hæc qui annum inchoent à Vergiliarum ortu. Alij ab earundem occasu, ut Censorinus docet, & pleriq; rerum rusticarum scriptores. Alij à Canis ortu, ut antiqui Aegyptij, qui stellam ipsam *σώλη* uocabant, & ab eius exortu qualis futurus eo anno rerum euentus, edoceri putabant: qua de re & alia ab Horo Aegyptio prodita sunt. Sed & de anni principio Simplicius philosophus diligens Aristotelis interpret, ita lib. v. physicæ auscult. Nos, inquit, facimus anni principiū in solstitio æstiuāli, ut Athenienses: uel in autumnī æquinoctio, ut qui eam quæ nunc Asia dicitur incolunt: uel post brumā, ut Romani: uel in uerno æquinoctio, ut Arabes & Damasceni. Hanc quidem partem & Pontanus poëta in Vrania elegantissimè est executus cum de sole ageret:

Hasq; uices pater ille deūm uoluentibus annis  
 Esse dedit, quas ipsa æterno fœdere seruant,  
 Tam certos elementa simul retinentia nexus.  
 Atque alij (horrendum) quæ brachia pandit iniquæ  
 Parte poli, chelasq; audacius excrit ingens  
 Scorpūs, hinc anni primos duxere meatus,  
 Et primam fecere uiam, cum partibus æquis  
 Dimidium luci atque umbris sol diuidit orbem,  
 Ac noctem paribus suspendit libra diebus.  
 Ast alij sæuæ post horrida frigora brumæ,  
 Cum premit auratos nephelæi uelleris artus  
 Phæbus, & imbriferum redijt uer. Omnia quando

Alma



Alma parit tellus, quando omnis germinat arbos,  
Cum uiret omne nemus, resonant cum frondea rura  
Concentu uolucrum uario. Et paulò post:

Nec uero non è summo quoque culmine Cancrì,  
Quà regnat calor ipse, & equos sol sistit anhelos,  
Extremum inuisens Ararèmq; atque ultima Thules  
Littora, carceribus positis, exordia prima  
Hinc anni fecere, alacresq; egere quadrigas.

At Numa frigoribus sub iniquū tempus, ubi ingens  
Declinat cælum. & cætera quæ poëtice il  
le est executus. His ita de anni principio à no  
bis expositis, nec illud prætermittendum uide  
tur, diuersa quoq; apud nationes nume  
randorum annorum fuisse initia. Nam He  
bræi nunc à mundi exordio, nunc à magni  
Nochi cataclysmo, nunc ab Aegypti exitu,  
demum uel à templo Solomonis cōdito uel  
instaurato, annorū principium agunt. Nos  
quoq; Christiani uario initio utimur. Nam  
plerique, ut Romana curia, à natali Christi:  
alij à salutatione Virginis, id est, concep  
tione: alij à passione: alij, quæ plurima pars est,  
à calen. Ianuarij: alij aliter, ita ut olim Roma  
ni ab Vrbe cond. uel ab exactis regibus: A  
thenienses, & omnis fermè Græcia ab Olym  
piadibus: alij à Troicis, hoc est, Troiæ exci  
dio: alij ab Heraclidarum descensu: Sarrace  
ni uero & Arabes à Magmane, id est, Maho  
mete, quæ Mahometis Albigna sua uoce dici  
tur: quæ, ut Campanus prodit, anno Christi

F



DCXXI. fuit, duodecim diebus post conceptionem Christi, ita ut inter Christi conceptionē, & hāc ipsam Mahometis, profluxerint bis centies uiceties sexies mille, & nōgeties tricies & duo dies, hoc est,  $\overline{\text{CC}}^{\text{M}} \& \overline{\text{XXVI}}^{\text{M}}$   
 $\overline{\text{DCCCC}} \text{ XXXII}$ . Id est, 226932. Quo uero anno hęc ego prodebā, annus agebat à mūdi creatione septies millies quadragies VII. hoc est, septimus millesimus quadragessimus VII. uel ut alij, LII. à Christo uero nato M.D.XXXIX. Ista autem temporū exordia

*Aera.* à scriptoribus Christianis æra uocantur. Latium uocabulum esse dicere non ausim: ea tamen dictione nō modò diuus Leo usus est in epistolis, alijq; eius classis scriptores, sed & apud Ptolemęum & Theonem inuenitur: utuntur & Chronographi & Astronomi. Sunt qui gram dictā existiment ab ære. Nam cum Augustus Cæsar orbem iussit ad censum faciendum primū describi, æs populo Romano dari imperatum est, unde aiunt illi nomen. Aera, inquit Nonius Marcellus, numeri est nota. Lucillius lib. xxix. Hęc est ratio peruersa, æra numeri est subducta improbè. Aera, ait Isidorus lib. vi. singulorum annorū cōstituta est à Cæsare Augusto, quando primum censu excogitato, Romanū orbem descripsit. Dicta autem est æra ex eo, qđ omnis orbis æs reddere professus est reipublicæ. Et de æra hactenus. Fuit & mos ille  
 Ro-



Romanis antiquus anni signandi per clauum fixum in parietibus sacrarum ædium, cuius est mentio apud historicos, & Liuium præsertim, qua de re sic Festus : Clauus, inquit, annalis appellabatur qui figebatur in parietibus sacrarum ædium per annos singulos, ut per eos numerus intelligeretur annorum. Sed satius est ut particulam ex T. Liuiio adscribamus, qui lib. vij. ab Vrbe cond. rem hanc omnē elegantissimē exponit. Repetitur, inquit, ex seniorum memoria dicitur, pestilentiam quondam clauo ab Dictatore fixo sedatam, eaq; religione adductus senatus, Dictatorem clauum figendi causa dici iussit. dictus L. Manlius Imperiosus, L. Pinarium magistrum equitum dixit. Lex uetusta est priscis literis uerbisq; scripta, ut qui prætor maximus sit, Idibus Septembribus clauum pangat. Fixus fuit dextro lateri ædis Iouis opt. max. ea parte qua Mineruæ templum est: eum clauum, quia raræ per ea tempora literæ erant, notam numeri annorum fuisse ferunt, eoq; Mineruæ templo dicatam legem, quia numerus Mineruæ inuentū sit. Volscinijs quoq; clauos indices numeri annorū fixos in templo Nortie Hetruscæ deæ comparere, diligens talium monumentorū autor Cintiū affirmat. Hæc quidem Liuius, qui & plura scribit, sed hæc ego tantum pro re & tempore. Nomina uero temporū, hoc



est, καὶ ῥῶν ὀνόματα καὶ χρόνων, quæ à Græcis anxie colliguntur, non hic attuli, quandò sibi quisq; prout occasio tulerit, statuere poterit: ut, sesquiannus, biennium, decennium, similia. Illud iam dicendū succurrit, antequā de mensibus agamus, annum uidelicet uerentem à Græcis in has partes diuidi, αὖ ἱσάμινυ τῷ ἔτει, καὶ πρώτῃ τῷ ἔτει, καὶ νύτῃ ἔτει. Item μεσσηντὶ ἔτει & ἀκμάζοντος, & demum πωσαμίνυ, καὶ λύγοντῃ ἔτει. Diuiditur etiā & in quatuor tempora quæ uocantur à nostris. Hinc poëta in Georg.

Temporibusq; parem diuersis quatuor annum.

Hæc Græci tum καὶ ῥῶς, tum ὥρας uocant: nōnunquā & τροπὰς, quibus sol per diuersa cœli spacia discurrens temperat orbem, unde & tempora dici uident: uel quia cōtemperata uoluunt, hyems, uer, æstas & autumnus. Quorū temporū principia uariè tradūtur. Quidam enim hyemem incipere 1 x. calen. Decembris, alij v 11. Idus Nouembris. Quidam uer octauo calen. Martij, alij v 11. Idus Februarij. Aestatem aliqui 1 x. calen. Iunij, alij v 11. Idus Maij. Autumnū nonnulli esse uolunt x. calend. Septembris, alij v 11. Idus Augusti. Qui rem subtilius uestigant, ipsa quatuor tempora à signis cœlestib. metiuntur. Cardo, inquit Plinius, temporum quadripartita distinctione cōstat. per incrementa lucis augetur, hoc est, à bruma, & æquatur nocti



noctibus uerno æquinoctio in diebus xc. tribus horis: deinde superat noctes ad solstitium diebus xciiii. horis xii. usq; ad æquinoctium autumnii: & tum æquata die procedit ex eo ad brumã diebus lxxxi. horis tribus. Sol quidẽ ipse has quatuor differentias facit, bis æquata nocte diei, uerno & autumno in centrũ incidens terræ, octauis in partibus Arietis, ac Libræ, bis permutatis spatijs in auctum diei. Bruma in viii. parte Capricorni, noctis uero solstitio totidem in partibus Cancri. Nec desunt qui tempora distinguant à Vergiliarum matutino uel uespertino ortu uel occasu, earundemq; meridiano uel nocturno: illis enim hyemẽ & æstatem, his uer & autumnũ designari asserunt. Alij, teste Polluce, à fructibus, ut uindemiæ tempus, messis, & sationis uel sementis tempus: hoc est, ut ille scribit, *τροχὴς καὶ ῥῶ, καὶ ἄμει τοῦ καὶ ῥῶ, καὶ σπόρος καὶ ῥῶ*. Et aliter aliquãdo, ut à uentis flantib. Fauonio, Etesijs, alijsq;: tum etiam interdũ à reliquis stellis. Sed quid nos uetat hoc loco addere quã Damascenus lib. ij. sententiarum attulit Christianis hominibus horum quatuor temporum descriptionem? Ait enĩ uer, hoc est, *ἡ ἀρινὴ τροπὴ*, extendi à xxi. Martij ad usq; xxiiii. Iunij. Æstatem uero, hoc est, *ἡ θερινὴ τροπὴ*, à xxiiii. Iunij ad xxv. Septembris. Autumnũ autem, hoc est, *ἡ μετοπωρινὴ τροπὴ*, à xxv. Septembris



ad Decembris usq; xxv. tum demū hyemē,  
 id est, ut ille ait, χειμῶν τὴν τροπὴν, à xxv. De-  
 cembris usq; ad xxi. Martij extendi. & cete-  
 ra quæ ille scribit. Pythagoras has quatuor  
 anni partes, quatuor hominū ætatibus com-  
 parabat: uer pueritiæ, ætatem adolescentiæ,  
 autumnū iuuentuti, hyemem senectuti, ut  
 Laërtius scribit, & in xv. Metamorph. Oui-  
 dius. Alij cœli quatuor partibus adscribunt.  
 Ver quippe orienti datur, quia tunc ex terra  
 omnia oriātur. Aestas meridiæ, eò quod ca-  
 lore æstuq; pars ea sit flagrantior. Hyems se-  
 ptentrioni, quod frigoribus & perpetuo ge-  
 lu torpeat. Autumnus occidenti, quod gra-  
 ues morbos habeat, unde & folia ex plantis,  
 ut ait Isidorus, defluant. Sanè hæc quatuor  
 tempora in ternos menses discreta, ita nomi-  
 nantur. Primo quidem mense, uer nouum,  
 secundo adultum, tertio præceptus, quo modo  
 usus est Sallustius. Ita noua æstas, adulta, præ-  
 ceptus uel extrema. Idem de reliquis, ut, extre-  
 mæ sub casum hyemis. Dicimus & appeten-  
 te uere, & ineunte: item alijs multis modis.  
 His utiq; quatuor anni temporibus nostra  
 religio per summos pontifices trium dierū  
 ieiunia instituit, quibus & ad sacros ordines  
 prouehimur. Sed de his iam satis: deinceps  
 non minori studio ac diligentia de mensi-  
 bus agendum.

De mensibus quoniam apud Græcos le-  
 gimus



gimus & Callimachū Cyrenæum gentium  
 & nationum appellationes & uocabula scri-  
 pſiſſe, & Lyſimachiden de Athenienſiū men-  
 ſibus, item Io. Philadelphēū: idem ego quo-  
 que de Latinis ſubtilius diligentiusq; agen-  
 dum mihi ſum ratus. In primis ergo menſes  
 à meſura dicti, quod eadem omnes fuerint  
 meſura: uel, ut ait M. Cicero, quia mēſa ſpa-  
 cia conficiant: uel à græca dictione potius,  
 quæ eſt *μήν*, hoc eſt, luna: unde & menſes ipſi  
*μήνες* uocātur, quod uidelicet ad curſum lu-  
 næ antiqui menſes agerent. Hebræorū quo-  
 que lingua à luna uocati ſunt, teſte Hierony-  
 mo: unde & naturalis uſus nationum exte-  
 rarum, ut ſcribit Ambroſius, lunas pro die-  
 bus appellat, ut apud Hebræos XIII. luna,  
 & ſimilia. Sed & eodem modo Heſiodus &  
 Vergilius, ut nunc alios mittam. Euſtathius  
 etiam in cōmentarijs in Homerum, menſem  
 bouem uocatum tradit, à lunæ cornibus.  
 Menſis uero principium *μόσχεον*, id eſt, uitu-  
 lum uocat, aitq; Orpheum *μονακέρωτα μόσχεον*  
 uocaſſe, rationemq; affert ſub obſcuram: qua  
 eadem de re & cōmentaria in Heſiodum a-  
 gunt. Menſium quidem in primis duo gene-  
 ra ſunt, naturales aliq, quos uertentes Victru  
 uius uocat: aliq, ciuiles. Naturalium ſpecies  
 duæ, quod partim ſolis, partim lunæ eſſe di-  
 cuntur. Secundum ſolem fit menſis, dum ſol  
 unūquodq; in Zodiaco orbe ſignum per-

*Menſis etymon.*

*Menſium duo  
genera.*



currit. Lunaribus autem temporis quoddam  
spacium à noua luna ad alteram nouam lu-  
nam, quo spacio XII. permeat signa. Vnde  
Ouidius in Fastis:

*Signaq; quæ longo frater perccenscat anno,*

*Ire per hæc uno mense sororis equos.*

Ciuiles uero menses sunt numeri quidã die-  
rum, quos unaquæque ciuitas suo instituto  
obseruat, ut nos à calendis ad calend. Natu-  
rales menses sunt & antiquiores, & omniũ  
gentiũ cõmunes. Ciuiles posterius sunt insti-  
tuti, & ad unãquãq; pertinet ciuitatẽ. Qui  
solis sunt menses seu lunæ, non peræquẽ in-  
ter se pares sunt, nec dies habent totos: quip-  
pe sol moratur in Aquario circiter dies un-  
de triginta, in Piscibus ferè xxx. in Ariete  
unum & xxx. in Geminis propè xxxii.  
& sic in cæteris nõ æquali spacio. Sed usque-  
adeò non totos dies in singulis, ut annũ suũ,  
id est, dies ccc lxxv. & portionem nescio  
quam, adhiuc, ut Censorinus ait, astrologis  
inexploratam, in XII. suos menses diuidat;  
tamen si nostrę ætatis astronomi ea de re mul-  
ta subtiliter tractant, in ijs qui de motu stella-  
rum & cœli libris inscribuntur. Luna autem  
singulos suos menses conficit diebus unde-  
triginta circiter & dimidiato: sed & hos in-  
ter se dispares, alios longiores, alios breui-  
ores, adeò ut uerum uideatur quod à Plutar-  
cho scribitur: Sed certissimũ, inquit, dierum  
nume



numerū exequi non oportet, nō ex eo quod parum abest à calumnia, quandoquidē uel hoc tempore, quo ad summū astrologiæ peruentum est, inæqualitas tamen temporum, mathematicorū peritiā uincit, & eorū numeros ac calculos sæpissimè fallit ac fugit. Hęc ille. At ciuitatū menses uel magis numero dierū inter se discrepant, sed dies ubiq; habent totos. Apud Albanos Martius erat sex & xxx. dierū. Maius xxxii. Sextilis duodeviginti. September xvi. Tusculanorum Quintilis dies habebat xxxvi. October xxxii. Idem October apud Aricinos xxix. Minimè uidentur errasse, ait Censorinus, qui ad lunæ cursum menses ciuiles accommodarunt, ut in Græcia pleriq; apud quos alterni mēses ad xxx. dies facti sunt. Maiores quoq; Romani idem sunt æmulati, cum annum dierū ccc lx. haberent. Sed diuus Iulius cum uideret hac ratione nec ad lunam menses, ut oportebat, neq; annum ad solem conuenire, maluit annum corrigere, ut sic menses lunares cum solaribus, etsi nō singuli, tamen uniuersi ad anni finem concurrerēt. Nunc iam mensiū nomina inuestigemus. Nomina decem mēsibus iam tum primò Romulum fecisse Fuluius & Iunius autores sunt: & quidem duos primos à parentibus suis nominasse, Martiū à Marte patre, Aprilem ab Aphrodite Venere, unde ma



iores eius oriundi dicebantur. Hinc et Mars pater, qui & Marspiter, & Venus genitrix in sacris, teste Macrobio. Hinc & Lucretius Romanus suum carmen exorditur. Proximos uero duos menses idem Romulus à populo nuncupauit, Maium à maioribus, Iunium à iunioribus: quia, ut ait Seruius, antea Pop. Rom. in centurias iuniorum & seniorum diuisus erat. Cæteros autem menses ab ordine, quo erāt singuli, uocauit, hoc est, Quintilem &c. ad Decembrē usq;. Varro tamen à Latinis Romanos nomina mensium accepisse arbitratus est: docet enim Martiū mensem à Marte quidem denominatū, non quia Romuli pater fuerit, sed quod gens latina bellicosa. quod idem scribit & Festus, & his uersibus Ouidius:

*Mars Latio uenerandus erat, quia præsidet armis,  
Arma feræ genti remq; decusq; dabant.*

Sanè sciendum & alias urbes latinas Martium mensis nomen habuisse, sed non anni primum, quod his uersibus manifeste ostendit Ouidius:

*Quod si fortè uacat peregrinos inspicere fastos,  
Mensis in ijs etiam nomine Martis crit.*

*Tertius Albanis, quintus fuit ille Phaliscis,*

*Sextus apud populos Hernica terra tuos.*

*Inter Aricinos, Albanaq; tempora constat,*

*Faciāq; Telegoni mœnia celsa manu.*

*Quantum Laurentes, bis quantum Aequicolus acer,*

*A tribus*

*A tribus hunc primum turba forensis habet.*

*Et tibi cum proavis miles Peligne Sabinis*

*Conuenit huic genti quartus utriq; Deus.*

*Romulus hos omnes ut uinceret ordine saltem,*

*Sanguinis auctori tēpora prima dedit. hęc poëta,*

At uero hoc mense matronæ seruis conui-  
uia proponebant, uti in Saturnalibus domi-  
ni, quod Solinus & Macrobius scribunt. Ca-  
lendæ etiam huius mensis matronarū dies  
festus erat, quod in Horatium Porphyriū  
notat super eo Sapphico,

*Martijs cœlebs quid agam calendis.*

Martias calendas, inquit Festus, matronę ce-  
lebrabāt, quod eo die Iunonis Lucinæ ædes  
coli cœpta est. Idem & Ouid. pluribus. Ser-  
uius in viij. Aeneid. Ideo ait, quod eo die pa-  
cem inter Romanos & Sabinos raptæ Sabi-  
næ fecerūt. Idem & poëta. Martij insuper pri-  
ma die ignem nouū Vestæ aræ accendebāt,  
ut incipiēte anno cura denuò seruādi noua-  
ri ignis inciperet, ut Macrobius & Solinus  
tradūt. Eodem quoq; ingrediēte mense tam  
in regia curijsq; q̃ in Flaminū domibus lau-  
reæ ueteres nouis laureis mutabant. Hoc eo-  
dem mense publicè ac priuatim ad Annam  
Perennā sacrificatū ibat, ut annare & peren-  
nare cōmodè liceret. Hoc etiā mense merce-  
des exoluebant magistris, quas cōpletus an-  
nus deberi fecerat. Comitia auspicabantur,  
quæ partim ex Solino & Macrobio, partim



ex Ouid. alijsq; collegimus. Nec hoc mense nubere bonū fuit, donec ancilia conderent. uel, ut Porphyryon tradit, quod in hoc mense de nuptijs inter Martem & Mineruam habitum fuit certamen. Mars uictus, Minerua obtenta uirginitate, Nerine est appellata.

**A P R I L I S** autem dictus est, non ab ἀφρός, id est, spuma, quasi Aphrilis, unde orta Venus creditur, ut pleriq; tradunt, & pluribus uersibus contendit Ouidius, & Plutarchus in Numa: sed ab aperiendo, quod tunc ferè cuncta gignantur, & nascendi claustra aperiat natura. Idem tradit & Cintiū in libro quem de Fastis reliquit: Nullus, inquit, dies festus, nullumq; sacrificiū insigne Veneri hoc mense institutum est. Sed ne quidem in carminibus Saliorum, Veneris ulla ut cæterorum cœlestiū laus celebratur: quin nec sub regibus apud Romanos uel latinū uel græcum nomen fuit Veneris. Cintio & Varro consensit, ut Macrobius docet. Verrius tamen Flaccus nō negat, hoc die postea constitutum, ut matronæ Veneri sacrum facerent.

**M A I V M** tertium mensem Romulus posuit, de cuius nomine inter autores lata dissensio est, quam eruditè Macrobius est executus. Nam Fuluius, inquit, nobilior, in Fastis, quos in æde Herculis Musarum posuit, Romulum dicit postquam populum in maiores iunioresq; diuisit, ut altera pars consilio,



lio, altera armis rempub. tueret, in honorē utriusq; partis, hunc Maium, sequentē Iuniū mensem uocasse. Sunt qui hunc mensem ad nostros fastos à Tusculanis transisse cōmemorent, apud quos uocabatur deus Maius, qui est Iupiter, à magnitudine scilicet & maiestate dictus. Cintius mensem nominatum putat à Maia, quam Vulcani dixit uxorem: argumentoq; utitur, quod flamen Vulcanalis calendis Maijs huic deæ rem diuinam faceret. Sed Piso uxore Vulcani Maieſtam, nō Maiam dicit uocari. Ouidius Maieſtatē Honoris & Reuerentiæ filiā, mensi nomen dedisse canit. Contendunt alij Maiam Mercurij matrem mensi nomen dedisse, hinc maxime probantes, quod hoc mense mercatores omnes Maiæ pariter Mercurioq; sacrificarent. Quinetiā mensem ipsum scribit Plutarchus Mercurio sacrum fuisse. Affirmant quidam, quibus Corn. Labeo cōsentit, hanc Maiam cui mense Maio res diuina celebrabatur, terrā esse, hoc adeptam nomen à magnitudine, sicut & mater magna in sacris uocabatur: assertionemq; existimationis suæ etiam hinc colligunt, quod sus prægnans ei mactaretur, quæ hostia est propriè terræ. Et Mercurium ideo illi in sacris adiungi dicunt, quia uox nascenti homini terræ cōtactu datur. Scimus autem Mercurium uocis & sermonis potentem existimatū, autor est Cor.



Labeo. Huic Maia, id est, terræ, ædem calendis Maijs dedicatā sub nomine Bonæ deæ, & eandem esse Bonā deam & terrā, quod ex ipso ritu occultiore sacrorū doceri posse cōfirmat. Hæc fermè totidem uerbis Aurel. Macrobius. Hoc mēse nec nubere bonū fuit, qd & Plutarchus & Ouid. ostendunt, & Porphyrius in ultima Horatii epist. cū inquit: Lemures dicti quasi Remures, à Remo, cuius cum occisi umbras frater Romulus placare uellet, Lemuria instituit, id est, parentalia, quæ mense Maio per triduum celebrari solebant, ante additū anno mensem Februarium: ob quam rem Maio mense nubere fuit religio. Sanè quod nō à maioribus Maius dicitur, præter ea quæ recitauimus, illud quoque argumento est, quod ante Romā conditam, autore Festo, Maij mensis nomen erat. Certè & Mefius hic mensis Osca lingua appellatus est, ut idem ait Festus.

IVNIVS. Hic quoque mensis habet dubias in nomine causas, ut Naso canit:

*Quæ placeant, positis omnibus ipse canam.*

Quidam enim ab Iunone potius, quàm ab iunioribus dictū uolūt, quod illo mense Iunoni maximi haberentur honores. Quinetiam Iunonius appellabatur, ut ait Cintius apud Latinos: diuq; apud Aricinos & Prænestinos, aliosq; hac appellatione in fastos relatus fuit, adeo ut ita scribat Ouidius:

*Inspi-*

*Inspice quos habeat nemoralis Aricia fastos,*

*Et populus Laurens, Lauiniumq; meum.*

*Est illic mensis Iunonius, aspice Tybur,*

*Et Prænestinæ mœnia sacra deæ.*

Et sicut Nisus in cōmentarijs Fastorū dicit, apud maiores quoq; Romanos hæc appellatio mensis diu mansit, sed post detritis quibusdam literis, ex Iunonio Iunius dictus fuit. Sed & ædem Iunonis Monetę calendis Iunijs dedicatā fuisse legimus. Festus etiam ait: Iunium mensem dictum putant à Iunone: idem ipsum dicebant Iunonium & Iunoniam. Agrætijs uero inter antiquos grammaticos annumeratus, ab Iuuenta dea scribit, quæ Hebe græcè dicitur, Herculis uxore, Iunium mensem appellatū se in libris priscorum legisse. Idem & poëta Ouidius in Fastis, qui & hanc quoq; opinionem attulit, uocitatum scilicet mensem hunc ab coniunctis & unitis Sabinis & Romanis rege Romulo & Tatius. Ita enim ille:

*Et lare communi generos socerosq; receptos,*

*His nomen iunctis Iunius inquit habet.*

Nonnulli & à Iunio Bruto denominatū putant, qui primus Romę consul factus, calendis Iunijs pulso Tarquinio rege sacrum Carnæ deæ in Cælio monte uoti reus fecit: quæ dea uitalibus humanis præesse credebatur ab eaq; petebatur, ut iecinora & corda, quæq; intrinsecus sunt uiscera, salua conseruaret.



Alia, ut puto, fabulose addit Ouid. Huic uero deę pulte fabacia & larido sacrificabatur, & calendę ipsę Iunię, Fabarię dicebantur.

QVINTILIS dictus fuit, quod loco fuerit apud Latinos quinto. Item SEXTILIS, ac deinceps ad Decembrem, suis numeris sunt appellati. Sed de Quintili & Sextili, hoc est, Iulio & Augusto, paulò infra dicemus.

SEPTEMBER in tutela Vulcani fuisse legitur. Huius mensis secunda factum esse bellum nauale inter Cæsarem Aug. & M. Antonium, Dion in hist. scribit, ab eoq; die numerari eius monarchiam cœpisse.

OCTOBRIS quoq; nomē, ut aliorū, perseuerat. In Martis uero tutela esse existimabatur, unde & huic deo equus immolabat, de quo sic in cōmentarijs Festi legimus: October equus appellatur, qui in campo Martio mense Octobri immolatur quotannis Marti bigarum uictricum dexterior, de cuius capite nō leuis contentio solebat esse inter Suburranenses & Sacrauienses, ut hi in regio pariete, illi ad turrim Mamiliam affigerent. De capite huius equi idem alibi: Panibus, inquit, redimebant caput equi immolati Idibus Octobris, in campo Martio: & id sacrificium fiebat ob frugum euentum. Et equus potius quàm bos immolabatur, quod hic bello, bos est frugibus pariendis aptus. Eiusdem quoq; equi cauda tanta celeritate



ritate perferebat in regiã, ut ex ea sanguis de stillaret in focũ participandæ rei diuinæ gratia. quas hostias hic quidam Marti bellico sacrari dicunt, non ut uulgus putat, quia uelut supplicium de eo sumatur, quod Romani Illo sunt oriundi, & Troiani ita effigie equi sunt capti. Hæc Festus, qui & illud ait, à multis gentibus equos immolari solitos, ut à Lacedæmonijs, Rhodijs, & Salentinis, & ut canit poëta:

*Placat equo Persis radijs Hyperiona cinctum.*

Quibus ex rebus Plutarchi codices tum grecos tum latinos problematũ rerum Romanarum inemendatos uidemus, ubi huius ce- lebritatis causam inquirat: non enim Decem- bres Idus, sed Octobres legendum.

NOVEMBER in tutela fuit Dianę. Apud antiquos hoc mense claudimaria dicuntur, quod etiã scribit Vegetius: & ut Plutarchus in Marcello tradit, inferiæ Gallis & Græcis defossis fiebant. Hoc mense & Ioui epulum celebrabatur. quo eodem mense, si coniectu- ræ locus datur, putamus Vacunalia quoq; celebrata: quippe Vacuna dea fuit quæ præ- esse uacantibus & ociosis credebatur, cui à laboribus cum uacarent agricolæ, post per- ceptos fructus, & agrorum cultus, per hye- mem sacra faciebant. Ouid. vi. Fast.

*Vacuna dea.*

*Nam quoq; cum fiunt antiquæ sacra Vacuræ,*

*Ante Vacunales stantq; sedentq; focos.*

G



Huius deę meminit & Horatius in epistolis:

*Hęc ego distabam post templum putre Vacunę.*

Quo loco Porphyrio: Vacuna apud Sabi-  
nos plurimū colitur dea, quę est sub incer-  
ta specie formata: quidam Mineruā, alię Dia-  
nam putauerunt, nonnulli & Cererem esse  
dixerunt. Sed Varro in primo rerum diuina-  
rum Victoriā ait, & ea maxime eos gaude  
requi sapientia uincunt.

DECEMBER in Vestę tutela fuit, Satur-  
noq; sacer, ut post alios pluribus Macrobius  
docet. Et Saturnalia celebrabant, quibus bel-  
lum sumere nefas, à nocente pœnas exigere  
piaculare: apud maiores primū uno die insti-  
tuta, alię tribus tradūt, ad xiiii. calen. Febr.  
sed postquā C. Cæsar huic mensi duos dies  
addidit, xvi. calen. celebrari cœpta. Macro-  
bius quidē antiquissimū esse scribit vii. die-  
bus celebrari, idq; Nouio, Mumio & Pom-  
ponio Attellanarum probatissimis poëtis  
adstruit. Cæterum IANVARIUM & Fe-  
bruarium post Romulum additos dixi-  
mus, sed nominibus iam ex Latio sumptis.  
Ianuarius quidem à Iano, cui attributus,  
nomen traxisse legimus, cui deo primò sup-  
plicabāt uelut parenti, à quo rerum omniū  
factum putabant initiū. Dictus uero est, ut  
ait Sext. Pompeius, ab hiare, detracta aspi-  
ratione, uti chaos, ex eo quod χάινειν hiare.  
Chaos enim Hesiodus appellauit confusio-  
nem



nem quandam ab initio, unitatem hiantem patentemq; in profundum: unde & pater à Latinis quibusdam dictus est, & Ianus ipse Patulcius. Sed hæc satis: plura Naso poëta statim in Fastorum principio. Sanè & Aeonarium Ianuarium appellatum testes sunt Theophilus & Suidas, qui & illum à Longino interpretatum tradunt, quod scilicet pater sit τῶν αἰώνων, hoc est, seculorum.

FEBRUARIUS autem à Februo dicitur. Februum quidem Plutonium nuncupatū ait Isidorus. Sed Censorinus, Februum, inquit, est quicquid expiat expurgatq;: & Februamenta, purgamenta: item Februare, purgare, & purum facere. Februū autem nō idem usquequaq; dicitur: nam aliter in alijs sacris februabatur, hoc est, purgabat. In hoc quidem mense Lupercalibus cum Roma lustraretur, salem calidum ferebant, quem Februū appellabāt: unde dies Lupercalium proprie februatus, & ab eo porrò mensis Februarius uocitatus, ut Censorinus & Plutarchus scribunt. Sext. autē Pompeius: Mensis, inquit, Februarius dictus, quod tum, id est, extremo mense anni populus februaret, hoc est, lustraretur ac purgaretur: uel ab Iunone Februata, quam alijs Februalem, Romani Februlam uocant, quod ipsi eo mense sacra fiebant, eiusq; feriæ erant Lupercalia, qua die mulieres februabantur à Lupercis amiculo



Iunonis, id est, pelle caprina, à quarum pelli-  
cularum crepitu, Crepi Luperci dicti sunt,  
quam ob causam is quoque dies februatus ap-  
pellabatur. Quæcunque denique purgamenti  
causa in quibusque sacrificiis habebantur, fe-  
brua appellabantur: id uero quod purgatur  
dicitur februatum. Sed cur non lepidissimi  
poëta ex ij. lib. Fastorū uersus adscribo? ita  
enim ille canit:

Februa Romani dixere piamina patres,  
Nunc quoque dant uerbo plurima signa fidem.  
Pontifices à rege petunt & flamine lanas,  
Quæque ueterum lingua Februa nomen erat.  
Quæque capit licet domibus purgamina certis,  
Torrida cum mica farra uocantur idem.  
Nomen idem ramo qui cæsus ab arbore pura,  
Casta sacerdotum tempora fronde tegit.  
Ipse ego Flaminiam poscentem Februa uidi,  
Februa poscenti pinea uirga data est.  
Denique quodcunque est quo corpora nostra piantur,  
Hoc apud intonsos nomen habebat auos.  
Mensis ab his dictus, secta quia pelle Luperci,  
Omne solum lustrant, idque piamen habent:  
Aut quia placatis sunt tempora pura sepulchris,  
Tunc cum ferales præteriere dies.  
Omne nephas, omnemque mali purgamine causant,  
Credebant nostri tollere posse senes.  
Atque hæcenus poëta. Historiam Suidas, si non  
potius fabulam, recitat, quam me apud aliū  
quempiam legisse haud memini. Ait enim Ca-  
millum



millum ab æmulo Februario Consule urbe Roma eiectum fuisse: postmodum urbem à Breno & Gallis capta & à Camillo liberata, Camillum tum populū docuisse, quā iniquas in se Februarius iniurias exercuisset, quam ob causam Februarius scirpea tegete circumtectus, ab urbe neruis pulsatus eiectus est, ac mensi illi cognomini dies ablati. Huius historiæ fides sit penes autorem. Horum autem XII. mensium, duorū tantū nomina mutata perseverant. Nam Quintilis Iulius cognominatus est C. Cæsare v. & M. Antonio c o s s. anno Iuliano secundo, ut scribit Censorinus, M. Antonio legem ferente, ut ait Macrobius. ut uero Festus, ideo Iulius dictus est, quod eo mense natus Iulius fuerat. Qui uero Sextilis fuerat, C. Marco Cens. C. Asinio Gallo c o s s. in Augusti honorē dictus est Augustus, anno Augustano xx. ut est apud Censorinū. Legit & hodie Senat. cons. qđ hic ex Macrobio placet ascribere: c v m Imp. Cæsar Augustus mense Sextili & primū Consulatum inerit, & triumphos tres in urbem intulerit, & ex Ianiculo legiones deductæ, secutæq; sint eius auspicia ac fidem, & Aegyptus hoc mense in potestatem Pop. Romani redacta est, finisq; hoc mense bell. ciuilib. impositus sit, atq; ob has causas hic mensis huic imperio fœlicissimus sit ac fuerit, placuit Senatui ut hic mensis Augu-



*Mensibus uaria à diuersis nomina indita*

stus appelletur. Item plebiscitum factum ob eandem rem, Sext. Pacuuius Trib. plebem rogante. Hæc igitur duo mensium nomina, Iulij scilicet & Augusti, ad nostram permanent memoriã. Postea etiam multi principes eodem exemplo uocabula quædam mensium mutauere, suisq; uel alienis nūcupando nominibus, quæ aut ipsi postmodum mutauerunt, aut post obitum eorū illa nomina pristina suis sunt reddita mensibus, quorū hic aliqua uisum est subsignare. Tiberius quidē Cæsar post Iulium & Augustum sequentem mensem Septembrem à se Tiberium, & Octobrem Iulium appellauit. Tum Nero Aprilē Neronem, Maium Claudium, Iunium Germanicum, ut partim ex Suetonio, partim ex Corn. Tacito didicimus: atq; ideo Iunium mensem ait Tacitus transmissum, id etiam testificante Orphito, qui id censuerat, quod duo iam Torquati ob scelera interfecti, in faustum Iunij nomen fecissent. Domitianus item Septembrē Germanicū, & Octobrem Domitianum uocauerat, qui menses mox Senatus decreto, ut omnis eius memoria, aboleri mandati sunt, omniq; uel ære uel saxo eradi. Præterea Senatus, ut Capitolinus scribit, in honorem Antonini Pij & Faustinae, Septembrem & Octobrem Antoninum & Faustinū appellandos decreuit. Post hæc adulescentes in Cōmodi honorē, ut est à Lampridio



pridio proditum, pro Augusto Cōmodum,  
 pro Septembre Herculem, pro Octobre In-  
 uiētum, quem postea ipse Aelium nomina-  
 uit: pro Novembre Exuperatoriū, pro De-  
 cembre Amazonium, à nomine ab eo dilecti  
 scorti Martiæ, quam in Amazone pictam di-  
 ligeat: quapropter & ipse habitu Amazoni-  
 co in harena Romæ aliquando processit, &  
 eius demum arte è medio sublatus est. Sede-  
 nim Eusebius Septembrem Cōmodum ap-  
 pellatum innuit, cum Platyna Decembrem  
 dicat. At uero Suidas xii. à Cōmodo men-  
 ses scribit ita nuncupatos: Amazoniū, Com-  
 modum, Augustum, Herculeum, Romanū,  
*ἑξυπεραιοντα*, id est, Exuperatoriū: *αἰνουμεν*, hoc  
 est, Inuiētū: *δουλιον*, hoc est, Pium: *δουχον*, id  
 est, Fœlicē & Fortunatū. Tum Lucium, Ae-  
 lium, & Aureliū. Ex quibus uerbis facilius  
 intelligimus uerba historiographi, quæ sunt  
 in uita Cōmodi: Nominatus, inquit, Cōmo-  
 dus inter Cæsares iiii. Iduum Octobrium,  
 quas Herculeas postea nominauit, Pudentē  
 & Pollione c o s s. Appellatus Germanicus  
 Idib. Herculeis Maximo & Orphito c o s s.  
 Assumptus est in omnia collegia sacerdotia  
 sacerdos xiii. calen. Inuiētas, Pisone &  
 Iuliano c o s s. Profectus in Germaniam  
 xiiii. calen. Aelias (ut postea nominauit)  
 iisdem c o s s. Togam uirilem accepit, cum  
 patre appellatus Imp. v. calen. Exuperato-



rias, Pollione iterum & Apro c o s s. Trium-  
phauit x. calen. Ianuarias iisdem c o s s. Ite-  
rum profectus iiii. Non. Cōmodias, Orphi-  
to iterum & Russo c o s s. Datus in perpe-  
tuum ab exercitu & Senatu in domo palati-  
na Cōmodiana cōseruandus xi. calen. Ro-  
manas, præsente iterum c o s. Tertio medi-  
tans de profectioe à Senatu & populo re-  
tentus est. Vota pro eo facta sunt Nonis Pijs  
Fusciano iterum c o s. Haëtenus ille. Memi-  
nit Herodianus in historia, sed mensium no-  
mina non adscripsit. Idem, inquit, Commo-  
dus mensium uocabula cōmutauit, proq̃ an-  
tiquis nominibus noua de suis cognomini-  
bus adhibuit, & ad Herculem in primis refe-  
rebantur, cuius ipse sibi cognomē adopras-  
set. Tacitus quoque Imperator mensem Se-  
ptembrem Tacitum de suo nomine appella-  
ri iussit, quod eo mense & natus & factus es-  
set Imperator, ut Vopiscus in eius uita pro-  
dedit. Legimus & Carolum Magnum Imp.  
nomina mensibus imposuisse, quæ ideo nō  
adscripsimus, quod barbarum quiddam &  
teutonicum sonant. Si quis tamen ea deside-  
ret, legat Eginardum eius olim ab epistolis,  
qui & hoc, & eius uitam utcunq; literarum  
monumentis mandauit. Sanè etiam legi-  
mus antiquos mensibus singulis sua præfe-  
cisse numina. Siquidem Ianuarij tutelam, uel  
ut dicunt, pontificium habere Iuno crede-  
batur:



batur: Februarij Neptunus, Martij Miner-  
ua, Aprilis Venus, Maij Apollo, Iunij Mercu-  
rius, Iulij Iupiter, Augusti Ceres, Septem-  
bris Vulcanus, Octobris Mars, Nouembris  
Diana, Decēbris Vesta. XII. enim hos deos  
antiqui penates & patrios, & ut putat Varr.  
Urbanos uocabant, quos Apuleius & Mar-  
tianus Ennij hoc disticho cōmemorant:

Iuno, Vesta, Minerva, Ceres, Diana, Venus, Mars,  
Mercurius, Iouis, Neptunus, Vulcanus, Apollo.

Sed & XII. hi dei celebrabant à græcis scri-  
ptoribus, apud quos eorum crebra adeo est  
mentio, ut superuacaneū sit de his plura di-  
cere: unde & ara duodecim deorum.

Quoniam de Latinorū mensiū interpre-  
tatione, & unde nomen acceperint, abunde  
me dixisse sentio, nō nihil & hoc loco de A-  
theniensium mensibus agendum uidetur, ijs  
operæ preciiū facturus, qui transmarinæ eru-  
ditioni operam libenter nauant, uel quibus  
nō adeo ocium suppetit ex uarijs autoribus  
hæc ipsa colligere. Primū igitur Athenien-  
sium mensem Hecatombæona dicimus, qui  
in nostrum Iunium ut plurimū cadit, sic, ut  
Hyperides & Harpocraton aiunt, appella-  
tus, quod in hoc mense plures Hecatombæ  
(genus id sacrificij) fierēt. Sunt qui sacra hæc  
Ioui dicata tradant à centum, uel certè à plu-  
rimis bobus dicta. Hecatombæa uero ipsa ce-  
lebritas uocabatur. Sunt qui hunc mensem

*Hecatombæon pri-  
mus Atheniensium  
mensis.*



Soli dicatum uelint, propter solstitiū quod in eo fieri soleret, & magnificum eius Atheniensium sacrificiū. Sunt qui πρόιον, hoc est, Saturnium hunc eundem nominent, quod, ut dixi, Ioui sacer sit, ut est apud Plutarchū. Alij tamen diuersum faciūt, ut Cæcus in Hesiodi cōmentarijs, quē nihil ideo uidisse putat Gaza. Plutarchi interpretes in Theseo Aprilem hunc mensē falso credidit. Dæsius, Iunius à Macedonibus dictus, ut Suidas, Pselus, Theophilus et Plutarchus in Aristide scri-

*Metagetnion.*

bunt. Metagetnion secundus fuit Atheniensium mensis, qui nostro ferē Quintili respondebat. Hic, ut idem ait Hyperides in oratione quæ pro Xenippo dicta est, à sacrificijs nomen accepit, quæ in Apollinis Metagetnij honore celebrabantur, μεταγέτνια uocitata, ut Lysimachides ait in libro de Atheniensium mensibus, & Plutarchus in lib. de exilio, item Suidas. Hunc mensē Bætorij & Macedones πένεμος seu πάνεμος, utrūq; enim legimus, uocabant. Hic idem Carnius à Syracusanis dictus est, tametsi in Nicia Plutarchi interpretes Maium mensē nostrum crediderit. Hinc & Sacra Carnia, & πανῆα Apollo, ut planē in Deorum cognominibus

*Boëdromion.*

ostendimus. Boëdromiona tertium Atheniensium mensē uocitatum legimus, qui Augusto nostro cōueniebat, à Boëdromijs nuncupatus, quæ celebritas erat cuidam ueluti

excur



excursioni similis, quæ cum acclamatione fieret, unde & uocabulum deflexū uidetur, à uoce scilicet & cursu. Meminit in Philippicis Demosthenes. Philochorus & Harpocration in Ionem Xuthi filium hoc referūt, quod is multo studio opem Atheniensibus tulerit aduersus Eumolpum pugnantibus, Erechthei regis tempore: & *Βονδρόμιον* aiunt significare opem præstare, & ad pugnam currere. Idem ferè Suidas. Sunt qui scribant Apollinem cognominatū *Βονδρόμιον*, cuius & in Bæoticis Pausanias meminit. Plutarchus ex Hellanico Boëdromia tum instituta fuisse scribit, cū Amazones Athenas Thesei tempore inuasissent: quo in loco interpretes deceptus, Boëdromiona existimat Iunium esse apud nos. Quarta huius mensis instantis, legimus à Græcis Persas superatos, quæ dies secundum Bæotios, IIII. Panemi desinentis fuisse testis est in Aristide Plutarchus, qui hanc ait huius uarietatis causam neminem mirari debere, cum eos, inquit, qui diligentissimè astrorum rationem tenere hoc tempore profitentur, aliud alij mensis principiū & exitū agant. Hæc quidem ille. Gaza quoque ex Plutarcho in uita Camilli scribit, xx. eiusdem mensis Athenis mysteria celebrari solita: quod ut uix credam Galeni uerba faciūt quæ sunt de Elates, id est, abietis semine: Quod, inquit, tempus uocatur à Romanis



September, à nobis autem Pergami Hyperberetæus, Athenis mysteria. In quibus quidem Galeni uerbis nō mediocris inesse uidetur confusio: nam & Augustum in Septembrem, & Septembrem in Hyperberetæū cōmiscet, qui October potius est, ut paulò pōst ostendā. Sed & Demosth. in Olynth. ait mysteria Boëdromione mense celebrari. Plutarchus uero in Demetrii uita, mysteria distinguit in magna & minora, ab Atheniēsisibusq; illa celebrari mense Boëdromione, hæc uero Anthesterione. Idem quoq; Plutarchus in Phocionis uita: Vigesima, inquit, die Boëdromionis custodia inducta est, quo scilicet die magnorū mysteriorū Athenis agebātur solennia, & Iacchus, id est, Liber pater in Eleusinē ex urbe trāsmittebatur. quo in utroque loco interpretes, Donatus uidelicet Actiaiolus & Lopus Florētinus, decepti sunt: & cum his Guarinus quoq; qui in Alexandro ait, Iunio mense mysteria peragi Athenis solita. Atq; hæc ideo copiosius, ut ostenderem quanta esset uarietas inter scriptores. Sanē T. Liuius mysteriorū dies, initiorū dies dixit, lib. primo de bell. Macedonico. Mesori uero ab Aegyptijs dictus Augustus est, qui Harpocrati deo sacer erat, ut Plutarchus in lib. Isidis & Osiridis scribit: quo etiam loco ait ipsum deum symbolum habere silentij, in eiusq; mensis celebritate cani solere, γλῶσσα  
τυχή



τυχῆ, γλῶσσα δαίμων. hoc est, lingua fortuna, lingua dæmon. quanquam in exemplarib. Plutarchi pro Harpocrate Carpocras perperam legatur. Sed & Harpocratis Latini meminere Catullus, Varro, Seneca & Cassiodorus. Mæmaæterion quartus est Atheniensium mensis, ut pluribus Gaza cōtendit, Septembremq; nostrum ut plurimū complectitur. quidam Augustum putant. Plutarchus in Aristide à Bæotijs ait Alaleomeniū uocatum fuisse, huiusq; xvi. die à Plataënsibus Græcis parentari, qui cōtra Persas pugnando occubuisse. Val. tamen Harpocratiō Mæmaæteriona quintū mensem facit, à Mæmaæteq; cognominari ait, quo nomine Iupiter est cognominatus. Scribit Lyfimachides in lib. de mensib. Atheniensium, *μαιμάτηρ* furore correptum ac turbidum significare, qd hyems hoc mense & aër turbari incipiat & mutationē capere. Vlpianus uero in iij. Demosth. Olynth. hunc hyemis & pluuiarum mensem uocat, unde & nostri Septembrem dicūt, quia septimus est à Martio, & imbres habet. Aliqui tamen Octobrem esse existimauere. Suidas etiam ineptius, & eum secutus Nucerinus præsul, Ianuariū interpretantur. September ab Aegyptijs Thoth dictus, quo eodem nomine & Mercurius uocatur. Huius quidem xix. Aegyptij, ut Plutarchus autor est, ipsi Mercurio rem sacra faciebant.

*Mæmaæterion.*



melleq; & ficu uescebantur, illud identidem dicentes, γλυκὺ ἡ ἀλήθεια, Plin. lib. 27. nat. hist. cap. xij. Tradūt, inquit, Aegyptij mensis quē Thiatin uocant die xxvii. Augusto mense incurrente &c. Quidam eo loco putant Plinium Thoth mēsem intellexisse: ego quomodo non uideo, si rectē perpendantur quæ de Aegyptiorū mensib. paulò pōst referemus.

*Pyanepsion.*

Pyanepsion sequitur, qui mensis est quintus, hoc est, October. A pyanis uero fabis A-

*Pyanepsia  
celebritas.*

pollini sacratis dictus est, unde & Pyanepsia celebritas ipsa, quā cæteri Græci Panopsiam uocant. Hæc viii. huius mensis die Apollini, ut Apollonius & Suidas tradunt, agebatur. Pyanepsia tamen ipsi potius uocanda, quàm Panopsia putant: pyana enim coquuntur, & Eresione plectitur, ut ait Harpocra-

*Eresione.*

tion. Erat autem Eresione ex sacra olea ramus alba lana coronatus, ut ait Plutarchus: nam ἱερὸν lana est. Historiam copiose in Theseo Plutarchus est executus, quo in loco interpres hallucinari uidet: ubi enim ὁ γδοὺ ἱστὰ μίνας πρὸ ἀνέψιων & legebatur, ipse nonas Iulias reposuit, nam eo die Theseus cum adulescentibus è Creta in urbem se recepit in columis.

*Oscophoria.*

quo & eodem mense Oscophoria, quasi dicas Ramalia, celebrabantur. Idem tamē Plutarchus in lib. Isid. & Osirid. ait, quod Athyr apud Aegyptios est, qui Pyanepsion ab Atheniensibus dicit, & à Bæotijs Demetrium.

cx



ex quibus uerbis Oëtober cum Nouembri confunditur, eadem ratione qua paulò antè in Boëdromione recitauimus. Porro *ννανέψια* etiā Pyanepsia dicebantur, quoniā *πνάνυς* prius dicebant fabæ quàm *κνάνυς*, ut est apud Phauorinum. Anthesterion secundum ordinē Gazæ sextus est mensis, qui nostro Nouembri ex parte respondet, dictus, ut pleriq; autumant, quod prata floribus priuantur, *παρὰ τὸ αἶθρος τερῶν*. Quidā & anthesterida Dionysia & Bacchanalia interpretantur. *αἰθνηστερία* quidem Theophilus scribit Dionysia dici: sic enim, ait, ea Athenienses uocāt: & Anthesteriona mensē, quoniā tunc terra florescere incipiat: uel quod in ea celebritate flores inferri solerent, unde & prouerbiū emanauit *ὕπαρξεν ἄρης, ἐν αἰθνηστερία*. hoc est, foras cares, non anthesteria. quasi dicat, Ite foras cares, nō anthesteria sunt. Notissimum & illud est, Hædera post anthesteria. Thucydides in ij. ait, Limnis Baccho sacra fieri x. huius mensis. Suidas *χόρς* hoc ipso mense xii. celebrari prodidit. Apollodorus omnem ipsam celebritatem Bacchi anthesteria uocari ait, per partes uero pithægia, choas, & chytran. Val. autem Harpocratio ita scribit: Anthesterion octauus est Atheniensium mensis Baccho sacer, sic uocatus, ut Hister in ij. Synagoges ait, quod plurimū ex terra tum flores nascantur, Quod si uerū

Anthesterion.



*Possideon.*

est, nescio quo pacto procedat ratio Gazæ, qui autumnalem mensẽ hunc constituit: plures uernalem, ut Macrobius & Philostratus, cui, ut sophistæ, parum Gaza fudit. Idem tamẽ Philostratus in iiii. de Apolloniĩ Thyaneĩ uita, cum in eo ait Dionysia celebrari, autumnalem facere uidetur. Certẽ Plutarchus in Syllæ uita in hunc propẽ modum scriptũ reliquit: Calẽdis Martijs, qui dies ad Anthesterionis mensis exordiũ coincidit, quibus ex rebus omnibus, mihi planẽ non liquẽre pronuncio. Possideon, & Posideon à Grecis aliquando enunciatur, à Neptuni & Palladis certamine dictus. Hyperides, ut est apud Harpocrationem, septimũ hunc Atheniensium facit, quem secuti Suidas & Theophilus, Decembrem nostrum interpretantur. In hoc mense solstitium brumæ fieri scribit Plutarchus in Cæsare, & pluribus ostendit Gaza, qui & illud ait, quod quoniam hoc mense Alcyoniĩ dies sunt, ab aliquibus auis ipsa Alcyon Possideonis appellata est. Apellæus à Macedonibus, ait Suidas, dictus est, & Chæac ab Aegyptijs. Iosephus quoq; lib. xij. antiquit. nec semel ait mensem Casleu Hebræorum, Apellæum esse apud Macedonas. Non ferendo errore Græci quidã aguntur & Latini, qui hunc ipsum Elaphobolion crediderũt. Porro & in hũc cadere Ianuarium testis est Plutarchus in Cæsare: Instabat,



bat, inquit, solstitium brumale, in mense Ianuario instante, qui est Posideon Atheniensibus. Gamelion à Iunone uocatus, quæ Gamelion. nuptijs præerat. Hinc & Gamelia solennitas nuptialis. consentiunt & in hoc Demosthenes & Isæus, teste Harpocracione, & Harpocracionem secutus Suidas. Didymus Grammaticus in cōmentarijs in Isæum reprehenditur, quod parum rectè de hac re obseruauerit: nam quem citat Phanodemū eius rei mentionē facere, apud eum nihil inuenitur. Idem Didymus in ijs quæ in Demosthenem scripsit, Gamelion ait esse τὴν εἰς τοὺς φράτορας εἰσαγωγὴν τῶν γυναικῶν, hoc est, mulierum inductionem ad sodales & contribules: nullam licet eius quod exponit demonstrationē afferat. Hic mēsis, ut ait Suidas, nostro Ianuario respondet, à Macedonibus eodem teste Audyngeus, & νυχίων dictus. Elaphebolion Elaphebolion. dictus, quod ceruorum in primis uenationi sit aptus. Elaphebolia quoq; hoc mense celebrabantur. Sūt qui putent quod hoc mense cerui Dianæ sacri Elaphebolio sacrificarentur, quod Phauorinus scribit. Gaza de huius mensis ordine plura ex Thucydide & Aristotele. A Macedonibus Peritius uocatus, teste Suida & Iosepho. In nostrum Februarium cadit. Hunc, si modò Februario aptare uelimus, tribus annis xxviii. dierum erit: quarto uero, hoc est, intercalari, xxix. die-



*Munychion.* bus constabit. Munychion à Munychijs Dianæ sacris dicitur, & Munychia Diana ipsa nuncupata est. Hyperides in oratione Xenophili decimum hunc mensem facit, ut ait Harpocraton. Suidas ramen hunc secundum autumat, magno, ut mihi uidetur, errore. Hoc mense, ut Plutarchus scribit x v i. Lysander Athenis potitus est. Qui Munychion & Nychion eosdē putauere, falsi sunt: nam hic quidem Ianuarius est Macedonū, ut iam dixi, Munychion uero Martio fere nostro congruit, & à Macedonibus Distros dicitur, ab Aegyptijs Phamenoth: quod cū liquebit ex his quæ paulò post trademus, planius quoque fit ex Anatolijs uerbis in lib. de Pascha, ubi ait: Est ergo in primo anno initium primi mensis, quod est x i x. annorum circuli principium, secundū Aegyptios quidem mensis Phamenoth x x v i. die, secundum Macedones Distri mensis x x i i. secundum Romanos uero x i. calen. Aprilis & c. Quibus ex uerbis uidemus nobiscum cōuenire Macedones in mēsis principio, hoc est, ut idem principium Martius & Distros habeant: ab his uero i i i i. diebus Phamenoth euariat. *Thargelion.* Thargelion mensis dictus est, qd iam terra calecat, quasi *θερμα γῆς*. unde & Thargelia sacra Apollinis & Dianæ, quorum meminit Hyperides in oratione pro Polyencto, & Harpocraton. In his scribit Suidas, olla  
seminum



feminum & sacro iure plena fructuum primitias decoqui solitas. Aprili hic nostro ut plurimū conuenit. Delij Apollinē affirmāt Thargelionis vii. natū esse. Idem Laërtius in Platone, & ut idem scribit in Socrate, eiusdem priore, hoc est vi, Dianā. Sedenim mensem hunc auspicatissimū Græcis fuisse legimus, ut pluribus est eorum historijs cōprobatum. Nam & sub huius finem, hoc est, *ἐγδὸν φθινόωτος*, Ilium captum affirmant, ut ex Halicarnasseo Dionysio, Ephoro & Plutarcho disputat Gaza. Quare mirum est Plutarchi interpretem deceptum in Camillo, Thargeliona putasse nostrum Februarium. Apaturia insuper sacra hoc ipso mense celebrari solita prouerbiū innuit, quod tale est, *ἀπὸ τῶν ἰς ἀπατρία ἐπανῆντες δαργηλίωνα*. hoc est, In Apaturia ingressus, rediit Thargeliona. Miror uirum doctum in hoc prouerbio Maium putasse. Thargelia quoq; in Pericle Plutarchus unā Hyadum fuisse ait, sed hoc nihil ad nos.

Apaturia.

Scirophorion porro ultimus est Atheniensium mensis, qui in Maium nostrum cadit, dictus à Sciris, id est, umbraculis, quod hic mensis ædificationibus aptus sit. *σκίρα* etiam celebritas fuit apud Athenienses, quam ex nostris quidam perperam in xii. Martij cadere existimarunt: à qua celebritate, ut plerisq; placet, mensis uocatus est. Sanè qui de mensibus Atheniensium, eorumq; festiuita-

Scirophorion.



tibus scripserunt, *σπίρον* aiunt umbraculum  
 fuisse, quod ex arce, hoc est, Acropoli, delatū  
 est in locum Sciron etiam nuncupatū, unde  
 dicata Mineruæ mulier, & item Neptuni sa-  
 cerdos & Solis prodibant. Deferebant uero  
 qui Eteobutada uocabantur: ij nobiles fue-  
 re Athenis illustres, à Bute sacerdote proгна-  
 ti, ex qua familia sacerdotes seligi solebant.  
 Erat autē symbolon hoc ædificandi, & tem-  
 pus ad id instare idoneum. Colebant ad hęc  
 Athenienses Sciriada Mineruam, quam Phi-  
 lochorus in i. Arthidos ait nuncupatam à  
 quodam Sciro Eleusinio uate. Praxion ue-  
 ro in ij. Megaricorū à Scirone. Alij celebra-  
 tem hanc in ipso caloris & æstus uigore cele-  
 bratam tradūt. Sunt & qui aliam historiam  
 afferant, quod Theseus ab occiso Minotau-  
 ro reuersus, Mineruam ex *σπίρρα*, id est, terra  
 uel gypso fecerit: nam sic quidam terram al-  
 bam uocant. Alij à Sciro quodam Salamina  
 inhabitante. Inuenio & pelles uictimarū ex  
 sacrificijs Iouis Milichij & Cresij seruari so-  
 litas, quibus in umbraculorū pompa ute-  
 rentur. græcè autem ex pelles *διὸς νόμια* uo-  
 catae sunt. Sed de ipso nomine iam satis su-  
 perq; attulimus. Demosthenes in oratione  
*κατὰ μεσολεία*, decimū hunc mensem facere ui-  
 detur: ut etiam notat Vlpianus, licet corru-  
 ptum exemplar existimē: nam idem scribens  
 Suidas *δωδεκάτην* legit, id est, duodecimum.

Atq;



Atq; haëtenus de XII. mensibus Athenien-  
 sium, in quibus plurimū laborauit Theodo-  
 rus Gaza, ut ad hunc ordinē redigeret. Nūc  
 de alijs quibusdā subiungemus: nam de cun-  
 ctis quī fieri posset, in tanta praesertim uarie-  
 rate scriptorū? Lenæon mensis à Baccho  
 dictus, qui Lenæus uocatur. De quo mense  
 Theophilus & Ioannes Grammaticus, super  
 ea Hesiodi uerba, *μῆνα δὲ ληναιῶνα*, Mensem au-  
 tem, inquit, poëta Lenæona Ianuarium uo-  
 cat, qui Lenæus ab Ionibus dictus est, quo-  
 niam Pithægia sacra illo mense fiebant: uel  
 quoniam Dionysij celebritas eo mense age-  
 batur, quæ Ambrosia diceretur: sed Bruma-  
 lia, inquit, uocant Romani, qui & Bacchum  
 Brumum uocant. Fuit cum ego putarē Bro-  
 mium legendum esse. Proclus uero Diado-  
 chus in eodē Hesiodi loco ait à Bæotijs Le-  
 næona uocari, cum sol in Capricornū ingre-  
 ditur, idq; ex Plutarchi sententiā: suspicaturq;  
 ipsum Bucæron dicere, quod in eodem uer-  
 su *βόδον* ait, qd scilicet plures boues eo men-  
 se intereant. Vel Hermæon, inquit, intelligit,  
 qui post Budura est mense Gamelione, in  
 quo ab Atheniensibus Lenæa celebrabant.  
 Iones quidem, ut idem Proclus scribit, Le-  
 næona uocant. Tum & aliam sententiā sub-  
 dit, Lenæona uidelicet à Bæotijs sic nuncu-  
 pari, qd in eo mense uina inducantur uel col-  
 ligantur: hic enim mensis principiū est hye-

*Lenæon mensis.*



mis. Alij autem sic dici existimant, quod lenæa, hoc est, uellera ouium uel caprarū pelles sic uocentur: uel quoniam Baccho hoc mense festū faciebant, quod, ut diximus, Ambrosiam uocabant. Porro & antiquum in ipsum Hesiodum scholium Lenæona Decembrem mensem esse asserit, quē Aegyptij Chæac, in quo quam diximus celebritatem antiqui peragebant. Atq; perinde de Lençone haftenus.

*Xanticus.*

Xanticus qui uocatur à Macedonibus, Aprilis noster esse creditur, ab alijs Martius. In hoc mense, ut Socrates scribit in historia, Antiochenes sanctum Christi pascha celebrabāt: ab Aegyptijs Pharmuthi uocatur, teste Plutarcho in Theseo, & Suida. Iosephus quoq; ita in ij. antiquit. Præcepit, inquit, Moses ut sacrificium paratū haberent, essentq; instructi à prima die Xantici mensis usq; ad xiiii. qui apud Aegyptios quidem Pharmuthi, apud Hebræos autē Nisan uocatur, Macedones uero Xanticū eum appellant. Hæc ille. Sunt tamen qui hoc nomen cum afflatu scribāt, hoc est, Xanthicus, & Xanthica ipsa celebritas. Ab aliquibus quoq; hic mensis Hippodromion dictus est, sed hi meo iudicio falluntur: quippe si Plutarcho credimus in Camillo scribēti, à Bœotijs sic uocatur noster Iunius. Hyperbeteus etiam mensis, ut alijs pleriq; uariè refertur: quidam enim, ut ostendemus, Octobrem

*Hyperbeteus.*



brem esse statuunt, eumq; Macedonum mensem, ut Iosephus & Suidas: qui & inde prouerbiū factum ait de procrastinantibus moramq; trahentibus, quod Hyperberetæus ultimus sit Macedonū mensium, & anni finis: quæ enim eo mense proueniūt, serotina sunt, & post legitimū tempus. Zenobius quoque Hyperberetæa eadem ratione, qua Suidas, prouerbiū cōmemorat, hoc est, de ijs quæ serotina sunt. Galenus tamē apud Pergamā patriam suam ait Hyperberetæū Septembrē esse. In Decretis uero, xvij. dist. de Concilio Antiocheno hæc uerba recitantur: Secundū inquit, Conciliū Idibus Octobris habeat, qui dies apud Græcos Hyperberetē mensis decimus inuenit. Quæ uerba ita exponas, qd Idus Octobris cadūt intra secundā decada, id est, post decimā diē. Omnis enim mensis ut ostendemus, in tres decades diuiditur, & secunda propē decas dicitur. Bedas in lib. de natura rerū: Et canones, inquit, qui dicuntur Apostolorum, idem antiquioribus literis edocuere, ubi duodecima dies mensis Hyperberetē, quarto Idus Octobris esse memoratur. Hæc ille. Physius seu Bysius mensis *Physius.* dicitur à Delphis, teste Plutarcho in græcis problematis, quæ græcè inscribuntur *κρητὰ ἐλλωικῶν*, sed quis sit non declarat, tantum dicit septima eius natum Apollinem. Dies ipsa *πολύφθ* appellatur, & eadem



oraculum editum. Cum ergo ex eius uerbis parum constet quinam sit is mensis, eum tu Februarium, hoc est, Thargelionem, de quo paulò antè diximus, cognosces ex Diogene Laërtio, qui statim in Platonis uitæ initio ita ait: Nascitur Plato, ut testis est in Chronicis Apollodorus, LXXXVIII. Olymp. V. Thargelionis, qua etiam die natum Apollinem Delij putant. Idem Laërtius in Socratis uita: Nascitur, inquit, Socrates, ut ait Apollodorus in Chronicis, sub Apsephione, LXXVII. Olymp. anno IIII. Thargelionis mensis VI. quo die lustrant Athenienses ciuitatem, Dianamq; natam Delij tradunt. Hec ille. Notissimū uero est Dianam ante Apollinem in lucem editam, quin & matri Latonæ obstetricis munus exhibuisse dum Apollinem æderet. Atq; de his hætenus.

Supereſt, ut postquam de Romanorū & Athenienſiū mensibus egimus, uarias quoque gentium nomenclaturas afferamus, ut saltem ex ipsa nominū uarietate nonnihil le gentes oblectemus, cum tot nationum, uno quasi intuitu, mensiū uocabula comprehenderit. A Græcis uero primū exordiemur, apud quos tanta confusio, ut planè nō liquere etiam Græcorū doctissimi fateantur. qua in re de solis Athenienſium mensibus adeo Theodorus Gaza uir cum græcè tum latinè eruditissimus elaborauit, ut eorum ordinē  
osten-

ostenderet: id quod an rectè effecerit, ego temerè nihil statuo, quidam certè ambigunt. Sed neq; ille de alijs tot Græcorū prouincijs insulisq; quicquam attulit. Causas quidem ego tantarum uarietatum eas in primis esse crediderim, quod uarijs in locis & regionibus autores cum scriberent, non semper Atticis mensibus usi sunt, nec eorum insuper ordine, uarijs scilicet nationibus & prouincijs uaria nomina & mensiū ordines habentibus, ut in Italia quoq; cum & eorū quidam menses à lunæ, quidam à solis cursu metirentur, ut quibus nō parū est discrimen, ut hodie quoq; inter nos & Hebræos. Varia præterea annorū principia, ut à nobis iam planè antè patefactum est, uarietatem induxerūt. Aliam refert Theodorus causam, quæ & mihi quidem satis arridet: Romanos scilicet imperio potitos in causa fuisse, ut ordines & uocabula mutarentur: quin & pleriq; Romanis usi sunt nominibus, atque adeo magis hac tempestate. Nam in quotquot eorum, quæ mihi uidisse cōtigit, *μηνολογίαις*, hoc est, ut nos loquimur, Calendarijs, id est, Fastis, non eos alijs uti nominibus quàm nostris cōspexi. Hoc quidem loco nomina ipsa ut in græcis plerisq; codicibus etiā uetustis distinctos offendi, tanquam in tabellis afferam. Sanè nostræ religionis qui græcè scripserunt, Macedonū potius mensibus usi sunt,



**Macedonum  
menses.**

quod ea tempestate magis uulgati essent, & iam uidebantur Atheniensium menses antiquati, quod & ex Synodis & Cōcilijs, & quidem antiquioribus, colligitur, Apostolorū scilicet, Niceni & Antiocheni. Macedonum igitur mēses ego inprimis recitabo. Sunt autem hi: αὐδυνᾶιος, qui perperam ab aliquibus αὐδωνᾶιος dicitur: περιτίς, δύσρος, ξαντικός, siue ut alij scribunt ξανθικός, ἀρτεμίσιος, δέσιος, qui & uocatur δάσιος à Plutarcho in Alexandri uita. πάνιμος, qui & πάνιμος, λῶος, γορπιᾶιος, ὑπερβεριᾶιος, δῖος, ἀπελλαῖος. Sunt qui eos ita cōmemorent, & à Decembri exordium sumūt, ob Christi uidelicet diē natalem: ἐλαφνοβλιών, νυχίων, βαργυλιών, δύσρος, ξανθικός, ἀρτεμίσιος, δέσιος, πάνιμος, λῶος, γορπιᾶιος, ὑπερβεριᾶιος, δῖος. Psellus & Theophilus alijq; nonnulli Macedonum menses esse hos aiunt, qui sunt à XII. signis Zodiaci: αἰγονέριος, ὑδροχόος, ἰχθύς, κριός, ταῦρος, δίδυμος, καρνῆνιος, λεών, παρθέριος, ζυγός, σκόρπιος, τοξότης.

**Atheniensium.**

Atheniensium uero menses à Theodoro Gaza hi feruntur, eosq; à solstitio æstiuo numerare incipit: ἐκατομβαιών, μεταγειτνιών, βοηδρομιών, μαιμανκτηριών, πνανεφιών, αἰθνηριών, ποσειδεών, γαμηλιών, ἐλαφνοβλιών, μενυχιών, βαργυλιών, σκοροφειών, quos hoc ordine Gaza cōnumerat ex Aristotelis, Theophrasti, Thucydidis, Demosthenis, Aeschinisq; & Plutarchi sententia, laboratq; nimis ut conueniant. quo loco & illud uerissimè scribit, difficillimū esse hoc  
scē ad



sce ad Romanorū menses posse referri, id qđ  
 & causa est, ut inter autores differentia sæpe  
 nō parua esse uideat: singuli enim Athenien-  
 sium menses inter binos Romanorū interse-  
 runt, hoc pacto: Hecatombæon Iunij partē  
 extremā, & Iulij priorē attingit. Sic Metage-  
 tñion, Iulij & Augusti: Boëdromiō Augusti  
 & Septēbris: & sic per ordinē de cæteris. Sed  
 & hoc planē nō perficit, quin & illi occurrūt  
 diuersorū loca scriptorū, ex quibus minus  
 solida ac rata cognoscit doctissimi hominis  
 diligentia: quo fit ut hoc loco lectorē admo-  
 nendū operæ precii duxerim, rem omnino  
 difficillimā esse, Græcorū menses Romanis  
 coaptare, ut scilicet planē cōueniant, ut etiā  
 Aegyptiorū. Totius enim, mea quidē senten-  
 tia, cōfusionis causa à solis & lunæ differētia  
 pendere uidetur. Nam quotquot ego id ten-  
 tasse uidi, hallucinatos magis minúsue fuisse  
 cōspexi. Quare meā hac in parte diligentia  
 requiri summopere non desidero, tantū reci-  
 tabo quæ uaria ac diuersa legendo comperi.  
 Sed, ut ad institutū redeam, alij inter Græcos  
 hos potius menses complectuntur, atq; hoc  
 ordine afferunt: *ἑκατομβαιών, λιαιών, κρόνιος,*  
*βεοδρομιών, πυανειών, μαιμακτηριών, αὐθιστηριών,*  
*ποσσειδιών ἢ ποσειδεών, γαμπλιών, ἐλαφιβολιών, μην-*  
*χιών, ἀκτιονειών.* At uide quæso quanta sit Græ-  
 corum confusio. Sunt & alij qui ita distin-  
 guunt, ut Pyanepsiona dicant Ianuarium



nostrum esse, Elapheboliona Februarium, Munichiona Martium, Thargeliona Aprillem, uel à floribus Anthesteriona, Scirophoriona Maium, Hecatombæona Iunium, Metagerniona Iulium, Boëdromiona Augustum, Mæmaëteriona Septembrem, Hyperberetæum Octobrem, Gameliona Nouembrem, Posideona Decembrem. Addamus & aliarum nationū mensium nomina, quæ in Pselli aliorumq; libris inuenimus, in pri-

Cypriorum  
mensēs.

Primus ἀφροδίσιος, ἀποχονίος, αἰνεῖος, ἰάνις, καυσάριος, σιβάσιος, αὐτοκρατορικός, διμάρχισιός, πληθύπαιος, ἀρχιερός, ἰάδιος, ῥωμαῖος.

Bithynorum.

Bithyni uero hos suos menses enumerāt: ἥριος, ῥίμιος, μινῆριος, διόνυσος, ἡράκλειος, δῖος, βερδίαος, τραχύγιος, ἄρειος, πελώπιος, ἀφροδίσιος, διμῆριος.

Cappadocum.

Cappadoces quoq; hos suos habēt menses: τερῆς, ματὰ, ξανθηρί, μιθρί, ἀπομηνάμιν, ἀρθρά, τεθυσία, ὠμονία, σονδαρά, ἀρταετίμ, ἀργόβιτα, uel ut in aliquibus exemplaribus comperi, ἀφαιότατα.

Aegyptiorum.

Sunt & Aegyptiorū menses hi, quos obseruauimus: τυβί, μεχάρ, φαμηνώθ, φαρμυθί, παχών, παύνι, uel ut alij, παύρι, ἐπιφι, μεσορί, θωθ, παοφι, uel ut alia est lectio, φαυθί, ἀθύρ, χυάκ, uel ut alij, χιὰχ, uel potius χοιάν. Certe hos Aegyptiorū menses Isaacus Argyrus, & Aëtius medicus uiri doctissimi qui Alexandria uersati sunt, hoc modo cōmemorant, ille in demonstratione quam & alibi citauimus, hic in xij. suæ medicinæ uolumine, sic à Septembri exordientes:



dientes: Thoth, Phaophi, Athyr, Chœac, Tybi, Mechir, Pharmenoth, Pharmuthi, Pachon, Payni, Epiphi, Mefori. Quo eodē modo & Bedas uir multæ lectionis, qui & ipsos ita nostris mensibus coaprat: Aegyptij, inquit, propter ocyorem lunę discursum, menses ad solis cursum, quod tardior sit, reduxerunt. Thoth, inquit, iiii. calen. Septembris. Phaophi iiii. calen. Octobris. Athyr iiii. calen. Nouembris. Chœac v. calen. Decembris. Tybi vi. calen. Ianuarij. Mechir vii. calen. Februarij. Phamenoth v. calen. Martij. Pharmuthi vi. cal. Aprilis. Pachon vi. calen. Maij. Pauni vii. calen. Iunij. Epephi vii. cal. Iulij. Mefori viii. cal. Augusti, quē x. cal. Septembris die terminant, residuosq; quinq; dies *ἐπαγόμεναι* uel intercalares, siue additos uocāt, quibus etiam quarto quoq; anno diem sextū, qui ex quadrantibus conficitur, annectunt. Et hæc cōsonant his quæ antè de intercalatione docuimus. Porro si accuratè hanc Bedæ descriptionē obserues, facile quædam emendabis, quæ sunt in epistola diui Ambrosij ad Aemilię episcopos de ratione paschatis, ubi & perperam inuersa sunt nomina quædam mensium Aegyptiorum, & alterum pro altero. Græca etiā Arati cōmentaria aliquando parum rectè respondent, ut cum scribunt, Epephi Augustū esse, cum alibi Iuliū tradiderint, Extat uero græ-



cum epigramma incerti autoris, in quo hoc modo mensiū nomina referunt, & quid quoque mense apud Aegyptios agat xii. uersib. declarat, quod lib. i. epigrammatum legitur *ἡ γὰρ ἡμετέρι μὲν ἡμέρας*. Sic autem habet, ut meis uerbis referam. Incipit uero à Septembri:

Primus Thoth docuit falces inferre racemis.  
 Capturamq; Phaothi dabit piscantibus amplam.  
 Pleiadum sed Athyr uergentia tempora monstrat.  
 Chæac cultarum segetum mox gramina pandit.  
 Tybiq; purpureum consultum uestibus ornat.  
 Nauigijsq; Mechir signat percurrere marmor.  
 Ostendit Phamenoth duri fera prælia Martis.  
 Sed Pharmuthi rosis uernis prænuncius extat.  
 Florentesq; Pachon campos iam falcibus urget.  
 Nuncius autumnī & fructus solet esse Payni.  
 Vuam pampineus retinens maturat Epephi.

At Nili Mesori fecunda exuberat unda. Hos ego, nō ut cum Græcis certarem, à quorum uenere quantum absim, nō ignoro, sed ut ignaris utcunq; opem ferrem, latinos feci.

Hebræorum  
 menses.

Iam uero ad Hebræorū mēses accedamus, quos illi patria uoce Hodes nomināt: nec minorē in his colligēdis uarietate offendimus, quā in Græcis uel Aegyptijs. Exordiūtur autē illi bifariā, uidelicet à Martio, seu potius Aprili, seu, ut uerius alij dicūt, à uerno æquinoctio: secundū legē latam à Mose, uel secundum mūdi creationē in æquinoctio autūnali, ut antē docuimus. Nos hoc loco Mosis & legis



legis ordinē sequamur. Primus igitur mēsis est Nisan, tum Hiar, Psethoan, Thamne, Ab, Elul, Therfi, Murionan, Casleu, Tebethi, Sabath, Adar. In alio uero peruetusto codice ita cōscriptos offendi: *νισάν, συσγάρ, ἑβραὰδ, θερσί, ἀλσὺ, σαφὰτ, ιαί, θαμνέ, ιούλ, μισρὸς, τυμβί, ἰλάρ*. Be-  
 das quidem ipse hęc esse Hebræorū mensiū uocabula prodidit: Nisan, Iar, Siuan, Thaumul, Elul, Thefri, quem ob collectionem fructuum & celeberrimas in eo festiuitates annum nouum appellat, caditq; in nostrū fermē Octobrem, & ut quidam magis uolunt, in Septembrem: idcirco scribit Hieronymus post collectionē frugum & torcularia, quando decimæ deferebantur in templum, Octobrem fuisse primū mensem, & Ianuariū quartum. Tum sequit̃ Maresuan, Casleu, Tebeth, Sebeth & Adar. Comperio tamen apud auctores Adar Syrorum lingua Sabe uocari, sicuti Iar, Zio uel Zin, hoc est, Aprilem à florum splendore. Legimus & Chaldæorū, & Babyloniorū ac Hebræorum menses ita uocari, parum uoce deuia ab iam cōmemoratis: Tisri, Marthesuan, Chisleu, Teueth, Seuat, Adar, Nisan, Hyar, Siuan, Tamuz, Ab, Elul. Sed & uulgò hoc modo à Septēbri, & dierum anni & mensis numero addito, commemorātur: Tisrim primus, qui & Tisri, dies xxx. Tisrim secundus, qui & Marthesuan, xxxi, hoc est anni lxi. Remiz primus



xxx. hoc est, xci. Remiz secūdus xxxl.  
hoc est, cxxii. Sabath uel Scebath xxxi.  
hoc est, cliii. Adar xxviii. hoc est, clx-  
xxi. Nisan xxxi. hoc est, ccxii. Idar uel  
Iar xxx. hoc est, ccxlii. Naziran xxxi.  
hoc est, cclxxiii. Tamus uel Tamuz xx-  
x. hoc est, ccciii. Abh uel Au xxxi. hoc  
est, cccxxxiiii. Eyul uel Elul xxxi. hoc  
est, anni summa cclxv. cum tamen se-  
cundū legem & antiquos ritus ccliiii.  
dies eorum annus habeat, & xii. lunas, hoc  
est, lunares menses. Anno uero intercalari,  
qui tertio quoq; anno celebratur, xiii. con-  
tingunt lunares menses, bisq; Adar numera-  
tur, & prior quidem simplici uoce Adar, hoc  
est, Februarius: posterior uero Veadar, hoc  
est, & Februarius, uocatur. Sanè & Nisan, &  
Nouorū mensem uocatum uidemus, & pa-  
schatis ceremonijs dicatum, de quo & Hie-  
ronymus in Iezechiele, & Ambrosius ad epi-  
scopos Aemiliae de Niceni concilij institutis  
agens: Ipsum, inquit, mensem Nouorum re-  
ctè custodierūt, quia in Aegypto hoc primo  
mense noua secantur frumenta. Hic autem  
mensis & primus est secundum Aegyptiorū  
prouentus, & primus secundum legem, &  
oçtauus est secundum consuetudinē nostrā:  
Indictio enim Septembri mēse incipit. Oçta-  
uo igitur mense calendæ Aprilis sunt. Inci-  
pit autem mensis non secundum uulgarem  
usum,



usum, sed secundum consuetudinē peritorū  
ab æquinoctio, qui dies est xii. cap. Aprilis,  
& finitur xi. cap. Maij. Hæc Ambrosius. Hu-  
ius igitur mensis spatiū, ut ait Beda, propter  
multiuagū longē cursū, nūc in Martiū, nūc  
in Aprilem cadit, nunc aliquot Maij dies oc-  
cupat: sed nostro Aprili sæpius deputatur,  
quia semper in eo uel incipit, uel desinit, uel  
etiam totus includitur. Hoc autem tempo-  
re propter æquinoctij anticipationē, quam  
uocant Astrologi, cum nostro Martio con-  
currit. Porro qui Thamul, rectius Thamuz  
dicendus, quem aliqui sine afflatu proferūt,  
Tamuz: sic enim Hebræi & Syri Adonin uo-  
cant, qua de re Hieronymus: Quia, inquit,  
iuxta gentilem fabulam in mense Iulio ama-  
sius Veneris & pulcherrimus iuuenis occi-  
sus, & deinceps reuixisse narratur, eundem  
Iulium mensem eodem appellāt nomine, &  
anniuersariam ei celebrant solennitatē, qua  
plangit à mulieribus quasi mortuus, & po-  
stea reuiuiscens canitur atque laudatur. Et  
quia eadē gentilitas huiusmodi fabulas poë-  
tarum, quæ habent turpitudinem, interpre-  
tatur subtiliter, interfectionē & resurrectio-  
nem Adonidis plāctu & gaudio prosequēs,  
quorum alterū in seminibus quæ moriun-  
tur in terra, alterū in segetibus quibus mor-  
tua semina renascuntur, ostendi putat. Ha-  
tēnus Hieronymus: atq; hæc ideo ego, quo



niam quidam, ut uidisti, Iunium, Hieronymus Iulium Tamul seu Tamuz appellant. Scribit & idem Hieronymus, Teberth decimum Hebræorū esse mensem, qui apud Aegyptios Tybi, apud Romanos Ianuarius. In Zachariæ uero prophetia xi. mensis Sebath dicitur, qui in Ianuariū caderet, si à Martio annus exordiat. Sed attende quæso quanta sit uarietas. Innuere quoque uidetur Iosephus lib. antiquit. i. cap. 5. alia fuisse mensium uocabula antequam, ut ostendimus, sic ordinata essent: ita enim ille scribit ubi de cataclysmo agit: Contigit, inquit, hæc clades DC. anno natiuitatis Noë, mense secundo, qui à Macedonibus Dyo nuncupatur, ab Hebræis autem Marachath seu Amarfuane: sic enim in Aegypto annū constituerunt. Moses autem Nisan mensem, qui est Xanticus, primū in festiuitatibus definiuit, in quo ex Aegypto Hebræos eduxit. Nusquā enim Marachath seu Amarfuane mensium nomina cōperi, licet ideo multa uolumina euoluerim, nisi fortè pro Marthesuan, seu Marchesuan, seu Maresuan sit positus. Idem etiā Iosephus lib. antiq. 4. ait Aarona uita functū mense Hebræorū Se debath. Ita enim scribit: Aaron mortuus est secunda luna mensis, qui apud Athenienses quidem Hecatombæona, alij Mæmaçteriona, apud Macedones autē Loos (nō Lochos ut habent exēplaria uulgata) apud Hebræos uero



uero Sedebath, apud Romanos appellatur  
 Augustus. At nostri scriptores Aaronis diē  
 obitus calen. Quintilis fuisse scribunt: & si  
 quis contenderet, Sebeth uel Seuath, qui &  
 Sabbath, nomen esse mensis, hoc est, Ianuarij,  
 multo teneretur errore. Idem Iosephus lib.  
 ij. aduersus Appionem: Nam duodecimus,  
 inquit, mensis, qui apud Iudæos Adar, apud  
 Macedones Distros uocatur &c. Sed huius-  
 modi uarietates quomodo accidant, nunc  
 haud satis quisquam prodere potest. Addam  
 & hic breuissime Hebræorū celebritates. In *Hebræorum*  
 primo igitur mense legali, hoc est, Nisan, Pa *celebritates.*  
 scha celebratur, & septem azymorum dies,  
 quos incipiunt xiiii. die mensis uesperī. In  
 secundo mense nulla est præcipue festiuitas.  
 In tertio uero Pentecostes celebratur septi-  
 mō die, in honorem legis acceptæ. In quar-  
 to mense ieiuniū fractarū tabularum obser-  
 uatur. In quinto ieiunium desolationis ur-  
 bis sanctæ & templi: quæ eodem die conti-  
 gisse quidam scribūt, sub Nabuchodonoso-  
 re, & postea sub Vespasiano: unde in septimo  
 apud Iosephum de bello Iudaico, quidam le-  
 gendum putant Hau pro Augusto. In sexto  
 mense nullam præcipue celebritatē legimus.  
 In septimo, qui nunc Septembri, olim Octo-  
 bri congruebat, propter iam allatam ratio-  
 nem, prima dies festum tubarum & buccing  
 propter Isaaci liberationem & arietis immo



lationē. Decima uero dies, expiationis est celebritas, quando scilicet deus ignouit populo Hebræo uituli idololatriā. xv. autē dies festum est scenopegiæ, id est, tabernaculi, per septem dies. xxi. eiusdem mensis festū est cœtus & collecta, in quo colligebant pecunia pro sacrificijs. Item tertia die Godoliæ ieiuniū. In viii. mense nullum peculiare est festum. In nono, xxv. festum celebrat Encaniorū. In decimo mense, Ieiuniū quo Nabuchodonosor urbem obsedit, decima mensis. In undecimo mense nullum habetur festum. In duodecimo ieiuniū Hester sortis uel urnæ, die xv. Lege historiam Hester. Et hucusque de Hebræis & Chaldeis & Babylonijs sit dictū. Nunc addam & Arabum, & Sarracenorū menses. Annum hi habent ccccliiii. dierum, præter intercalarios, qui in xxx. eorum annis xi. sunt & lv. dierum, & rursus redeunt ad primū ordinē. Habent uero mēses triginta dierū sex, & xxi. alteros sex, qui alternis succedūt. Et qui xx. sunt dierū, perfecti ab eis menses dicunt: qui xxi. imperfecti. Incipiūt autē annū ab Almuhammo, hoc est, Septēbri, qui est xxx. dierū, & perfectus. Ab eo secundus est Saphar, qui xxi. est dierū, & imperfectus: qui anni dies sunt lxx. Tertius est Rabe primus, qui xxx. dierum est, & perfectus, & anni sunt dies lxxxix. Quartus Rabe secundus

xxix.

*Arabum & Sarracenorū annus & menses.*



xxix. dies habet, & imperfectus est, & anni dies perficit c xviii. Quintus mensis est Gemedi primus, qui xxx. dies habet, & perfectus est, & anni dies complet c xlviii. Sextus est Gemedi secundus, xxix. dierum est, & imperfectus, & anni dies constituit c lxxvii. Septimus mensis est Rage, qui xxx. dierum est, et perfectus, anni uero dies ccvii. conficit. Octauus mensis est Sahaben, qui est xxix. dierum, imperfectus, & anni dies ccxxxvi. perficit. Nonus Ramadan xxx. dierum est, & perfectus, & anni dies cclxvi. exigit. Decimus mensis est Sauel, qui xxix. est dierum, imperfectus, & anni dies complet ccxcv. Vndecimus mensis est Dulchida, xxx. dierum, perfectus, anni dies cccxxv. explet. Duodecimus Dulcheya mensis est, & xxix. dies habet, & imperfectus est, & totius anni numerum conficit, hoc est, ccc l i i i. Porro nec illud ignorandum est, primam horam nascentis lune mensis eorum initium haberi.

Postquam in hæc barbara diuertimus, cur non & Persarum menses, & uocabula, numerumque dierum subiungimus? Eorum quidem annus ccc & lx. dies continet, & à Septembri sumit exordium. Singuli menses xxx. sunt dierum. Primus est Phordimechus Secundus Ardaimechus. Tertius Cardaimechus. Quartus Zirmechus. Quintus Mar-

*Persarum menses,  
uocabula, dierumque  
numerus.*



daynus. Sextus Sarembemechus. Septimus  
 Malieramechus. Octauus Ebenmechus.  
 Nonus Idramechus. Decimus Dimechus.  
 Vndecimus Behmemechus. Duodecimus  
 Azfirdamechus.

*Indorum men-  
 ses & annus.*

Indorum uero mensium & annorum ra-  
 tionem hanc Q. Curtius prodidit: Menses,  
 inquit, in quinos denos descripserunt dies.  
 Anni plena spacia seruantur, lunæ cursu no-  
 rant tempora, non ut pleriq; cum orbem si-  
 dus impleuit, sed cū se curuare cœpit in cor-  
 nua: & idcirco breuiiores habent menses, qui  
 spacium eorum ad hunc lunæ modum diri-  
 gunt. Hæc Curtius. At Bedas ita de Indis:  
 Apud Indos, inquit, ubi est alia cœli facies,  
 alij sunt ortus siderū, binas æstates in anno  
 binasq; messes habere perhibent, media in-  
 ter illos hyeme Etesiarum flatu, nostra uero  
 brumali: lenes ibi auras, & mare nauigabile  
 narrant. Traduntur & his fermè similia hoc  
 demum tempore à Lusitanis nautis, & qui  
 in nouum, ut dicunt, orbem nauigant. Sanè  
 par etiam est credere & alias nationes, alia  
 & habuisse, & nunc habere mensium uoca-  
 bula. Scribit enim Strabo lib. xij. à Pharnace  
 rege mensem denominatū, cui & templum  
 cōstructū fuit in Ponticis regionibus. Idem  
 & Arcæi mensis sacerdotiū cōmemorat, his  
 uerbis: *τὸν δὲ ἐν ταύτῃ καὶ ἐπεσίου τῆς μενὸς ἀγνείας.*  
 Idem & mensis Carī templum ait magna ue-  
 neratio-



neratione cultum apud Laodiceam & Caru-  
ros populos. Scribunt in Nemeon Pindari  
expositores, apud Aeginetas Delphiniū A-  
pollinem cultum, & ab eo Delphinium men-  
sem cognominatū, in quo Hydrophoria lu-  
di celebrabātur. Ex recitatis his colligimus  
sacros etiam fuisse menses aliquos. Atq; ha-  
ctenus de uaria mensiū appellatione, nunc  
de mensium diuisione subiungam.

Menses, ut à nostris incipiamus, in tres Mensium  
diuīſio.  
partes diuiduntur, in Calendas, Nonas, &  
Idus: idq; lunæ ratione fieri autor est Plutar-  
chus: nam singulis mensib. omnino tres lu-  
næ mutationes fiūt. Prima cum penitus oc-  
cultatur, soli cōgressa. Dein cum solis radios  
ac lumen elapsa ab occasu incipit apparere.  
Postremò cum solaribus radijs illustrata, ple-  
nilunium efficit. Hæc quidem & alia Plutar-  
chus in causis. Sed alia est exquisitior lunæ Lunæ di-  
uīſio.  
diuīſio, quæ etsi huic rei parum cōgruit, co-  
gnitioni tamen nō indigna est. Est ergo qua-  
driformis, *μικροειδής, διχότομος, ἀμφίκυρτος, & παν-  
σελήνη*, hoc est, cornicularis, diuidua, gibbe-  
rosa, & plena, quæ à Pindaro in Olymp. *διχό-  
μωις μίονη* dicitur. Sed & ab hac mutatione  
Græci lunam *μίονη* nuncupatā uolūt, quòd  
in una figura nunquam permaneat, hoc est,  
ut illi scribūt, *μη' ἐν ἐνὶ σχήματι μένειν*. Alij quod  
minuatur, *παρὰ τὸ μειῖσθαι*, quod Socrati pla-  
cet apud Platonem: nam & interdum *μᾶς μᾶ*



ὅς dicitur. Alij παρὰ τὸ μῆος μεσὺν, & per synco-  
pen μῆν mensem uocant. Quare uero σελιών  
dicatur & σελιωαία, in Cratylo Plato docet.  
Porro plenilunium magna superstitione an-  
tiquis colebatur, unde & prouerbiū ἐν τῇ  
πανσελιῶν, de cunctantibus & procrastinan-  
tibus. Scribit Plutarchus & mulieres partu  
facilius in plenilunio leuari. Lucianus in li-  
bello de astrologia, Lycurgum ait Lacedæ-  
monijs legem tulisse, in plenilunio ne præliū  
inirent. Sed hæc ferè præter institutum, ad  
nostra redeo. Primus igitur mensis dies à no-  
stris calendæ dicuntur, & Iunoni sacer erat,  
ut Festus ait, & in Fastis canit Ouidius:

*Vendicat Ausonias Iunonis cura calendæ.*

Et ideo, ut Varro docet, Laurētes Iunonem  
appellabant calendarē. Plutarchus in quæ-  
stionibus, mensem quidem Iunoni sacrum,  
annū autem Ioui, suis quibusdā argumentis  
affirmat. Sed nō modo à Romanis calendæ  
colebantur, sed & numenīæ à Græcis & He-  
bræis, ut Isidorus obseruat. Dicuntur uero  
**Calendæ.** calendæ παρὰ τὸ καλῶ, quod est uoco, uel po-  
tius quod antiqui, ut in primo de Vitis pa-  
trum ait Varro, calendis calabātur, id est, uo-  
cabantur: etsi aliter perperām apud Noniū  
legitur. Nam priscis temporibus antequam  
fasti à Cn. Flauio scriba inuitis patribus in  
omnium notitiam proderentur, Pōtificali mi-  
nori hæc prouincia delegabatur, ut nouē lu-  
næ



næ primū obseruaret aspectum, uisamq̃ regi  
 sacrorum nunciaret: itaq̃ sacrificio à rege et  
 minore pontifice celebrato, idem Pontifex  
 calabat, id est, uocabat in Capitoliū plebem  
 iuxta curiā Calabram, & quot numero dies  
 à calendis ad nonas superessent, pronuncia-  
 bat: & quintanas quidem dicto quinquies  
 uerbo, Calo Iuno nouella: & septimanas  
 easdem, repetito septies eodē uerbo, Calo Iu-  
 no nouella, ut ait Varro: atq̃ ideo, quod eo  
 die calarentur, calendę nuncupatæ, & curia  
 ipsa Calabra locus nūcupatus ubi id fieret.  
 Plutarchus tamen in quæst. nō à uerbo καλῶ  
 calendas ait uocatas, sed à particula latina  
 quę est clām, quod tum luna clām esset, id est  
 lateat: qua in re & Theodorus Gaza est eum  
 secutus. Sanè idem Plutarchus in libello, qđ  
 non oporteat fœnerari: Numeniæ uel calen-  
 dæ, tamen si dies sacratissimi existunt, nefan-  
 di tamen & execrandi ab usurarijs reddun-  
 tur & c. Sed quod usuræ calendis & in noua  
 luna persoluerentur, & poëtæ innuunt, ut  
 Aristophanes & Hesiodus, & noster Hora-  
 tius. Porro cum Græci calendis carerent, Au-  
 gustus Cæsar cum mutuum nunquam red-  
 dituros significare uellet, ad calendas græ-  
 cas soluturos dicere solitus erat, ut tradit  
 Suetonius, id quod & pōst ad alia prouerbij  
 loco usurpatū est. Atq̃ de calēdis hætenus.  
 Nonæ nulli deo dicatæ sacræ ue fuere, ita Nonæ.



in Fastis canente poeta: Nonarū tutela deo caret. Dictæ uero Nong, quod *νῆα* esset luna, hoc est, noua. Sedenim nostri Nonas dictas uolunt quasi nouæ initium obseruationis, quod scilicet post uisā nouam lunam Nonæ ipsæ pronunciarentur. Et ideo quidem minor pontifex dierum numerū qui ad Nonas superessent calando prodebat, qđ post nouam lunam oportebat Nonarum die populares qui in agris essent ad urbem cōfluere, accepturos feriarum causas à rege sacrorum, ut quid eo mense faciendū esset scirent. Alij, ut Varro scribit, Nonas dictas arbitrantur, quod à Nonis nouē dies essent ad Idus. Sed Tuscos tamen legimus Nonas plures habuisse: nono etenim quoq; die Tusci regem suum salutabant, & de proprijs negocijs cōsulebant. Et de Nonis hætenus.

*Idus.* Iduum porrò nomē ab iisdem Tuscis acceptum quoq; legimus. Itis enim, ut Macrobius: ut Varro, Itus illi dicebant. Itum uero Iouis fiduciam interpretabantur: quam opinionem parū receptam uideo. Alij à uidendo deriuant, quod eo die plenior luna uideri soleat, ἀπὸ τῆς ἰδέειν, quod uidere significat: uel ἀπὸ τῆς ἰδέσθαι, quod plenam speciem luna demonstraret: quam sententiam Plutarchus sequitur. Sunt etiā qui existiment Idus ab oue Iduli uocitatas, quæ omnibus Idibus apud Hetruscos à flamine immolabat. Istius certē  
Idulis



Idulis & Festus et Macrobius meminere: ipsi tamen Macrobio magis placet, quod idus ab iduando uerbo deducantur. Est autem Iduare apud Hetruscos idem quod diuidere: is enim dies mensem diuidere uidetur: unde & uidua mulier dicitur, quasi à uiro diuisa. Idus quidem omnes Ioui dicatæ fuere, ut calendæ Iunoni, ut diximus. Hinc poëta in Fastis:

*Idibus alba Ioui grandior agna cadit.*

Quot uero dies, quot Nonas & Idus quilibet mēsis habeat, etsi planius pōt dicemus, hoc loco tamen inconditos hos uersus pro canone adscribam:

*Ter denos September habet, totidemq; Nouember,*

*Iulius, Aprilis: reliquis superadditur unus.*

*Sit nisi bissextus, uicenos Februus octo.*

*Prima dies mensis cuiusq; est dicta calendæ.*

*Sex Maius nonas, October, Iulius & Mars:*

*Quatuor at reliqui tenet Idus quilibet octo.*

*Inde dies alios omneis dic esse calendas,*

*Quas retro numerans dices à mense sequenti.*

Atque hæc quidem de Latinorum mensium diuisione: nunc & Græcorum addamus.

Græci utique alio modo suos menses diuidunt: quāquam enim & ipsi in tres partes distribuunt, non nostro tamen more. Nam cum lunā sequant, mēsem in tres decades diducunt, & primā quidem appellant mensem consistentem: secundam uero, ad decem,



uel medium : tertiam, deficientem uel terminantem. Sic enim illi, *μῶς ἰσάμενος*, & *ἐπὶ δέκα*, uel *μισθύντος*, tum demum *φθίνοντος* uel *λύγοντος* *μῶς*. Has quidem tres mensis partes Philochorus & Proclus Mineruæ sacratas fuisse prodiderunt. Prima mensis dies dicitur his nominibus, *νῆμενία*, uel *νηομενία*, uel *ιερομενία*, à nostris nouiluniū et calendæ. Secunda uero dies usq; ad decimā, à numero nuncupatur, *ἰσάμενος* addito, ut, *δουτίρα ἰσάμενος*. Decima autem *δεκάτη* dicitur. Undecima quidem dies *πρώτη ἐπὶ δέκα*, uel *πρώτη μισθύντος μῶς*, usq; ad *xx*. diem addito numero dicitur : ipsa uero decimanona *ἐννάτη ἐπὶ δέκα*, uel *ἐννάτη ἐπὶ δεκάτη* dicta est. Tum sequitur tertia decas, id est, uigesima dies, quæ *ἑκοστή* dicitur uel *ἐκός*. postquam sequitur *xxi*. dies, quæ *πρώτη ἐπὶ ἐκάδε* uel *δεκάτη φθίνοντος*. Qui modus numerandi in Solonem philosophum refertur à quibusdam, qui ut luna sensim minuitur, ita et numerū desinentis mensis minuebat. Unde et Macrobius cum de antiquorum Latinorum numerandi consuetudine ageret : Latij, inquit, ueteres incolg, quia nihil iam tum discere ab Aegyptijs licebat, ad quos nullus illis cōmeatus patebat, morē Græciæ in mensium numerandis diebus secuti sunt, ut retrouersum cedente numero, ab augmento in diminutionem computatio resoluta desineret : ita enim nos decimū diem, deinde nonum



num, et postea octauū dicimus, ut Athenien-  
 ses *δινάτην καὶ ἑννάτην φθίνοντες* & *μῶδες* soliti sunt  
 dicere. et reliqua, id quod uidemus obserua-  
 ri ab Aristophane in Nubib. Et ut propositū  
 nō deferam, numerant Græci utroq; modo,  
 ut dicebamus, usq; ad *xxix.* diem mensis,  
 quæ *ἑννάτη ἐπὶ ἀκάδι*, uel *δουτίφα φθίνοντες* dici-  
 tur. Porro trigessimus dies *πριανὰς*, uel *ἑν καὶ  
 νία* ab Atticis uocatur, hoc est, uetus & no-  
 ua, scilicet luna. Verū ab hoc numerādi mo-  
 do nō nihil euariat Pollux. In hac autem *ἑν  
 καὶ νία* exactiōnes debitorū et usurarum fie-  
 ri solebant, ut antē docuimus. Nec illud præ-  
 tereundū, hac eadem die, *ἑν* uidelicet *καὶ νία*,  
 antiquitus *xxx.* prætereuntis mensis diem  
 & sequentis primam uocitatā fuisse, hoc est,  
 tempus illud quo delitescit luna, quod Lati-  
 ni tum silentem lunam, tum intermestrem,  
 tum interluniū, uel intermensē, uel inter-  
 menstruum & coitum lunæ dixere. Græci  
 astrologi *σύνωδον* uocant, ut Ptolemaeus, alij.  
 Varro: Intermensis quidem dictus, quod pu-  
 tabant inter prioris mensis senescentis diem  
 & nouam lunam esse diem, quem diligen-  
 tius Attici *ἑν καὶ νία* appellarūt, ab eo quod  
 ea die potest uideri extrema & prima luna.  
 Gaza: Cum, inquit, hoc tempore exoleuerit  
 ut ad lunæ rationem menses dirigantur, ni-  
 hil nos prohibet dicere ultimā mensis diem  
*ἑν*, cum primam *νία* & nouilunium dica-



mus. Plethon philosophus patrum memoria celebratus *ἐν μηνι xxxix.* mensis, *ἐν νηη* uero *κ' ἡμέραν xxx.* putauit, id quod non esse dissonum suo instituto ait Gaza: qui & illud scribit, Athenienses in lunæ ratione parū recte in numeris cōuenire. Vnde & poëta Comicus ipsam lunā ideo Atheniensib. irasci in fabula inducit, qđ ad suum ipsius cursum nō recte dies metirent, & susq; deq; cōfunderent. Scribit ad hæc Polemon, quod hanc ipsam diem Græci aliquando uocauere Demetriada, ob memoriam scilicet Demetrii regis. Meminit & Harpocraton. Vlpianus rhetor in quadā Demosthenis oratione ait Athenienses solitos numerare usq; ad *xii.* mensis diem, hoc est, *ἐν δωδεκάτην καὶ δωδεκάτην.* prætereaq; *xiii.* *ῥήτην καὶ δεκάτην*, & deinceps minorem numerū præponentes maiori ad *xx.* usq;: qđ tamen nō usque adeo seruati uidemus: ipsamq; *xx* ut dictum est, uocari *ἐννέαδεκάτην*, post quam *πρώτη ἐννέαδεκάτη*, & cætera, ut ante propositū est, usq; ad *xxx.* diem. Sanè animaduertendum apud poëtas, & in primis Hesiodum, non planè obseruatas has numerandi figuras: quippe quod in media secunda decate ita sit solitus numerare Hesiodus, *τετράδεκα μέσην & ἑνῆδεκα μέσην*, hoc est, mediam quartam & sextā mediā, pro eo quod est, decimaquarta luna & sextadecima: id quod etiā Pollux, & in ipsum poëtam uulgata cōmentaria obseruāt.

Protu-



Protulit et idem poëta alia nōnulla licentia  
 poëtica, quæ hoc tempore parū usitata sunt  
 nisi penes poëtas. Idem et aliquādo facit Ho-  
 merus, sed parcius: id enim illi nō ex profes-  
 so, ut Hesiodo, accidit. Pollux & Plethon &  
 aliam mensis diuisionē attulere: in quatuor  
 enim partes ita discernūt, *ἀς τὸ μὲν ἱσχυμένον, τὸ δὲ*  
*μεσοῦν, τὸ δὲ φθίνοντα, καὶ τὸ δὲ ἀπὸν ἢ ἐπιόν, hoc*  
 est, instans, medium, præceps & recedens. Sa-  
 nè ut ad nostram normā menses reducerent  
 Græci, ita statuerunt, ut Possideon, Game-  
 lion, Munychion, Scirophorion, Metage-  
 nion, Boëdromion, & Pyanepsion unde-  
 cim dies haberent deficientes, hoc est, *φθίνον-*  
*τας*, quia unum & xxx. dies habent ad no-  
 stram consuetudinem, & propterea græcè à  
 Gaza *ἐνδεκάφθινοι* uocantur. Reliqui uero de-  
 cem tantū *φθίνοντας* habēt, quia xxx. diebus  
 numerantur, & ideo *δεκάφθινοι* ab eodē Gaza  
 dicunt: præter Elapheboliona, qui octo dun-  
 taxat *φθίνοντας* habet, & quarto quoq; anno,  
 hoc est, Embolimo & intercalari, nouē: atq;  
 ideo *ἐνδεκάφθινος* & *ἐννεκάφθινος* dictus est, ut apud  
 nos Februarius. Porro & Aegyptios eodem  
 modo quo Græci, menses numerasse observa-  
 uimus, id qd cū ex alijs, tum maxime ex Plu-  
 tar, uidemus, apud quē tum in Vitis, tū in lib.  
 Ifidis & Osiridis legimus, *ῥιαννάδι τὸ ἐπιπλήμι-*  
*νός.* & in eodē, *τῇ ᾗ ὁ γέννη φθίνοντος τὸ φανφί.* Nō me  
 præterit hoc tēpore aliū ordinē habere, sicuti



& in Armenia maiore: nam ut Indus Iosephus scribit, Armenij annum in XII. menses ut nos, diuidunt, similemque intercalarem habent diem: sed diē ipsum in horas suas LX. partiuntur, easque ad solis aspectum interdiu cognoscunt, noctu uero intuitu siderum, & stellarum. Sed quid cum nubilum est? an eo tempore sunt sine horarum cognitione? Et quidem hæc de uaria mensium obseruatione sufficiant.

*Epacta.* Nec à præsentī negotio fortè alienū fuerit, si de Epacta hoc loco aliquid adscripsero, quā Fortunatianus Consultus & Isidorus adiectionem uocant. ἐπακτη quidem græcum est uocabulū, quo & nostri iam ut suo utuntur. ἐπαγεῖν enim inducere est: nam lunari superexcedens solaris cursus numerus, id est, undecim, inducitur & superagitur, ut soliluna conueniat. Epactas ait Isidorus per undenarium numerum usque ad tricenarium in se reuolui, quas ideo Aegyptij adiecere, ut lunaris emensio rationi solis æquetur. Luna enim iuxta cursum suū XXIX. semis dies lucere dinoscitur, & fiūt in annum lunarem dies CCCLIII. remanēt ad cursum anni solaris dies XI. quas Aegyptij adijciunt: unde & Epactæ, & adiectiones uocantur. Absque his non inuenies lunam quota sit in quolibet anno & mense & die. Continentur autē circulo decemnouenali: sed cum ad XXIX. epactas



Epactas peruenerunt, qui est circulus decemnouenalis, iam sequenti anno nō addes super  $xxix$  undecim, ut decem annumeres detractis  $xxx$ , sed inde reuerteris, ut undecim pronuncies. Haftenus fermè Ifidorus. Sedenim ut facilior huiusce Epactę ratio tibi sit, & quo pacto inuenias ac utare, sic est agendum. Anni à Christi die natali per numerum  $xxix$  diuidantur, nam totidem annis suum conficit luna circuitum: quibus sic diuisis, unitas addenda est, quoniam eo quo Christus natus est tempore, luna unum sui circuli annum iam peregerat, ut Mathematici docent. Ergo cum præsens annus, quo nos hæc scribimus, millesimus sit  $D. xxxix$  ab ipso Christo nato, sic, ut diximus, si sit diuisus, nullo superabundabit: ideoq;  $xi$ . erūt Epactę. At uero quoties numerus superat, is per undenarium dispertiat: quo comperito, & per tricenarium diuiso, quotquot super extabunt, Epactę numerum cōstituent. Cum uero  $xxix$ , contigerit, quo modo anno superiore, quoniam is numerus, id est,  $xxix$ . parum abest à  $xxx$ . pro integro mense reputatur, nulla Epacta ideo in eo esse dicitur, quando etiam ad primum annū lunę cursus reditum est, in quo nulla Epacta est, & prima Martij nouilunium est. Cum igitur Epactę numerum habueris, ipsum cape, illiq; addas mensis numerum, id est, quotus


*Epactę inueniendę ratio.*

K



is sit à Martio: tum etiam addendus eius mensis dies, cuius uis nosse lunam. Quod si inde confectus numerus nō xxx excesserit, hic quantuscunq; sit, erit dierū Lunæ numerus, à noua scilicet Luna. Quam rationem ut planiorē faciā, huius instātis anni exēplo ostendam, cuius Epacta xi. Si ergo quæris quotā hodie habeamus lunam, qui dies est Idus Octobr. id est, xv dies mensis, assume xi Epactæ numerum, dein adde numerū quotus sit Octob. à Martio, qui octauus est, ipsum cum xi cōiunge, fient xix, superadde mēsis dies, quindecim uidelicet, quæ summa conficiet xxxiiii, quatuor supra xxx uides: ergo quatuor dies Lunæ habemus hoc ipso die xv Octobris. Age hoc idem monstremus altero exemplo, Si quota Luna futura sit xxx eiusdē Octobr. die, hoc est, tertio KL. Nouēbris, nosse uelis, Epactæ numerū xi, quē diximus, concipe, tum mensis numerū, quotus sit à Martio, adde, hoc est, viii, qui numerus cū Epacta xix cōficit: addito insuper xxx numerū dierū mensiū, qui xlix cōplet, semoue xxx, tum reliquus numerus, hoc est, xix, erit Lunæ dies. Sed ne te fortassis, ut sit interdum, Epactæ numerus effugiat, hic tibi cycli figuram effinxi, qua quotannis, quota futura sit Epacta edoceberis. Huius igit anni quo hæc ipsa cōmentamur M, D, xxxix. Epactæ numerus est xi,

His



His ita de mensibus, curiosius fortasse ex-  
 positis, reliquum est, ut de die, eiusq; diffe-  
 rentijs ac partibus agamus. Dies quidem di-  
 ctus est à Deis, à quibus nō Romani modò,  
 sed & aliæ gentes nominauerunt, planetis si-  
 deribusq; dicauerunt. Vel dies dictus à *diēs*,  
 quod diei Iupiter rector existimatus est: *diēs*  
 inquā, cuius rectus in numero pluriū est *diēs*,

K 2



ut ostendit in primis Plutarchus ita scribēs:  
*καὶ οὐ πολλοὶ δῖος καὶ ἡνείκεος οὐνοῦ.* Sunt ex nostris  
 qui dicant, quod Dei dies opus sit. Certè M.  
 Varro, Ex Deo, inquit, dies. Et alio loco: A  
 Deo dies appellat̃. Alij à dio deflectūt, dium  
 uero sub cœlo lumen uocāt, ut cum sub dio  
 dicimus, quod sub diuo dici rectius docti  
 quidā affirmāt. Festus diem inquit dici qđ di  
 uini sit operis, siue qđ aēr diurnus dehiscat  
 in cādorē. Diē Græci *ἡμέραν* uocant, qđ ut ait  
 Plato, *ἡμέρουσι*, id est, hominib. desiderantib.  
 gratulantibusq; è tenebris lumē emicuit. Et  
 propterea antiqui, ut idem scribit, prius *ἡμέ-*  
*ραν* dixerunt, posteriores *ἡμέραν*, & demum  
*ἡμέραν*, alij tamen quasi *ἡμεραν*, hoc est, mitem  
 & mansuetam, dictam putauere. Dies autē,  
 ut mensis & annus, partim naturalis est, par-

*Dies naturalis.*

tim civilis. Naturalis dies est tempus ab exo  
 riente sole ad solis occasum. Atq; ideo, ut pu  
 to, diem, hoc est *ἡμέραν*, Pindarus in Olymp.  
 Solis filium appellat. Nox uero ab occasu so  
 lis est ad ortum, appellata quidem quod no  
 ceat, uel quod græcè *νύξ* dicitur. Civilis dies,  
 quem legitimum Isidorus uocat, tempus id  
 est quod uno fit cœli circumactū, quo dies  
 uerus & nox continetur, ut cum dicimus ali  
 quem dies xxx. tantum uixisse, tunc enim  
 etiam noctes intelligimus. Græci uoce com  
 posita *νυκθήμερον* uocant, & sic à M. Psello in  
 astronomicis definitur: *Νυκθήμερον δ' ἔστιν ἡ μίση*

*πάλιν*



*πάλημ καὶ ἀντὶ τοῦ μεγάλου κύκλου φορά.* Nycthe-  
 meron, inquit, est una rursus & ipsa magni  
 circuli latio, seu transitus. Huiusmodi ue-  
 ro dies quatuor modis definiuntur. Alij à so-  
 lis exortu ad exortum eiusdem astri statue-  
 rūt, ut Babylonij, & uulgus omne. Alij à me-  
 ridie ad meridiem, ut Vmbri, & qui Astrolo-  
 giam profitentur. Alij ab occasu ad occasum  
 solis ipsius, ut Arhenienses, & nunc Arabes.  
 Alij à media nocte ad mediam noctem diem  
 existimarunt, ut Romani sacerdotes, item  
 Aegyptij, & Hipparchus, ut scribit Plinius.  
 Apud Romanos quidem, ut ait Censorinus,  
 indicio sunt sacra publica, & auspicia magi-  
 stratum, quorum si quid ante medium no-  
 ctis actum esset, diei qui præterierat adscribe-  
 batur. Si quid autem post mediam noctem  
 & ante lucem factum fuisset, eo die gestum  
 dicebatur qui eam sequeretur noctem. In  
 his horis quatuor & uiginti qui nascuntur,  
 eundem diem habent naturalem: qua de re  
 ex Varronis lib. humanarum, quæ de diebus  
 scripsit, multa quidem Gellius & Macrobius:  
 sed plura Plutarchus in quæst. capitum Ro-  
 manorū, dum causam inquirat: ita enim post  
 allatas rationes cōclusit: Quare, inquit, cum  
 ob dictas causas ortus diei & occasus princi-  
 pium difficilimè capi possit, relinquit ut me-  
 dium diem, aut mediam noctem (quas par-  
 tes *μισοῦρανδρ*, & *ἀντιμισοῦρανδρ* uocat) diei



principium statuamus: potius autē secundū,  
hoc est, medium noctis. Fertur enim à nobis  
à meridie ad occasum: à media uero nocte  
ad orientem ad nos redit. & hunc ipsum, in-  
quit Gellius, Romani ciuilem appellarunt,  
qui à sexta noctis hora oritur. Nostri quoq;  
quidam Christiani, inter quos Isidorus &  
Bedas, in eo qui est de nat. rerum, hanc prin-  
cipij diei rationem ita perscribunt: Hebræi  
autē & Chaldæi & Persæ diem à mane ad ma-  
ne deducunt, umbrarū uidelicet tempus lu-  
ci supponentes: at contrā Aegyptij ab occa-  
su ad occasum. Umbri & Athenienses à meri-  
die ad meridiem dies computabant. Hæc Be-  
das. Porro hoc tēpore Galli Germaniq; eosq;  
sequentes nationes, à meridie ad mediam no-  
ctem, & à media nocte ad meridiem dies di-  
stinguunt, hoc est, XII horis, & alteris XII  
horis æquinoctialibus. Sanè ante repertas ho-  
ras apud Romanos, dierū diuisionem uarijs  
modis factā esse legimus, quos breuiter subfi-  
gnabimus. Scribit Censorinus nusquā XII.  
tabulis horas nominatas ut in alijs postea le-  
gibus, sed ante meridiē & post meridiē, quod  
uidelicet bifariā diem meridiem discernebat.  
Alij diem quadripartitū censebant, & noctē  
similiter, quam rem militaris similitudo testa-  
tur, in qua dicit, prima uigilia, item secunda,  
& tertia, & quarta, quo modo & à Græcis  
πρώτη φυλακή, δευτέρα φυλακή, καὶ τρίτη, καὶ τετάρτη.  
uel ut

Noctis diuisio.



uel ut Homerus ait, *πρώτη μοῖρα, & πρῶτος ὕπνος.*  
 Sūt & alia & diei & noctis tēpora, proprijsq;  
 discreta nominibus, quæ apud ueteres tum  
 poetas, tum historicos, aliosq; scriptores in-  
 uenimus: ea ut rectius potero ordine suo ex-  
 ponā. Incipiā uero, ut Romani, à nocte me-  
 dia, quod tempus principiū & postremū diei  
 fuerat, Græci *μισσηνῆιον* uocāt, & Homer. *ἀμολ-  
 γόν*, ut notāt grāmatici in iij. odyss. et si aliq; ali-  
 ter. Tempus uero qd huic proximū fuerat, de  
 media nocte uocabat, uel ut ait Macrobius. me-  
 diæ noctis inclinatio. Hoc sequebat gallici-  
 niū, cum galli canere incipiunt: hoc à Græcis  
*ἄλεκτροφωνία* uocat, uel ut scribit Pollux, *περὶ  
 ἄλεκτρονῶν ὥδ' αὖς*, uel *ἄλεκτρονῶν ἀδόντων*. Tū post  
 erat ὑπὸ τὸν ὠδὸν ὄρνιθα, & qd nostri conticiniū  
 dixerūt, cum uel galli, uel, ut aliq; tradunt, om-  
 nes mortales silent. Plautus in *Asin.* Redito  
 conticinio. Ingeniosus poëta Ouid. 7. *Meta-*  
*morph.* partem hanc noctis muta silentia uo-  
 cat, de *Medea* agens his uersibus:

Gallicinium.

Conticinium.

*Egreditur tectis uestes induta recinctas,  
 Nuda pedem, nudis humeris, infusa capillos,  
 Fertq; uagos mediæ per multa silentia noctis  
 Incomitata gradus.*

Tum est ante lucem, & sic diluculum uoca-  
 tur, id est, ut inquit Macrobius, cum incipit  
 dignosci dies: hoc tempus id esse uidetur,  
 quod Græci dicūt ὑπὸ τὸ λυκαυγίς, & Homerus  
*ἑμφιλύκη νύκτα*. Mane dicit cum lux uidetur, *Mane.*

Diluculum.



dictum, ut Varro ait, quod tum manat dies ab oriente: nisi potius, quod bonum antiqui dicebāt manum. Ad cuiusmodi religionem Græci quoq; cum lumen affertur solent dicere *φῶς ἀγαθόν*, qui mos & apud nos ad hanc diem perseuerat. Macrobius mane ait dictū, quod ab inferioribus locis, id est, à manibus exordium lucis emergat: uel quod Lanuini in Latio mane pro bono dicebant. Hanc partem Græci communiter *ῥῆθρος* & *περιόρθρον* di-

*Ad meridiem.*

*Meridies.*

cunt, & *πρωί* & *ἑως*. Sole postea exorto, ad meridiem dicebāt, hoc est, ad mediū diem. Tum meridies, quæ ipsa est mediij diei pars, ad quā partem nostro tempore æra turrium sonant. Sunt qui meridiem dictum putent quod merus sit dies, id est, purus: nam meridies purior est diei pars, quia sol in medio cælo rutilat, & omnem orbem pari illustrat claritate: hanc partem Græci *μεσούσης ἡμέρας*, καὶ *περὶ μεσημβρίας* dicunt, & *ἡλίου ὑπὲρ κεφαλῆς ἰσταμένος*, hoc est, sole supra caput cōsistente. Post hæc de meridie dicebatur, ut Censorinus ait. Macrobius tamen, inde, ait, uocatur tempus occiduum: & quod Græci *δελινδόν καὶ ῥόν* uocāt.

*Suprema dies.*

Dehinc est suprema dies, quæ & serum diei dicitur: quamuis plurimi supremam post occasum solis esse existimant, quia in xii. tabulis scriptū sit, Solis occasus suprema tempestas esto. De hac eadem sic Macrobius scribit: Suprema tempestas, hoc est, diei nouissimum



mum tempus, sicut expressum est in XII. tabulis. Sed postea, ut ait Censorinus, M. Plethorius Trib. Pleb. scitum tulit, in quo scriptum fuit: Prætor urbanus qui nunc est, qui-  
 que posthac fuerit, duos lictores apud se habero, isque supremam ad solis occasum ius inter ciues dicito. Meminit & hac de re Varro: Suprema, inquit, summum diei, id est, à supremo: hoc tempus XII. tab. dicunt occasum esse solis. Sed postea lex prætoria id quoque tempus iubet esse supremum, quo prætor in comitio supremam renunciat populo. Dicitur & prima uespera, cuius Plaut. in Gurgul. me *Prima uespera.*  
 minit. Post uero supremam dicitur uesper, ante ortum scilicet eius stellæ, quam Plautus uesperuginem, Ennius, Vergilius & Catullus uesperum appellant, quia Græci ἑσπερος. quæ stella ante solem Iubar uocatur, teste Varrone, quod sit iubata. Pacuuius: Pastor exorto iubare, Noctis decurso itinere. Vergilius: Tum iubare exorto. Eadem à Græcis φῶσφορος. Inde porro crepusculum est, ut ait *Crepusculum.*  
 Censorinus, sic fortasse appellatū, quod res incertæ creperæ dicuntur, idque tempus noctis sit an diei incertum est. Id uocabulum sumptum ait à Sabinis Varro: Vnde, inquit, ueniunt Crepusci nominati Amiterno, qui eo tempore erant nati, hoc est, crepusculo, ut Lucij prima luce. Ab hoc tempore prima *Prima fax.*  
 fax dicitur, ut Macrobius docet, quod lumina



accendebantur. Hanc diei partem Liuius primas tenebras uocat, ut cum ait: Hannibal obuersatus eo die in foro auertēdæ suspensionis causa, primis tenebris, uestitu forensi, ad portam cum duob. comitib. ignaris consilij est egressus. Sed quoniā in mentionē de accensis luminib. incidimus, nonnihil ea de re, ex obseruatis nostris afferre uisum est, quando eius rei frequēs est mentio apud autores. Videtur autē id sumptū à tabernarijs, qui circū plateas, iam uesperascente, lumina in tabernis accendunt. D. Hieronymus contra Luciferianos: Dum audientiā, inquit, & circulū, lumina iam in plateis accensa soluerent. Dionysius item Halicarn. lib. 7. & 11. accensionum luminū meminit. Item Herodorus cum alibi tum in Polymnia, hoc est, lib. 7. & cum his Censorinus. Horat. uero Flaccus epist. lib. 2. prima lumina hanc diei partem appellauit, hoc ad Florum uersu:

*Lento Samnites ad lumina prima duello.*

De quo Samnitum prælio & sic Ennius:

*E queis de manibus nox intempesta diremit.*

Fuit & apud Aegyptios celebritas, quæ lucernarū accessio dicebat, cui<sup>9</sup> ab Herodoto lib. 2 fit mētio, his propē uerbis: Vbi uero ad Saim urbē ad rem sacrā faciendā cōuenerūt, noctu sub diuo uniuerſi circū mœnia frequētes lucernas accēdūt, imbutas sale, & oleo plenas, cum multo ellychnio, qđ tota ardeat nocte:

cui



cui festo nomē impositū est accensio lucernarū. Ad hunc cōuentū quicūq; Aegyptiorū nō iuerint obseruātes sacrificij noctē, & ipsi lucernas accēdunt, neq; id in Sai modo, sed etiā per uniuersam Aegyptū. Sed & apud Hebr. fuit lucernarū festum. Vnde Persius Flaccus:

*Herodis uenire dies, unctaq; fenestra*

*Dispositæ pinguem nebulam uomuere lucernæ.*

Quo loco Probus seu Cornutus, seu quisquis ille fuit qui Persium est interpretatus: Obseruāt, inquit, Iudgi & sabbatū, quo die lucernas accensas & uiolis coronatas in fenestris ponūt. Christiani quoq; in plerisq; locis hoc moris habēt in quibusdā celebritatib. ut uesperti lucernas in fenestris & eminētiorib. & diū partib. collocēt. Id Romę frequētissimū. Aliā pręterea gentiliū celebritatē lucernarū designat Anne Seneca in lib. de beata uita: Cū laurū, ait, linteatus senex & medio lucernarum die proferēs cōclamat iratū aliquē deorū, cōcurritis. Eadē de rememinit Septimius Tertull. Cur die leto, inquit, nec laureis postes obumbramus, nec lucernis diē infringimus? Idem alibi: Quis, inquit, philosophum sacrificare, aut deierare, aut lucernas meridie uanas proferre cōpellit? de Christianis agēs in Apolog. qui ad hęc cōpellebant. Sed & Apuleius lucernā in sacris Isidis describit, hoc modo: Sacerdotū primus, inquit, lucernā claro præmicatē porrigebat lumine, nō adeo nostris illis



confinilem, quæ uespertinas illuminant epulas, sed aureum cymbium in medio sui patore flamulam suscitans largiorem. & reliqua, ne longius uager. Fuit & antiquis lampadarum celebritas, quæ Athenis præcipue agitabatur in Ceramico, quæ currentes inuicem lampada tradebant. quæ de re Grammatici plura. Quidam à Prometheo rem iniriū sumpsisse tradunt: hinc & Prouerbiū factū, Lampada tradere. Vide prouerbiorum scriptorem. Nunc in uiam rediens reliquas diei partes afferro. Sequitur quam primam facem diximus, quod concubium appellatur, cum itum est cubitum. Ennius in annalium vii. cōcubiam noctem uocauit, ut docet Seruius apud Macrobiū:

*Quæ Galli furtim noctu summa arcis adorti  
Mœnia concubia, uigiliq; repente cruentant.*

*Intempesta nox.*

Sic & Cicero & alij. Exinde est intempesta, id est, multa nox, quia nihil agi est tempestiuum. Aelius: Intempestū est, inquit, cum tempus agendi est nullum, quod alij concubium appellarunt, quod ferè omnes tunc cubarēt. Alij ab eo quod sileretur, silentium noctis dixerunt. Dehinc ad mediam noctem dicitur, & sic media nox. Atq; hætenus de diei & noctis partibus, quas & Iulius Pollux in primo græcè descripsit.

*Media nox.*

Nunc est à nobis afferenda longitudinis & breuitatis dierum causa, undèue solstitiales &



les & brumales dies, unde & æquinoctiales: quæ licet ijs qui in astronomicis periti sunt notissima uideantur, breuiter tamen minus in ijs uersatis, & ne quid præsentī lucubrationi deesse uideatur, hic colligenda duximus. Sunt igitur dies uel naturales uel artificiales: & naturales quidem omnes ubiq; gentium **xxiiii.** horarum, quos hic in præsentia nō quarimus, an id **xxiiii.** horarum spacium aliquando excedant, ut philosophi quidam & astrologi subtilius faciunt. Artificiales uero, quos & ciuiles & uulgares quidam nominant, longiores uel breuiores fiunt ex recto uel obliquo ortu uel occasu: rectè enim quàm obliquè oriens signum diutius ascendendo morari naturali ratione dicitur. Signum autem rectè oriri aiunt, quo cum maior pars æquinoctialis circuli, qui æquator ab Astrologis uocatur, oritur: obliquè uerò seu pronè oriri, quo cum minor pars eiusdē circuli oritur. Ergo singulis artificialib. diebus his seu longis seu breuib. sex signa oriuntur, & noctu totidem, quæ dierū & noctium moram uel longiorem uel breuiorem faciunt. Atq; ut à solstitio exordiamur, sole in Cancro existente mense Iunio, dies hac ratione longissimos fieri est manifestū, quod interdiu sex rectè signa oriant, quæ sunt ista: Cancer, in quo est Sol, & Leo, & Virgo, & Libra, & Scorpius, & Sagittarius: quæ signa



cum plurimum temporis in ortu consumunt diem extendunt, longumque efficiunt. Nox uero eodem tempore minima est, quoniam sex reliqua signa obliquis ascensibus oriuntur: ea quidem sunt, Capricornus, Aquarius, Pisces, Aries, Taurus, & Gemini. At uero e contrario causa est ut dies brumales breuissimi sint, quod sole in Capricorno, mense uidelicet Decembri, sex itidem ipso die signa oriuntur oblique a Capricorno usque ad Geminos: & nox eodem tempore longissima, quod reliqua sex signa ab initio Canceri rectum habent ortum. Aequinoctialium autem dierum causa est, quod tunc tria signa oriuntur oblique, & tria eque recte, in die quippe & noctu similiter. Exempli gratia: In uerno aequinoctio sole in Ariete posito, interdiu Aries, Taurus & Gemini oblique, Cancer uero, Leo & Virgo recto nascuntur ortu: pariter modo in nocte Libra, Scorpius & Sagittarius recte, reliqua tria oblique oriuntur, Capricornus scilicet, Aquarius, Pisces. In Autumni autem aequinoctio sole Libram tenente, ipsa Libra, & Scorpius, & Sagittarius recte nascuntur, sequentia tria oblique. At in nocte Aries, Taurus, & Gemini oblique habent ascensum, & cetera tria rectum. Atque hec breuissimè de dierum ac noctium longitudine breuitateque ex astrologorum monumentis excerpta. Quibus sic à me descriptis, facilius, ut opinor, Plinij uerba intelligentur,



gentur, quæ sunt in eius lib. 2. nat. hist. Sol autem ipse, inquit, quatuor differentias habet, bis æquata nocte diei, Vere & Autumno in centrum incidens terræ octauis in partibus Arietis ac Libræ, bis permutatis spatijs, in auctum diei, bruma octaua in parte Capricorni: noctis uero, solstitio totidem in partibus Cancræ. Inæqualitatis causa obliquitas est signiferi, cum pars æqua mûdi super subterq; terras omnib. fiat momētis. Sed quæ recta in exortu suo consurgūt signa, longiore tractu tenent lucē: quæ uero obliqua, ocyore transeunt spacio. Hæc Plinius. Ex hac quoq; dierum ratione horas pro rata portione uel longiores uel breuiiores esse colligimus: quædere, cum de horis agemus, statuemus. Porro & in cœli inclinationibus, quæ græcè κλίματα dicuntur, & à Pontano cliui, & in terrarū curuitate plus minúsue longi sunt dies noctēsue, id quod segmentorū & circulorū (sic em̄ uocat Plinius parallelas) ratio ostendit: ex ijs enim umbrarum mensura colligitur, neque est eadem ubiq;: nam XL circiter, uel ut longissimè L x mil. pass. hæ mutantur, id quod Solis umbilicus, qui gnomon dicitur, palàm facit: tametsi neque id perpetuum est signum, ut Plinius monet, & ante eum M. Varro. In primo ergo circulo æquinoctiis die media umbilicus VII pedes longus, umbram nō amplius III pedes longam reddit:



noctis uero dieiq; longissima spacia horas  
 xiiii. habent, breuissima e contrario x ho-  
 ras. in his semper equinoctiales intelligimus  
 In secundo circulo umbilicus in equinoctio  
 xxxv. pedum, umbram xiiii. pedū lon-  
 gam facit. Dies autem noxq; maxima xiiii.  
 horarū est, accedente ijs quinta parte unius  
 horæ. In tertio gnomonis centū uncia um-  
 bram lxxvii. unciarū faciūt: longissimus  
 dies est horarū xiiii. atq; dimidia, cū xxx.  
 parte unius horæ. In quarto circulo gno-  
 moni xxi. pedum, respōdent umbræ xvii. pe-  
 dum: longissimus dies habet horas xiiii. &  
 duas tertias unius horæ. In quinto segmen-  
 to gnomoni septem pedes umbris sex, magni-  
 tudo diei summa horarū xv. In sexto, gno-  
 moni pedes nouem, umbræ viii. longissima  
 diei spacia horarum xv. addita nona parte  
 unius horæ, uel ut Nigidio ac Plinio placuit  
 quinta. In septimo umbilico, id est, gno-  
 moni xxxv. pedum, umbræ xxxvi. ita ut ta-  
 men in partem Venetiæ exequet umbra gno-  
 moni: amplissima dies horarū xv. & quinta  
 rum partium horarum trium. Idem ferè bre-  
 uius collegit in lib. 2. nat. hist. Plin. Umbra, in-  
 quit, in Aegypto, meridiano tempore, æqui-  
 noctij die, paulò plus quàm dimidium gno-  
 monis mensuram efficit. In urbe uero Ro-  
 ma nona pars gnomonis deest umbræ. In  
 Piceno, in oppido Ancona, superest quinta  
 trige-



trigesimæ. In Venetia regione iisdem horis umbra gnomoni par fit. Vtriq; uarietas hæc ex cœli declinatione: qua ex causa apud Hyperboreos, dies semestri luce esse, autores tradunt, pariq; tempore noctes: quippe quibus semel in anno solstitio soles oriantur, & bruma occidât. Idem fermè tradit Pythias Mafsiliensis in Thule & circumadiacentibus insulis. C. Cæsar lib. bell. Gall. v. cum in Britanniam cum exercitu traiecisset, ita scribit: In hoc medio cursu est insula quæ appellat Mona, cōplures præterea minores subiectæ insulæ existimantur, de quibus insulis nonnulli scripserunt dies continuos xxx. sub bruma esse noctes: nos nihil de eo percunctationibus reperiēbamus, nisi certis ex aqua mensuris breuiores esse quàm in continente noctes. In Italia certè longissimus dies xv. horarum esse, æquinoctialium ratio & experientia docet. In Alexandria xiiii. horarum. In Meroë Aegyptia xii. horarū, & octauæ partis unius horæ. In Britannia xvii. ubi æstate lucidæ noctes. Hipparchus tamen Pythiæ Mafsiliensi fidem habens, in his Britāniæ locis longissimū diem ait esse horarū æquinoctialium xix. Hipparchum quidem Strabo reprehendit, & cum Hipparcho Pythiam & Eratosthenem, ut parum cōsona scribentes, quæ omnia referre ad institutum nō faciunt. Alij nō decem & nouem horarum diem, sed

L



XVIII. tradunt, id quod Cleomedes prodit, cuius & de Thule uerba subiungemus: In Thule, inquit, insula, in qua Pythiam Massiliensem philosophum fuisse accepimus, fama est totum solstitialem circulum esse supra terram, eundemque illis arcticum fieri: apud illos cum sol obtinet Cancrum, menstruus, uel ut alij legunt, bimestris sit dies, siquidem ibi omnes Cancri partes semper appareant: fin minus, quatenus perpetuo conspicuas ipsius partes sol tenet. Ab hac insula uersus arcticum progredientibus, alij quoque signiferi partes præter Cancrum pro rata portione perpetuo apparerent, & sic quantum ipsius supra terram semper apud quosque appareret sol transiggit, tantum de fieri & diei. Esse præterea ait climata ubi necessario sit dies bimestris, & trimestris, ac etiam quadrimestris, & amplius: nam & sex mensium dies inquit sub ipso polo esse: & cætera quæ idem ipse Cleomedes exequitur, à quo in lib. de mundi contemplatione, de tota hac dierum ratione accurate multa referunt, ut multos alios mittam, qui tum philosophiam, tum astrologiam literarum monumentis tradiderunt. Vniustamen Pontani uerba, quibus totam hanc breuissime rationem complexus est, lib. de reb. cœlestibus primo, adscribere operæ precium duxi: Et primum quidem, inquit, siue illud clima, siue potius clium, aut etiam tractum, aut incli-



inclinationem uocaueris, tum diem maximum sub æstiuum solstitiū, tum noctem longissimam sub brumale xiiii. tantum horarū habet: neq; enim ultra hoc spacium aut dies aut nox illic producitur, neq; citra xi. subducitur. Hic tractus quoniam Meroën Aegypti pertingit, inde à Græcis *διὰ μερὸς* est agnominatus. In secundo autē climate dies & noctes ad horas xiiii. adiungunt horæ unius dimidium ubi maximè productæ sunt, ac tantundem demunt ubi subductæ: quod quoniam Syenen, quæ est plagæ illius urbs notissima, tractu suo complectitur, ab ea nomen accepit *διὰ Συνὸς*. & ille quidem tractus Meroënsis, hic uero dici à nobis Syenensis potest. In tercio, quod ab Alexandria dixeretur Alexandrinum, dies noctesq; maximæ illæ quidem sunt horarum xiiii. minimæ autem decem. In quarto, quod Rhodium est uocatum, ad horas has xiiii, accedit horæ unius dimidium, rursusq; tantundem demitur è decem. Quintum, quod Romanum dicitur, habet dies noctesq; ubi productissimæ sunt horarum xv, ubi subductissimæ nouem tantum. Sextum, quod agnominatum est Helleponticum, addit ad horas has horæ alterius dimidium, ac tantundem demit de nouem. Septimum Borysthenicum, habet horarum xvi. tum dies tum noctes ubi ad summum excreuere: at ubi quò decrescant



amplius non habent horarū VIII. Quidam addidere octauū, idq; Rhiphæū, à Rhiphæis montibus: quinetiam quidam Hyperboreū uocauere. Hoc in tractu maxime frigido, & ab æquinoctiali linea quam remotissimo, quo propius ad uerticem septentrionis accesseris, eo amplius augescunt sub æstatem dies, sub hyemem noctes: siquidem comperum est ad horas x x i accedere. Hactenus totidem Pontanus uerbis.

*Diei diuifio.* His ita de dierum longitudine ac breuitate cōmemoratis, de eorundem differentiis copiosius aliquanto agamus, si seorsum ab his quæ suprā dicta sunt, aliqua de eorum partibus prius afferamus, ut res tota planius constet. Diuiditur autem in quadrantem, qui est diei quarta pars, ut dictum est, hoc est, horæ sex: uel in horas x x i i i. de quib. paulò pōst agemus. Hora uero in puncta quatuor. Punctum uero quarta pars horæ. Momentū est decima pars puncti à motu siderum: uel est, ut Isidorus scribit, extremitas horæ in breuibus interuallis, cum sol aliquid sibi cedit atq; succedit. Dicitur & momen. Vncia duodecima est pars momenti. Atomus x l v i i. uncia pars. Sed hæc à mathematicis: nos ciuiles potius afferamus, quandò de his apud auctores crebrior est mētio. Igitur Numa Rex, ut scribit Macrobius, sicut in menses annū, ita in dies mensē quēq; distribuit: diesq; omnes



omnes aut festos, aut profestos, aut interci-  
 sos uocauit. Festi dies deis sunt dicati, profe-  
 sti hominibus, ob administrandam rem pri-  
 uatam publicamq; concessi: dicti, ut Festus  
 ait, quod procul à religione numinis diuini.  
 Vnde profestum facere, est tanquam profa-  
 num facere: uel, ut quidam dixere, pro eo fa-  
 cere uelut feriæ non sint: aut id facere quod  
 ferijs fieri non liceret. Itaq; diem profestum,  
 diem sine ferijs. Intercisi deorū hominumq;  
 cōmunes sunt. Festis insunt sacrificia, epulæ,  
 ludi, feriæ. Profestis fasti, comitiales, compe-  
 rendini, stati, præliares. Intercisi, ut Varro  
 ait, dies sunt, per quos mane & uesperis est ne-  
 fas: medio tempore, inter hostiam cæsam &  
 extra proiecta, uel porrecta, ut alij legunt, fas  
 est. à quo quod fastum intercedit, intercisi:  
 aut quod intercæsum nefas. Hi uero, ut Ma-  
 crobius ait, nō alia ratione diuiduntur: nam  
 illorum dierum quibusdam horis fas est ius  
 dicere. Cum enim hostia cædebatur, fari ne-  
 fas erat, inter cæsa & porrecta fari licebat,  
 rursus cum adolebatur nō licebat. Hinc exit  
 illud prouerbialiter à Cicerone dictū ad At-  
 ticū: Ne quid inter cæsa & porrecta, ut aiunt,  
 oneris mihi addatur, aut temporis. Signifi-  
 cat enim, ne quid temporis ei prorogetur in  
 prouincia: à sacrificandi scilicet consuetudi-  
 ne sumptum. Varro lib. 2. de ling. lat. Nam fla-  
 men, inquit, dialis auspicatur uindemiā, ut

*Intercisi dies.*

*Prouerb.*



iussit uinū legere agna Ioui facit, inter cuius  
 exta caesa & porrecta flamen uinum prorsus  
 legit. Qui hoc ab auspiciorū ritu sumptū au-  
 tumant, ipsi uiderint. Sed id etiā moris in qui-  
 busdam diebus apud nos Christianos serua-  
 tur, ut scilicet dum sacra hostia celebratur,  
 ius tacet, reliquum diei ius dicitur. Iuricon-  
 sulti sanē quidam dies intercisos scribūt eos-  
 dem esse qui & diffissi in iure dicuntur, cuius  
 nominis ratio à Seruio Grammatico lib. 6.  
 Aeneid. hęc colligit: ait enim, diem illum dif-  
 fissum in iure dici, qui partim religiosus, par-  
 tim fastus est. Meminit & Varro in libris de  
 ling. lat. si sanē legatur, ubi de intercisis agit:  
 Dies, inquit, qui uocatur sic quando rex co-  
 mitiauit, fissus dictus ab eo, quod eo die rex  
 sacrificulus dicat ad comitium, ad quod tem-  
 pus est nefas, ab eo fas. Hinc & diem diffin-  
 dere dicere solebant, pro eo quod est differre  
 iudicium. Cum enim negociū aliquod uel iu-  
 dicium expediendum esset, quod ob religio-  
 nem legitimā uel aliā causam differre oport-  
 rebat, dies diffindebatur, id est, scindebatur,  
 uel differebat. Ulpianus: Et ideo lex, inquit,  
 XII. tab. si iudex uel alteruter ex litigatorib.  
 morbo fontico impediatur, iubet diem iudi-  
 cij esse diffissum. Gell. lib. 14. de se iudice ele-  
 cto agēs: Nequaquā, inquit, adduci potui ad  
 absoluendū: iussi igit diem diffindi, atq; inde  
 à subsellijs pergo ire ad Phauorinū. Meminit

& Li-



& Liuius lib. ab urb. cōd. ix. Atq; ei legem curiatam de imperio ferenti triste omen diem diffidit. Aldina tamen exemplaria, diem definit, habent. Alia, diem diffudit. Sedem & Horat. lib. serm. 2. nihil diffindere possum, ait, id est, nihil differre, uel rem producere, quin pronunciet. A diffidendo in hoc significatu, diffissionē quoq; dixit Gell. eodē quo suprà loco: Atq; in rerū, inquit, diffissionib. compendinationibusq;, & alijs quibusdam legitimis rebus. Et hoc quidē modo Politian. asserit se legisse, cum in Pisanis nō amplius illis, sed Florentinis Pandectis, tum in Gellij peruetustis codicib. Quod & doctis. hodie Andreas Alciatus LL. & Iuris Doctor. Contra hos tamē, nimio (ut uidet) studio Italæ cōtra dicendi nationi, intrepidē Budæus legendū asserit, diffusum diem, & diffundere dicē. Sed de hoc satis, ne nimium dicam: & propterea de festis & profestis nō nihil proferamus. Sacra erat celebritas, uel cum sacrificia deis offeriebant, uel cum deis diuinis epulationibus celebrabatur: uel cum ludi in honorē deorū agebant, uel cum feriæ obseruabant. Feriæ autem dictæ, ait Macrobius, ab epulis ferendis: in ijs enim epulæ fiebant ex pecorum frugumq; prouentib. Alij à uerbo fari, ferias dictas putāt, qua in resyllaba cōsentit. Festus à feriēdis uictimis appellatas scribit ferias. Feriarū uero publicarū quatuor genera fuerūt.

*Dies festi ac  
profesti.*



*Statiuæ feriæ.* Aut enim statuæ, aut conceptiuæ, aut imperatiuæ, aut nundinæ fuerunt. Statuæ quidē erant uniuerſi populi cōmunes, certis & conſtitutis diebus & mēſibus, & in faſtis ſtatisq; obſervationibus annotatæ: in quibus præcipuē ſeruabantur agonalia, carmentalia, lupercalia. *Conceptiuæ.* Conceptiuæ uero ſeruantur, ut Feſtus & Macrobius ſcribunt, quæ quotannis à magiſtratibus uel ſacerdotibus concipiebantur in certos dies, uel etiam incertos, ut ſunt Lating, ſementinæ, paganalia, hoc eſt, compitalia. *Imperatiuæ.* Imperatiuæ erant quas Conſules & Prætores pro arbitrio poteſtatis indicabant, ut hoc tempore à Pontificibus & Regibus. *Nundinæ.* Nundinæ paganorum, id eſt, ruſticorum erant, quoties conueniebant qui negotijs proprijs uel mercibus prouiſuri erant. Erant præterea & familiarum feriæ propriæ, ut Claudiæ familiæ, Iulig, Corneliæ, & ſi quas ferias propriè quæq; familia ex uſu domesticæ celebritatis obſeruabat, ut Leonis & Clementis tēpore Medicæ familiæ, quæ Coſmæ diem, hoc eſt v. calen. Octob. feriatū ſumma religione colebat. Erant & ſingulorū, ut dierum natalium, quæ & hodie à nonnullis obſeruantur, ut, quoad uixere, Picus & Manardus, quorum utriuſq; libenter quoad uixero meminero. Fuere item fulgurū expiationes, funerum & nuptiarum. Priuatę quidem feriæ, teſte Feſto, hæ dicebantur: ita enim ille ſcribit:



scribit: Priuatę ferię uocantur sacrorum propriorum, uelut dies natales operatione de-  
nicales. Apud ueteres quoq; quicunq; nomi-  
nasset, ut ait Macrobius, Semonam, Seiam, Se-  
getiam, Tutulinam, ferias obseruabat. Item  
Flaminica quoties tonitrua audisset feriata  
erat, donec deos placasset. Sacerdotes porrò  
affirmabant ferias pollui, quoties ijs indictis  
conceptisq; opus aliquod fieret. Pręterea nō  
licebat sacrorum regem & flamines uidere  
ferijs opus fieri. Atq; ideo per pręconem de-  
nunciabant, ne quid tale ageretur, & pręce-  
pti negligens mulctabatur. Pręter mulctam  
etiam affirmabant, eum qui talibus dieb. im-  
prudens aliquid egisset, porco piaculum da-  
re debere, prudentem expiare non posse Scę-  
uola pontifex asseuerabat. Sed Varro negat  
eum pollui, qui opus uel ad deos pertinens,  
sacrorumue causa fecisset, uel aliquid ad ur-  
gentem uitę utilitatem respiciens actitasset.  
Scęuola deniq; consultus quid ferijs agi lice-  
ret, respondit, id quod prętermissum noce-  
ret: quapropter si bos in specus decidisset,  
eumq; paterfamiliās adhibitis operis libe-  
rasset, nō est uisus ferias polluisse: nec ille qui  
trabem tecti fractam fulciendo ab imminen-  
ti uindicauit ruina. Vnde & Vergilius, utpo-  
te omnium disciplinarū & rituum peritus,  
sciēs lauari ouem, aut lanę purgandę, aut sca-  
biei curandę gratia, pronunciauit, tunc ouem



per ferias licere mersari, si id remedij causa fieret. ita enim cecinit:

*Balantumq; gregem fluuio mersare salubri.*

quippe adijciendo salubri, ostendit auertendi morbi gratia tantummodo, non etiam o lucrum purgandæ lang causa fieri cōcessum quod & Columella, & Seruius cum Macro bio diligenter obseruarunt. Hæc de festis, & qui ab eis nascuntur, qui & nefasti uocātur, per quos, ait Varro, nefas fari prætorem, Do, dico, addico: & à Varrone Sex. Pompeius, Ouidiusq;. Nunc de profestis, & qui ex es prodeunt non nihil dicendum, hoc est, de fastis, comitialibus, comperendinis, statis & præliaribus. Fasti sunt quibus prætori licet sine piaculo fari, quæ tria uerba modo dicebam, Do, dico, addico. Illud par est hoc loco admonere, & fastos etiam dici libros in quibus festa & profesta & nefasta continentur, qualia sunt quæ hodie usitata uoce calendaria uocamus, quomodo Ouidius fastos suos appellauit. Hos Flauionem publicasse testis est Cicero, Macrobius, & alij. Hos & fastus, quartæ scilicet inflexionis dicimus, & grammatici obseruant. Fastis diebus cōtrarij sunt nefasti, per N literam, ut ait Festus, notati, id quod adhuc est uidere in fastis antiquorum. Hos & nefandos uocatos ait Priscianus, à Græcis ἀνοσφάδης eodem autore dictos, quorum apud autores crebra mentio: quibus & festiue



festiuè Lucianus hominem moribus ferum,  
 corpore non integrum, mollem, periurum,  
 uitij inquinatū omnibus, abominandum,  
 dici posse ait similem. Hinc & senarius ille  
 grecus, *ἀνθρώπος ἀποφράς, καὶ βλέπων ἀπιστίαν.* hoc  
 est, homo nefastus, & tuens quid perfidum.  
 Hos eosdem dies Plutarchus & *ἀπαράνους* di-  
 xit. Hinc & Suidas eos non conuenire ad a-  
 ctiones ait, hoc est, *αἱ πρὸς πράξεις ἀνεπίηδοι.*  
 uel dies sunt, inquit, quib. defunctis libami-  
 na deferuntur. Sanè Attici septem dies *ἀπο-  
 φράδας* custodiebant, quibus Manibus infe-  
 rias peragebant. Dies quoq; quibus rei capi-  
 tis damnabantur, uel insigni aliqua calami-  
 tate funesti, eodem nomine dicti. Sunt & qui  
*ἱερὰς* nuncupent. Hi & à nostris religio-  
 si dies dicuntur, de quibus Gellius lib. quar-  
 to Noct. Att. in his rem diuinam facere, &  
 rem quampiam nouam exordiri temperan-  
 dum esse ait. Hoc uulgus perperam nefa-  
 stos appellat. Hinc dies Alliensis religiosus  
 dictus à Marco Tullio in epist. ad Atticum.  
 Macrobius lib. Sat. iij. Religiosi, inquit, dies  
 sunt, qui facienda & uitanda discernunt. Sa-  
 cri uero dies sacrati sunt. Fortunatianus li-  
 bro rhet. tertio, religiosos sacris oppone-  
 re uidetur. Festus religiosos dies ait, quibus  
 nisi quod necesse est nefas habet facere, qua-  
 les, inquit, sunt sex & triginta atri qui appel-  
 lantur, & Alliensis, atq; ij quib. mūdus patet,



qui ter in anno patere dicebatur, ut in Calendario docebimus. Plutarchus in Camilli uita disputat, cum in mentionem incidisset horum dierum ἀνοφράδιον, an iure inter dies aliqui habendi sint boni, maliue. Heraclitum quoque philosophum ait Hesiodum accusare, qui bonas malasque nonnullas fecerit, ac si non teneret totius diei naturam unam esse: nonnullasque historias tam Græcas quam Romanas eo loci commemorat, quibus Hesiodi sententiam ipse comprobare uidetur, quod scilicet aliqui infasti sint dies & religiosi, id est, ἀνοφράδις. Nec hoc in Camillo tantum, sed & in alijs locis idem scriptor ostendit. Erant & dies comitiales, quibus cum populo agi licebat. Et fastis quidem lege agi poterat, cum populo non poterat. Hos dies ingeniosus poeta in Fastis ita complexus est:

*Ne tamen ignores uariorum iura dierum,*

*Non habet officium lucifer omnis idem.*

*Ille nefastus erit, per quem tria uerba silentur:*

*Fastus erit per quem lege licebit agi.*

*Nec toto perstare die sua iura putaris,*

*Qui iam fastus erit mane nefastus erat.*

*Nam simul exta deo data sunt licet omnia fari,*

*Verbaque honoratus libera prætor habet.*

*Est quoque quo populum ius est includere septis,*

*Est quoque qui nono semper ab orbe redit.*

*Comitiales dies antiqui per C literam notabant, ut est uidere in fastis antiquorum. Præter hos*



ter hos fuerunt & comperendines, quib. uadimonium licebat dicere. Erant & statī, qui *Stati dies.* iudicij causa cum peregrino instituebantur: uel ut Festus scribit, Status, inquit, dies uocatur, qui iudicij causa præstitutus est cum peregrino: eius em̄ generis ab antiquis hostes appellabantur, quòd erant pari iure cum populo Ro. Atq; hostire ponebatur pro æquare. Plautus in Gurgul. de stato die meminit: Status condictus cum hoste intercessit dies. quo loco hostē Plautus more uetere peregrinū significat. Erant & dies qui pandiculares *Pandiculares.* dicerent, ijdem qui & cōmunicarij, in quib. *Communicarij.* omnibus deis cōmuniter sacrificare consueuerant, ut est notatū apud Festum. Præliares *Præliares.* ab iustis, ait Macrobius, non segregauerim: siquidem, inquit, iusti sunt continui xxx. dies, quib. exercitui imperato uexillum ruffi coloris in arce ponebatur. quod idem penē Festus. Vocātur etiā iusti dies integri, quemadmodum iustum exercitum, iustum uolumen &c. ut erat lex illa Romanis: Aeris confessi, rebusq; iure iudicatis xxx. dies iusti sunt. Sex. Cæcilius Iureconsultus apud Gellium lib. 20. cap. 1. Confessi æris ac debiti iudicatis triginta dies sunt dati conquirendæ pecuniæ causa, quam dissoluerent, eosq; dies decem uiri iustos appellarunt. & alia quæ subdit idem Gellius. Præliares autē omnes dies, quibus fas est repetere, uel hostem laceffere.



Nam cum Latiar, hoc est, Latinarū solenne concipitur, item diebus Saturnaliorū, sed & cum mundus patet, nefas est prælium sumere: quare nec Latiar tēpore quo publicè quōdam induciæ inter pop. Ro. Latinosq; firmatę sunt, inchoari bellum decebat: nec Saturni festo, qui sine ullo tumultu bellico creditur imperasse: nec patente mundo, quod sacrum Diti patri & Proserpinæ dicatū fuit: satiusq; occlusa Plutonis fauce eundum ad prælium putauerunt. Vnde & M. Varro ita scriptum reliquit: Mundus cum patet, deorum tristiū atq; inferūm quasi ianua patet: propterea nō modo prēlium cōmitti, uerumetiam delectū rei militaris causā habere, ac militem profici sci, nauem soluere, uxorem liberūm quærendorum causā ducere religiosum. Vitabant etiam ferijs, sicut idem Varro in augurum libris scripsit in hæc uerba: Viros uocare ferijs non oportet: si uocauit piaculum esto. Scien dum est tamē, eligendi ad pugnandum diem tunc fuisse licentiam si ipsi inferrent bellum: at cum exciperent, nullum obstitisse diem. Quis enim obseruationi locus, cum eligendi facultas nō supersit. Dies præterea postri duanos ad omnia Romani cauendos putarunt, quos etiam atros infausta appellatione damnarunt: & hoc in primo Fastorum poëta cum de Calendis, Nonis & Idibus egisset, ita describit:

*Omnibus istis*

*Ne*



*Ne fallare caue, proximus ater erit.*

*Omen ab euentu est, illis nam Roma diebus*

*Damna sub aduerso tristia Marte tulit.*

Idem & T. Liuius lib. 6. ab urb. cōd. & longū extat Plutarchi problema. Verrius uero Flaccus lib. de uerb. sig. apud Gell. lib. 5. Dies, inquit, qui sunt postridie Calendas, Nonas & Idus, quos uulgus imperitē nefastos dicit, propter hanc causam dictos habitosq; atros esse scribit. Lege Gelliū. Marcellus, atri dies, inquit, dicunt, quos nunc nefastos uel posteros uocāt. Aphranius fratribus: Septēbris heri Calendę, hodie atri dies. Posterī, inquit Festus, Nonarū, Iduū, & Calēdarū dies nuptiis alieni habent, quoniā hi dies decreto pontificū atri iudicati sunt, qđ quotiescūq; Romani duces belli gerendi gratia his dieb. supplicauerunt, male remp. gessere. Meminit horū dierū D. Ambrosius, eos Christianos redarguens qui eos obseruaret. Sed quid uetat, ut cum de atris Romanorū dixerimus, etiā hoc loco afferamus, cur albi, lāti & fausti à Græcis & Latinis dicant? Scribit in Periclis uita Plutar. cum Athenienses bellū cōtra Samios haberent, Periclē Samiorū urbē obsedisse, qđ cūctatione ac mora q̄ nece hominū urbē capere mallet. Eius rei cū iam milites tēdere cōepisset, nec propterea Pericles eos satis quietos haberet, in partes octo exercitū omnē diuisit, remq; ad sortes traduxit, ut cui alba faba



forte obueneret, epularetur atque in ocio esset, ceteris pugnantibus. Idcirco dicitur (ait Plutarchus) posteros dum uoluptatibus ac genio operam darent, album illum diem ab alba faba nuncupare solitos. Haecenus ferè Plutarchus. Alij hunc morem ex Thraciæ instituto emanasse tradunt, ut Plin. lib. 7. Vana, inquit, mortalitas & ad circumscribendam se ipsam ingeniosa, computat more Thraciæ gentis, quæ calculos colore distinctos pro experimento cuiusque diei in urnam condit, ac summo die separatos dinumerat, atque ita de unoquoque pronunciat. Quem morem secutus, epigramma memini me exordiri ad B. Ferrinum in natalem eius filioli:

*Threicio Ferrine dies signanda lapillo,*

*Mascula qua proles te facit esse patrem.*

Horatius tamen hunc morem Cretenesium fuisse innuit eo carmine:

*Cressa nec careat pulchra dies nota.*

Nisi quis Thressa, pro Cressa, malit apud Horatium legere. Ad hanc consuetudinem poetæ sepe alludunt, ut Persius:

*Hunc Macrine diem numera meliore lapillo,*

*Qui tibi labentes apponit candidus annos.*

Quo loco probus Grammaticus, seu Cornutus, hanc planè consuetudinem describit, & Cretenesium fuisse ait, quo modo & apud Horatium Acron & Porphyryon. Sed ad institutum iam redeo, de postridianis diebus,  
de quibus



de quibus Plutarchus in Romanis quæstionibus: Quid est, inquit, quod postridie Calendas, Nonas et Idus nequaquam exire, nec peregrè proficisci Romani cōsuevere? Quo loco inter cætera negat propter Alliensem diem postridianos dies uocari, aliamq; libentius ipse amplectit̃ opinionem. Vide igit̃, inquit, ne quæadmodū Olympijs deis ac cœlestibus primū mensem cōsecrarūt, secundū uero chthonijs & inferis, in quo purgationib. utebantur, & mortuis parētabant, sic & dies alios quidē quasi autores ac principes, tres scilicet, festos & sacros posuerunt, Calendas, Nonas, Idus: eos autē qui deinceps sequuntur deis manibus attributos, nefandos ac religiosos habendos existimauerunt: nam & Græci primum mensis diem deis sacratū habebant, eum uero qui sequebatur heroib. ac dæmonib. attribuerunt. Secundū quoq; cratera heroib. & semideis libare solebant. Tum etiam idem subiungit quædam de numerorum ratione. Vnitatem enim in primis ait diuinitatis quiddam & numinis habere: & quidem omnem imparem terminatum esse, & terminare perfectumq; esse: contrā parem numerum & indigentē esse imperfectumq; ac indefinitum. Alia his quædam adiungit, quæ mihi satius uisum est prætermittere, quàm plura inculcare, & ad eas rationes deuenire, quæ à Latinis autoribus afferuntur:

M



Igitur Gell. annaliū lib. 15. & Cassius Hemi-  
na hist. libro secundo referunt, anno ab urbe  
condita c c c l x i i i. à Tribunis militum  
Manlio & Posthumio collegisq; eorum in  
senatu tractatum, quid esset, propter quod  
toties intra paucos annos malè esset afflicta  
respublica: & ex præcepto patrum Lucium  
Aquinium haruspitem in senatum uenire  
iussum religionum requirendarum gratia,  
dixisse, Q. Sulpitium Trib. militū ad Alliam  
aduersum Gallos pugnaturū, rem diuinam  
dimicandi gratia fecisse postridie Idus Quin-  
tileis. Item apud Cremerā, multisq; alijs tem-  
poribus & locis, post sacrificium die postero  
celebratum, malè celsisse cōflictum. Tunc pa-  
tres iussisse, ut ad collegium Pontificū de his  
religionibus referretur: pōtificatesq; statuisset,  
postero die omnes Calendas, Nonas, Idus,  
atros habendos, ut nō dies neq; præliares, ne-  
que puri, neq; comitiales essent. F. Max. Ser-  
uilius Pont. in lib. 12. negabat oportere a-  
tro die parentare, quia tunc quoq; Ianum Io-  
uemq; præfari necesse esset, quos nominari  
atro die non oporteret. Sunt uero qui atros  
eos esse perperam existiment, qui ab obserua-  
trice eiusmodi rerum prouincia Aegyptiāci  
dicti sunt, de quib. paulò post agemus. Eos-  
dem tamen atros nonnulli communes, ue-  
lut ad emendationem nominis, ut ait Ma-  
crobius, uocitarunt. Præterea ante diem  
quar-



quartum Calendas, uel Nonas, uel Idus, tanquam inauspicatum diem plerique omnes uitabant. Quidam in Cannensem cladem referebant, idque ex Q. Claudij libro quinto annalium adstruere tentabant, qui scribit ante quartum Nonas Sextiles, Cannensem cladem factam fuisse. Sed Varro nihil ad rem militarem pertinere ait, utrum fastus uel nefastus sit dies, sed hoc ad priuatas solum actiones respicere. Dubitatum etiam apud antiquos, an nundinarum dies inter ferias essent referendi nec ne: cuius rei cum uarię sint sententię, breuibus eas hic colligere libuit. Titus de ferijs scribens, Nundinas inter ferias non retulit, tantum solennes uocauit. Iul. Modestus affirmat, Messala augure consulente pontifices, an nundinarum Romanarum dies ferijs tenerentur, respondisse eos, nundinas sibi ferias non uideri. Trebatius libro primo religionum ait, nundinis magistratum posse manumittere, iudiciaque adijcere. Contra hos Iulius Cęsar 16. auspiciorum libro negat nundinis concionem aduocari posse, id est, cum populo agi: ideoque nundinis Romanorum haberi comitia non posse. Corn. autem Labeo libro primo fast. nundinas ferias esse pronunciauit. Sex. Pomp. Nundinas, ait, feriarum diem esse uoluerunt antiqui, quod rustici mercandi uendendi que gratia in urbem conuenirent: cumque nefastum, ne si liceret

*Nundinarum dies  
an inter ferias nu-  
meratus.*



cum populo agi interpellarentur nundinatores. Causa uero huius ueritatis apud Gracium Licinianum lib. 2. inuenitur: ait enim nundinas Iouis ferias esse, siquidem Flaminica omnibus nundinis in regia Ioui arietē solita sit immolare: sed lege Hortensia effectū ut fastæ essent, uti rustici, qui nundinādi causa in urbem ueniebant, lites componerent: nefasto enim die prætori, ut diximus, fari nō licebat. Ergo qui ferias dixerunt à mendacio uendicantur patrociniū uetustatis: qui contrā sentiunt, æstimatu ætatis, quæ legem secuta est, uera deprompserunt. Plutarch. in quaestionibus, nundinas ait Saturno cōsecratas, quod scilicet is deus emendi ac uendendi copia fructuum principium attulit. Nundinarum uero originem quidam Romulo assignant, quem cōmunicato regno cum T. Tatius, sacrificijs & sodalitatibus institutis, nundinas quoq; adiecisse ferunt, sicut Tuditanus affirmat. Sed Cassius Seruium Tullium nundinas instituisse ait. Geminus uero scribit, nundinarum diem regibus iam exactis celebrari cœptum esse, quia pleriq; de plebe repetita Seruii Tullij memoria, ei nundinis parentarent: cui sententiæ & M. Varro consentit. Rutilius autem Romanos nundinas instituisse scribit, ut octo quidem diebus in agris rustici opus facerent, nono uero die intermisso rure ad mercatum legesq; accipiendas Romā



Romam uenirent, & ut scita atq; cōsulta frequentiore populo referrentur, quæ trinundino die proposita, à singulis atq; uniuersis facile noscerentur. Vnde & mos tractus, ut leges trinūdino die promulgarentur. quem morem cum probè non teneret quī Dionysium transtulit Halicarnassecum Lapsus, pro trinundino & nundinis lib. 7. hist. sic latine uertit, de Mutio agens: Post hæc, inquit, tempus præscribitur ad apparatus defensionis usq; ad forum tertium: fiebant enim tunc Romanis, ut nunc quoq; fiunt, fora in dies nonos: quidam cōuenientes ex agris in urbem plebei permutationes faciebant rerum uenaliū, & inter se iudicia accipiebant, & de publicis quorū erant ex lege domini, & quæ permetteret ipsis senatus ferentes calculos ea fanciebāt. Dies uero septem medios inter fora, coloni iidem multi & pauperes in agris morabantur. & reliqua. Hoc loco libentius græca apposuissē uerba, sed non mihi præstō est nunc exemplaris græci copia. Deceptum uero interpretem putarim, quod græcè ἀγορὰ legeret, quæ dictio Græcis diuersa significat, inter quæ & forū & nundinas. Nam & Plutarchum uidemus cum alibi, tum in eo loco causarum capitum rerum Romanarū eadem dictione usum, Cum testes, ait, huius rei sunt τὸ τὰς ἀγομείνας δι' ἐννία ἡμερῶν ἐπ' ἀγορὰν σωδῆους, νοῦνδίνας δὲ καλουμένας, ἱερὰς τοῦ κρένου



*reusidat*, hoc est: Conuentus singulis nouem diebus celebrati in forum, nundinæ uocati, quæ Saturno sacra putantur. Porro quod in nonis diebus nundinæ agerentur, indicio etiam nunc extant antiqua quædam diuersis in locis reperta fragmenta fastorum, ex quibus umbram saltem colligimus octo dierum: nam menses ita prænotatos habent literis, ut adusque H perueniant, quæ est octaua litera, quomodo & nunc ex ritu Christiano usque ad septimam, hoc est G, ut diximus, notamus. Sed his missis ad nostra redeo. Et hunc trinundini morem adumbratè quidem & quoquo modo hodie seruari uidemus, cum trino præconio quid publicè, uel à principe, uel à Republica promulgatur. Trinundinum autem dicimus, & trinundinum, & tertias nundinas: nam nundinæ & nundinum rectè dicimus. Verum hæc notiora. Eadem etiamnum ratione antè iam dicta, candidatis in petitionibus usus fuit in comitium nundinis uenire, & in colle consistere, unde coram possent ab uniuersis uideri. Verum hæc omnia negligentius haberi cœpta, & post abolita, postquam trinundino etiam ob multitudinem plebis frequentes adesse cœperunt. Dictæ aut sunt nundinæ quasi nouendinæ, à numero scilicet nouem & dies. Alij à Nundina Romanorum dea, quæ à nono die nascentium dicta est, ut Macro-



Macrobius scribit, qui dies lustricus nuncupatur, quo scilicet infantes lustrantur, & nomen accipiunt: quod & Pomp. Festus testatur, Sed lustricus dies marib. nonus fuit, fœminis octauus. Cur uero id Romani facerent pluribus explicat Plutarchus in quaestionibus: ait enim ideo citius fœminas lustrari, quod citius quàm mas fœmina adolescat: ideoq; septimum prætermissum, quod obseruatum sit eum diem perniciosum esse infantibus, ea præsertim causa, quod illis umbilicus sæpe resoluitur. Sed & aliam in numerorum potestatem retulit. Tum & illud subiungit, fœminas duobus, mares uero tribus nominibus uti consueuisse apud Romanos: quod idem in Marij uita in exordio statim repetit, etsi quosdam uel caruisse tertio, uel ignotum potius fuisse uideamus, ut C. Marium, & Q. Sertorium. Qua ratione Possidonium aliter sentientem reprehensione dignum existimauit idem ipse Plutarchus. Verum de Romanorum nominibus res notior est, quàm ut ego pluribus hic comprobem, ab alijs pridem ante me tractatam. Sanè, ne institutum deseram, diem qui post quintum Iduum esset, quinquatrus uocabatur, qualis dies Mineræ dicatus. Simili modo & triatrus, & sexatrus, & septimatrus, & decimatrus, de quibus Pompeius Festus. Porro fue-



*Aegyptiaci dies.*

runt dies quidam in mense etiã apud Romanos qui *μητρωαγγει* uocati sunt, quorum meminit Suidas, qui eos etiam ait prius à Phrygi-  
bus fuisse obseruatos: quales tamen, & quot fuerint, hæcenus uel ex ipso, uel ex alio cognoscere haud memini: si tamen coniecturæ locus detur, Deum matri sacros fuisse putarim, hoc est, Megalesia uel Matronalia seu Matralia. Fuerunt & apud Græcos Datyli seu Datylli (utrunq; enim legimus) dies felices ac fortunati, à Datylo quopiã, cui apud Athenienses omnia felicia ac prospera contrigere, ut res usq; sit in prouerbiū deducta. Sunt præterea & duo dies in mense quolibet, qui Aegyptiaci uocati sunt, quorum & paulo antè meminimus, quos & uariè relatos inuenio: quidam enim inauspicatos eos esse dicunt, alij contrà: ego de his nihil statuo: quæ ab astrologis, & nostris quibusdam scripta comperi duntaxat refero, nō ueritatis, sed curiositatis gratia, ne lectorem hac in re fraudasse uideri possim, quem saltem rerum uarietate, si non facundia ac lepore, mulcere cupio. Lectorem tamē admonitum uelim, dies hos pietati ac religioni parum conuenire, ut monet Ambrosius, utcunq; ergo hi sunt ab Aegyptijs instituti & appellati, hoc est, à superstitiosissima natione. Sunt uero hi in singulis mensib. duo. In Ianuario quidem KL. & viii. KL. Febr. In Februario pridie nonarum,



rum, & IIII. KL. Mart. In Martio KL. & V. KL. Aprilis. In Aprili IIII. Iduū, & XII. KL. Maij. In Maio V. Nonas, & pridie KL. Iunias. In Iunio IIII. Iduū, & XV. KL. Iulias. In Iulio III. Iduū & VI. KL. Augusti. In Augusto KL. & IX. KL. Septembris. In Septembri III. Nonas & XI. KL. Octobris. In Octobri V. Nonas & XI. KL. Nouembris. In Nouembri Nonæ & IIII. KL. Decēbris. In Decembri VII. Id. & XI. KL. Ianuarij. Quorū omnium dierum rationē concludere possumus duobus his uersibus:

*Augusto decies auditus lumine clangor*

*Liquit, olens, abiit, coluit, colet, excute gallum.*

Horum uersuum singularum dictionum primarum & secundarum syllabarū literas desume, & quota prior fuerit in literarum numero, cum mensis numerum accipe: alterius uero syllabæ eundem à fine numerum. Exemplum propono ultimi mensis, hoc est, Decēbris, cui hæc dictio, *gallum*, deseruit. Prima litera est G. quæ septima est in numero literarum: ergo VII. Decembris dies est Aegyptiaca. Secundæ porro syllabæ litera L est, quæ X est in ordine, quoniā H nō est litera, sed afflatus nota: igitur XXII, quæ decima est à fine eiusdem mensis, altera dies erit Aegyptiaca. Et de his adhuc satis. His ita à me percursis, aliam rursus mensis diuisionē afferamus, quam & uulgus & nostra obseruat ecclesia,

*Aegyptiacos inter  
niendi dies ratio.*



*Septimana.*

*Sabbatum unde dictum.*

illumq; in quatuor hebdomadibus & alterius parte diducamus. Hebdomada seu hebdomas græcè, latinè uulgò septimana uocatur: ab Hebræis uero, à quibus fluxisse uidetur, sabbaton: unde & ipsi Iudæi sabbatarij dicti. Cum enim, Mose teste, sex dierum spacio Deus omnia condidisset, septimum quietis ocijq; diem esse uoluit, hoc est, sabbatum seruari præcepit. Appion uero sabbatum nō à quiete, id est, σαββατῶν, sed à σαββῶν, hoc est lie-ne, denominatū putat. Nam cum Iudæi, inquit, labore fessi essent eo ipso die, & splenis dolore correpti, sabbaton ipsum diem uocauere, à sabbo, hoc est, splene. Iustinus tamē ex Trogo lib. 36. & Corn. Tacitus lib. 21. à Mose uolunt institutum sabbatum, & sabbati ieiunium. Lege utriusq; historias, uidebis quā uariā à nostris prodant. De hoc autē Iudæorum in sabbato ieiunio, ante Iustinum & Tacitum, & Strabo ita fermè scriptum reliquit, Pompeium Magnū Hierosolyma cepisse seruato ieiunij die, dum ij ab omni opere abstinerēt. Sueto. præterea hæc Augusti uerba de hoc eodem ieiunio affert: Ne Iudæus quidē, ait, mi Tyberi tam diligenter sabbatis ieiuniū seruat, quā ego hodie seruauī. Notior uero est Diogenis grammatici, ut puto, Iudæi, qui cum sabbatis Rhodi solitus esset disputare, extra ordinem accedentē Tyberium per seruulum in septimū diem distulit: mox cum imperium



rium Tyberius adeptus esset, Diogenes Romanam ipsum salutandi gratia accessit: quē pro forib. astantē cum Tyberius uidisset, nihil amplius, q̄ ut post septimū annū rediret, admonuit, argutē admodū referiēs sabbati dilationem. Sed ut ad propositā rem redeā, & hebdomada ipsa sabbatū uocata est: nam Hebræi & primores Christianorū dicere cōsueuerunt, primā sabbati, secundā, tertiā, quartā, quintā & sextā sabbati, quæ & græcē *παρασκαυή*, id est, præparatio dicit: septima autē propriē est sabbatū. De hac hebdomada ita Isidor. Hebdomada, inquit, à numero septē dierū dicta est, quorū repetitione & mēses, & anni, & secula peragunt. Cēsorinus q̄q; de septenario agēs: Septenario, inquit, quo rota humana finit, ut Solō scribit, & Iudæi in dierū omniū numeris sequunt. & reliqua. Porro & sabbatū omnē celebritatē significare græcus Doctor scribit, *σάββατον γὰρ πᾶσαν ἐστὶν ἐνάδου*. quo loco inquit, cur Euāg. dixerit, *ὁ ψι σαββάτων*, nō autē *σαββάτου*. Verū de sabbato satis. Arabes nostros & Iudæos sequūt in hebdomada, ut qui per septē diēs & ipsi mēses numerēt: primūq; diē dominicū cōstituūt, incipiētes ab occasu solis dici sabbati, atq; ita deinceps, qd eorum tradūt scriptores, barbarē licet. Græci quoq; hebdomade utunt, appellantq; primā, uel secundā, uel tertiā &c. uel ut nos, Solis, Lunæ, Martis, & reliqua, ut Theodor. Gaza scribit,



cui tamē quæ ab Hebræis desumpta sunt dierum nomina non satis placent, ut sabbatum & *παρασάβη*. At uero gentes, quos nunc uulgus sequitur, à septē stellis uagis, hoc est, planetis, nuncupauere: id quod & Indos fecisse his uerbis libro 3. Philostratus in Apolloniū uita significat: Scribit, inquit, Damis Hiar-  
cham septem annulos Apollonio dedisse, stellarum septem nominibus cognominatos, quorum singulos diebus singulis gestabat Apollonius, iuxta dierū nomina illos distinguens. Eadem repetit & ridet Eusebius Pamphili. Hoc uero planè ordine constare uidemus. Primā igitur gentiles diem Solis, dein Lunæ, tum Martis, post Mercurij, inde Iouis, mox Veneris, demum Saturni constituerunt. Idque ea ratione factū quidam arbitrantur, quod scilicet à Sole spiritum gētes se haurire putabant, à Luna uero corpus sumere, à Marte feruorem, ut Bedas de rerū nat. scribit, uel ut Isidorus, sanguinem: à Mercurio uerba & sapientiam, ab Ioue temperantiam, uoluptatem à Venere, perseuerantiam ac tarditatem à Saturno, ut Bedas idem ait, ut uero Isidorus, humorem. Et à Sole quidem, qui in medio errantium stellarū est positus, totū mundum spiritus instar calefieri, & quasi uiuificari uidetur. A Luna autem, propter humoris ministerium, cunctis incrementum corporib. suggeri. A Marte, utpote qui Soli proximus,



ximus, uis & robur, quod calore ipse simul et natura sit feruidus. A Mercurio, quoniā perpetuò circa Solem discurrens ueluti inexhausta sapiētiæ luce radiare putatur: unde & Stilbon dictus ab Ioue, quod Saturni frigore & Martis feruore hinc inde temperatur. A Venere, quod luminis uenustate, quam habere à Solis uicinitate putatur, spectantes mortales allicit atq; afficit. A Saturno demū, quod tardior cæteris sit, perseverantiam cunctationemq;. Sunt qui Aegyptios fuisse uelint qui diebus ipsis hebdomadū hanc errantiū stellarum nomina indiderint, ut Philastrius, qui Hermetē Trismegistū, ut paulò pòst docebimus, fuisse scribit. Dion & Bedas Aegyptios quidem fuisse scribunt, sed Hermetem non nominant. Id uero hac ratione factum, sol quòd maximum sit luminare, luna quòd minus est, & secundum dein ordinata quadam serie & alterna, hoc est, tertio diei primā à sole stellā nomen tertio dedisse, hoc est Marti: quarto diei primam à Luna, hoc est Mercurio: quinto secundam à Sole, id est, Ioui: sexto secundam à Luna, hoc est, Veneri: septimo tertiā à Sole, id est, Saturno attribuerunt. Alij à planetis ipsos quidem dictos, sed ex uī & potestate numerorū: qua de re, mirū quantum laborat noster Egnatius in quadam iuuenili sua, ut puto, racematione. Alij nonnulli ea ratione autumant, quod cuiusq; diei pri



ma hora ei numini attribuat, cum omnes  
diei XII. horæ, medietatibus, ut ipsi dicunt,  
planetarū adscribantur, ac regnare quodam-  
modo uideant. Sanè Dion historicus Bithy-  
nus lib. hist. 7. atq; 30. hac eadē de re ita pro-  
pèmodum scribit, Politiano in Miscellaneis  
interprete: Nam quod his, inquit, septem stel-  
lis qui planetes uocantur, dies assignari rece-  
ptum est, inuentū quidem putatur Aegyptio-  
rum: sed in omnes tamen homines haud ita  
pridem, ut sic dixerim, uulgari cœptum. Cete-  
rum Græci ueteres, quantum equidē sciam,  
nullo prorsus eam rem pacto cognitam ha-  
buerunt. Quoniā uero cum nationib. alijs,  
tum Romanis uel maxime, sic mos peruul-  
gatus hic est, ut quasi iam patrius uideatur,  
pauca super his edisseram, & quo pacto, quā-  
ue causa sic ordinent exponam. Duplex igitur  
audita mihi ratio est, utraq; sanè haud in-  
tellectu difficilis, sed ut ambæ tamen inspe-  
ctionem contineant. Nam si quis harmo-  
niam, quæ diatessaron appellatur, qua una  
uis uniuersa musicæ totius contineri credi-  
tur, ad stellas has, quibus omnis cœli orna-  
tus distinguitur, eodem quo feruntur ordi-  
ne retulerit, atq; ab orbe illo supremo, qui Sa-  
turno tribuitur, incipiens, omisissis duob. se-  
quentibus, quarti deniq; dominum nuncu-  
pauerit, ac deinde duos alios transfiliens, se-  
ptimum adiecerit, eodemq; modo progred-  
diens



diens præfides illorū deos subinde in orbem  
 recensuerit, atq; ita dies adnumerauerit, de-  
 prehendet omnes ratione quadam musica,  
 cum cœlesti illa distinctione ornatuq; con-  
 gruere. Cæterum hæc una est quæ fertur ra-  
 tio, altera uero eiusmodi est. Si diei noctisq;  
 horas à prima statim cœperis numerare, sic  
 ut primam Saturno, dein sequentē Ioui, ter-  
 tiam Marti, quartam Soli, quintam Veneri,  
 sextam Mercurio, septimam Lunæ tribuas,  
 per eam scilicet orbium seriem quæ ab Aegy-  
 ptijs traditur, atq; item denuò facias, donec  
 horas quatuor & uiginti pertranseas, inue-  
 nies primam sequentis diei horam soli cohæ-  
 rentem: tum hoc idem in quatuor illis & ui-  
 ginti horis eadē qua prius ratione si facias,  
 Lunam primā tertij diei horam conciliabis.  
 quod si subinde hoc ipsum in cæteris obser-  
 uabis, congruentē planē deum sibi dies qui-  
 libet asciuerit. Hæc quidem Dion, cuius de-  
 scriptionem, ut planius quiuīs etiam ē plebe  
 percipiat, exemplo declarabimus. Primæ do-  
 minici diei horæ Sol dominat, Venus secun-  
 dæ, Mercurius tertix, Luna quartæ, Satur-  
 nus quintæ, Iupiter sextæ, Mars septimæ.  
 Iterum quoq; Sol dominatur octauæ, atque  
 deinceps, ita quod xv & xxii Iuppiter,  
 Venus uero xxxiii dominabitur, Mercu-  
 rius xxxiiii, Luna xxv, quæ hora est pri-  
 ma insequētis diei, ergo Luna dominabitur



principio diei insequentis. Atq; pari modo, iuxta eandem calculi rationem VIII. horæ, & XV. & XXII. Vigesima uero tertia Saturnus, & Iuppiter XXIII, tum Mars uigesima quinta, hoc est, primæ horæ sequētis diei. Atq; ita Mars ei diei præerit, tum simili modo ac uia de reliquis septimanæ diebus. Sanè Philastrius Brixienſis episcopus nō spernenda eruditionis præful, cuius & honorificè in epistolis ab Augustino facta est mentio, in eo quem de hæresibus libro scripsit, eam quoq; hæresin habendam esse Christianis hominibus putauit, quæ, ut uerbis illius agam, dicit nomina dierum Solis, Lunæ, Martis, Mercurij, Iouis, Veneris & Saturni à Deo hæc ita posita ab origine mundi, non hominum uana præsumptione nuncupata, cum à prima origine usq; ad Græcos reges & Hermen fallacissimum illum, qui hæc nomina uanissima & friuola mentiendò ausus est nuncupare, si quærere uolueris inuenies multum fluxisse temporis, & sic paganos, id est, Græcos, hæc nomina posuisse, cum hæc nomina etiam secundum septem stellas dixerint hominū generatione consistere, ut ille ipse delirans hoc definit. Dierum enim numerus, primus, secundus, tertius, quartus, quintus, sextus, septimus à Deo est appellatus, non in hac uanitate nūcupationis turpissimæ initio enunciatus aut traditus. Hucusq; Philastrius. Nec illud



illud præterea hoc loco non annotauerim, certos mensis dies certis numinibus dicatos habuisse gentiles (præter planetas, qui hebdomadæ dieb. dedere nomina, ut ostensum est) id quod ex autoribus didicimus, in primisq; Hesiodo *ἡμέρας*, cuius rei & suprâ meminimus, cum de nefastis ageremus. Hesiodum Vergilius, sed parcius, secutus est, & alij: sed manifestius hoc Dionysius Halicarnasseus ostendit, dum dat præcepta orationis natalitiæ, ubi inter cætera ait: Sin autem dies natalis septimus aut sextus fuerit, sacros hos dies deisq; dicatos esse, & communitatem etiam quandam cum deis immortalib. habere, oportunitate natiuitatis, propterea, ut ego quidem putauerim, quod in hoc Apollo, id est, in VII. in illo, id est, VI. Diana nata est. De nono die præterea subdit: Dicere possis nonum Soli consecratum esse, & paulò post: Sin autem, inquit, XV. sit dies, hanc etiam ad Mineruam referre queas. Hæc ille. Porro diuidere hebdomadas per ferias, ut Christiana usa est ecclesia, Nicephorus in quapiam oratione, & post eum Politianus Constantinum Magnum Imperatorem instituisse prodiderunt. Bedas uero uir multæ lectionis ac diligentia, id Syluestro Pontifici Romano attribuit, quem ideo ferias uocasse ait ad gentiliū feriarum similitudinem: nam cum feriis minus liceret seruilis opera exercere, sic Chris-

N



stianis uni Deo immortalis uacare. Prima ergo feria dies est Dominicus, id est, *uenerandus*, iam tum à primis illis ecclesiæ proceribus institutus & nuncupatus, ut in Apocalypsi testis est Io. Theologus. Et tum deinceps secunda feria, tertia, quarta, quinta, sexta, & septima, quam sabbatum Syluester uocauit. Dominicus igitur & sabbatum dies à nostris frequenti sermone usurpantur, posthabitis primæ & septimæ feriæ nominibus, ut nouum & uetus testamentum per eos dies à nobis profiteri innuamus. Porro antiqui & ipsos septem hebdomadæ dies primis Abecedarij literis notare cōsueuerunt, ut uel pueris palam est, quo modo in antiquis nonis quibusque diebus factitasse, octo literarum figuris, non multo antè scripsimus, nundinarum diem significantes. Sanè in toto anno insunt duæ & quinquaginta hebdomadæ, & diei unius septima, ut Vectius Valens tradit, nostri licet quidam integram diem putent, nisi cum annus est intercalaris: nam in eo uel duæ septimæ, uel dies potius superant. Hactenus de dierum hebdomadibus, quas & Medici peritiores alia ab hac nostra ratione obseruant. Quare & Cicero ad Tyronem: Symphoniam, inquit, Lyſionis uelim uitasses, ne in quartam hebdomadam incideres. Certè & ipsi Medici à diebus quibus ægrotus malè habere incepit, obseruāt, quos & propterea, quoniam de ægrotis iudicant,



cant, *ημερίμους* & *ημετήκους* uocant, nostri iudiciales & decretorios : de quib. Hippocrates, & post eum Galenus copiosius : à quo, licet nonnihil diuersi ac dissidentes sint, Manardus & Fracastorius nuper differuere, hic libello peculiari, ille, id est Manardus, paulò antequàm decederet subtilioris disputationis epistola : quorū utriusq; libenter memini : ab altero enim plurimū amabar, alterū propter eius elegantia plurimi facio. Sunt & in uita hominū annorū hebdomades, de quib. Censorinus multa, & Philon hebræus, qui ambo ex Solonis elegia ea de re egerunt : quam ego elegiam, à me ex græco in latinum cōuersam, in dialogis de poëtis retuli. Sed & hac de re D. Ambrosius in quadam epistola ad Orontianum, si non uersus Solonis, rem tamen totam suis uerbis explicat : quin & Hippocratem eadem de re adducit. Ab annorum certè hebdomadib. & climacterici anni deducti, à superstitiosis potius quàm ueris philosophis : septimū enim quenq; annū per omnī uita periculosum, & uelut crisimon esse definiūt, climactericonq; uocari, hoc est, scalarē. Sed ex ijs alijs alios difficiliore Genethliaci ac Mathematici esse statuerūt : & inter eos aliqui, eos potissimū quos ternæ hebdomades cōficiunt, putant obseruādos, hoc est, unum & uiginti, & XLII. & deinde LXIII. postremo LXXXIII. in quo Staseas harum rerum



doctissimus, uitę terminum defixit. Alij autę non pauci, unum omnium difficillimum climactera prodidere, annum uidelicet unum dequingagesimum, quem complent anni septies septeni: ad quam opinionę plurimorum consensus, ait Censorinus, inclinat: nam quadrati numeri potentissimi ab omnib. dicuntur. Deniq; Plato ille (uenia cęterorũ philosophorũ) sanctissimus quadrato numero annorum uitam humanam consummari putauit, scilicet nouenario, qui complet annos xci. Fuerunt etiam qui utrunq; reciperent numerũ, unum dequingaginta & xci, & minorem nocturnis genesibus, maiorę diurnis adscriberēt. Pleriq; aliter moti duos istos numeros subtiliter discreuere, dicentes septenarium ad corpus, nouenarium ad animum pertinere: illum Apollini & medicinę corporis tributum, hunc Musis, quia morbos animi, quos appellant *πάθη*, musica lenire ac sanare consueuerit. Itaq; primum climactera annum xlix esse prodiderunt, ultimum autem xci, medium uero ex utroq; permixtũ anno lxiii, quem numerum hebdomades nouem, uel septem *ἑβδομάδης* conficiunt. Ad quos nos annos respicientes olim pro Thebaldei nostri climacterico ita in epigrammate cecinimus:

*Lætus ut euadat minitanti tempora fati,  
Quę nouies actus septimus annus agit.*

Hunc



Hunc autem annum licet quidam periculo-  
fissimum dicāt, quod ad corpus & animum  
pertineat, Censorinus tamen, ut Cerellio suo  
blandiatur, non ducit cæteris infirmio-  
rem: nam utrunq; quidem supradictum, ait, conti-  
net numerum, sed neutrum quadratum: &  
ut est ab utroq; non alienus, ita in neutro po-  
tens: nec multos sanè, quos uetustas claro no-  
mine celebrat, hic annus absumpsit, nisi Ari-  
storelem Stagiritem & M. Tullium, illum sto-  
machi infirmitas, & crebræ morbidi corpo-  
ris offensiones, hunc uolenta M. Antoni  
proscriptio. Hunc autem annum climacteri-  
cum, Aegyptij Androdan nuncupāt, de quo  
Iulius Firmicus: Inter cæteros, inquit, diame-  
tros hoc maximè obseruandum est, quod se-  
pteni anni & noueni per omne uitæ tempus  
multiplicata ratione currentes, naturali qua-  
dam & latenti ratione uarijs homines peri-  
culorum discriminibus semper afficiunt: un-  
de & L X I I I. annus, quia utriusque numeri  
summam pariter excipit, Androdas appella-  
tus est, nouies enim septē anni L X I I I. fiunt:  
& rursus septies nouē simili modo anni fiunt  
L X I I I. quia itaq; utriusq; numeri cursus in  
hoc anni æquata ratione concurrir, grande  
semper periculi discrimen imponit. Si enim  
septeni & noueni anni, qui hebdomatici à  
Græcis & enneatici appellantur, graui sem-  
per hominibus inducunt pericula, quid an-



nus faciet sexagesimustertius, qui utriusque numeri multiplicatam & inuicem sibi obligatam perficit summam. Hac igitur ex causa Androdas ab Aegyptijs dictus est, quod omnem uitæ substantiam frangat atque debilitet. Hucusq; Firmicus. Sed omnē hanc scansionis anni rationem, etsi, ut æquum est, ridet ut inconstantem, Vectius tamen Valens Antiochenus mathematicus, in libris quos Antilogias inscripsit, pluribus est executus. Augustus Cæsar apud Gellium epistola Caio filio gratulatur, quod climaëtericum LXIII, euasisset. Climaëterici meminit & Plinius in epistola ad Caluissium, & item Gellius libro tertio, quo loco Varronis libros commemorat, qui Hebdomades inscribebantur. Est & apud Sidonium Apollinarem mentio, libro octauo epistolarum. Sanè & in sacra scriptura annalium hebdomadam mentio, & præcipuè à propheta Daniele: de quibus hebdomadib. antiqui Christiani plura, Origenes, Africanus, Clemens, Tertullianus, Eusebius & Hieronymus, sed & Bedas in lib. de rerum nat. quo loco LXXII. illas explicat à Daniele uaticinatas: & nouissimè P. Galatinus cōtra Hebræos id inficientes easdem est interpretatus. Cōstabat & ex septem hebdomadib. eorundē Hebræorū annus Iobeus, ut docuimus. Atq; hætenus & de dieb. & hebdomadibus: reliquū est, ut & horas describamus.

Cum



Cum de horis sim acturus altius aliquāto repetam, & in primis oblectationis causā fabulosa quædā adscribā. Horas Homerus ait cœli portis præesse, curamq; habere ut modò serenum, modò nubilum sit: à quibus uideri possunt quatuor illa anni tempora horæ appellata nō Græcis modò, sed & Latinis. Horatius de Ioue: Varijsq; mundum Temperat horis. Has Hesiodus ex Ioue & Themide natus cecinit, & harum nomina Eurynome, ab æquali distributione: Dice, ab iustitia: Irene, à pace dicta. Horis templa constructa à gentibus fuisse, legimus apud Pausaniā. Olen uero uates antiquissimus, ab horis Iunonem enutritā suis carminib. prodidit. P. Ouidius noster lib. Metamorph. 2. horas solis assecclas cum alijs temporis partib. facit: ita enim ait:

*A dextra læuaq; dies, & mensis, & annus,*

*Seculaq; & positæ spacijs æqualibus horæ.*

Horas igitur Plato ἀπὸ τοῦ ὀπίσθεν dictas uoluit, quod scilicet horæ tēpora terminent. At Macrobius horas appellatas ait, quod horus sol dicat, à quo horæ. Marius uero Victorinus Trismegistū ait, cum esset in Aegypto sacrum quoddam animal Serapidi dicatū, & in toto die duodecies urinam fecisset, pari semper interposito tempore, per x i i. horas diem dimensum esse, coniecisse, & exinde hunc horarū numerū emanasse, atq; ideo horæ dictæ ab urina, hoc est, οὐρῶς. Horus tamen Apollo,



seu Philippus potius, in Aegyptiorum hieroglyphicis ait utrunq; æquinoctium per Cynocephalum sedentem significari, quod uidelicet id animal in utroque æquinoctij die, duodecies, hoc est, per horas singulas meiat, idq; itidem noctib. iisdem agar. Hinc, inquit, in hydrologijs sedentē Cynocephalum Aegyptij effingere cōsueuerunt, qui ueluti mingens aquā hydrologij effundat. Sunt & qui tradant, eundem Cynocephalum nō modò meiere, sed & in singulas horas, hoc est, duodecies latrare. Scribit Philelphus animaduersum in Aegypto, quo tempore sacrificium faciendum esset, uictimam immolandam quater & uiceties æqualibus inter se spatijs minxisse, & inde horas nomen accepisse ab ὥρος, quod idem sit quod οὐρος. Alij horas ita inuentas tradūt. Cœli, aiunt, quadraturam in partes duodecim pro ratione musica diuidi, & inde horarum manasse rationem, & aquam quæ ex tenuissīma cauerna difflebat, cum per totum diem excepissent, hanc in duodecim partes diuiserunt, ex quibus horis nomen impositum, atque inde etiam uasis ipsis quibus horas dimetiebantur, clepsydræ & hydrologia nuncupata. Horarum uero duo sunt genera, æquinoctiales, quæ & æquidiales, ut æquinoctium, æquidiale, teste Festo, à Græcis dictæ ἰσομετρικαί, & temporales quæ ab eisdem κατεργαὶ ὥραι, quas uulgares à nostris dictas



Etas uidemus : de quibus ab Astrologis, in-  
 primis Ptolemæo & Theone, alijs. Et hæ  
 quidem modò longiores, modò breuiores,  
 pro terrarum & urbium situ & cæli positio-  
 ne, uel cōsuetudine, de quibus nonnihil iam  
 prodidimus, cum paulo antè de dierū ac no-  
 ctium longitudine & breuitate ageremus.  
 Cum igitur in ciuili & artificiali die sex signa  
 oriantur, & sex itidem nocte, consequens est  
 dies singulos horas duodecim naturales seu  
 inæquales continere, & noctes totidē, quo-  
 modo antiqui etiam Romani in primis usi  
 sunt. Et idcirco inanis eorū est dubitatio in  
 epistola Seruij Sulpitij lib. 4. Famil. qui ne-  
 sciunt quo pacto ad calendas Iunias noctis  
 hora decima dicatur, ubi agitur de nece M.  
 Marcelli, ignorantes æquè noctes ut dies di-  
 uidi in horas duodecim, iuxta quam consue-  
 tudinem palàm est Christum in Euangelio  
 locutum: Nōne duodecim sunt horæ diei?  
 & M. Crassum, cum ad Parthicam expeditio-  
 nem proficiscens apud Deiotarū regem, qui  
 senior cum esset nouam urbem moliebat, di-  
 uertisset, Quid hoc, inquit, rei ô Deiotare,  
 duodecima tibi iam instat hora, & nouā ni-  
 hilominus urbem ædificare pergis? Cui Rex  
 non minus false: Nec tu, inquit, Imperator sa-  
 tis matutinus in Parthos moues. Sed nos scō  
 mata mittamus. Est ergo, ut diximus, hora  
 duplex, altera *ισομερής*, id est, æquinoctialis,



siue ut uulgò dicitur, horologi, quæ & naturalis diei pars est  $\text{xxiiii}$ , quæ in puncta  $\text{iiii}$  &  $\text{xl}$ . momenta, uel ut passim astrologi loquuntur, in minutias uel minuta  $\text{lx}$  diuiditur: & hæ horæ ubiq; gentium æquales sunt. Altera est *neguina*, hoc est, temporalis & uulgaris seu ciuilis, quæ est  $\text{xii}$  pars diei artificialis, & noctis simili modo. At quoniã dies artificiales nō semper sunt æquales, imò quotidie & indies inæquales, uel crescendo, uel decrecendo, sequitur eadem ratione horas uel longiores die crescente, uel breuiores die decrecente fieri: unde & apud autores frequenter est legere horas æstiuas pro longioribus, quas & solstitiales Viētruius uocauit: item brumales seu hybernas pro breuioribus & contractioribus: atq; eadem ratione horas noctis diurnis contrarias, ut cum cecinit Vergilius:

*Iam nox hybernas bis quinq; peregerat horas.*

Sicut enim breuissimæ diurnæ sunt horæ brumæ, hoc est, hyberni solstitij, ita longissimæ nocturnæ, & contrā æstiuæ horæ solstitij. Præterea quoniam singuli planetæ singulis horis dominari & præesse ab Astrologis dicuntur, & mortalia, ut aiunt, disponere, ideo planetarū, hoc est, errantium stellarū horæ, quæ ab eis planetariæ uocantur, constitutæ sunt: de quibus nos nihil amplius, suis enim eas mittimus obseruatorib. Horarum uero  
nomen



nomen apud Romanos diu ignoratum est: ccc enim & eo amplius annis, sine his fuisse Censorinus scribit, & Censorino prius Plin. nam nusquā in xii tabul. horas nominatas tradūt, ut in alijs postea legib. lectū est. Apud Aegyptios tamē & Græcos id nomē fuisse, horologiorū ratio uerisimile facit. Sanē quomodo respondeant horæ æquinoctiales ciuilib. ex dierū uel noctiū auctione uel decretione, facile ratione mathematica colligit. Ciuiles enim, id est, cericæ bruma & hyberno solstitio tertia parte minores quā æquinoctiales interdū esse patet: æstiuo uero solstitio tertia parte maiores productioresq: & quod sequens est, uincunt hybernas duab. quartis, siue, quod idem est, dimidio: id quod & Vergiliū significasse autumant, cum ait;

*An'ne nouum tardis fidus te mensibus addas?*

hoc est, Iunio & Iulio, quib. mensib. horæ longissimæ sunt diurnæ. Ad hoc idem etiā poëta respexit, cum in Bucol. lusit: *Sæpe ego longos*

*Cantando puerum memini me condere soles.*

Hinc & mordax ille Catulli in Gelliū lepos:

*— Et cum te octaua quiete*

*E molli longa suscitatur hora die.*

Et Iuuenalis:

*Exul ab octaua Marius bibit.*

Et sic locutus est Plautus, Pedianus, & rei rusticæ scriptores aliij. Sunt igitur uerno tempore sole Arietē, autumno Libram ingrediente,



æquinoctiales horæ, id est, pares. Legitur in quarto lib. epigrammatum Val. Martialis ad Euphemum dapum structorem Domitiani, ut creditur, epigramma, in quo agit de unaquaq; hora, quid Romæ fieri mos esset: super quo adeò multa ad hanc diē nō modo grammatici scripsere, sed & Medici & Iureconsulti, ut plura me pudeat in præsentia afferre, cū & per se notum sit: tantum illud ipsum adscribam:

*Prima salutantes, atq; altera continet hora.*

*Exercet raucos tertia caufidicos.*

*In quintam uarios extendit Roma labores:*

*Sexta quies lasiss, septima finis erit.*

*Sufficit in non. am nitidis octaua palæstris.*

*Imperat extructos frangere nona toros.*

*Hora libellorum decima est Eupheme meorum.*

*Temperat ambrosias cum tua cura dapes,*

*Et bonus ætherio laxatur nectare Cæsar,*

*Ingentiq; tenet pocula parca manu,*

*Tunc admitte iocos: gressu timet ire licenti*

*Ad matutinum nostra Thalia Iouem.*

Vides ex his uersibus ad sextam usq; horam negocijs operā dare Romanos solitos, tum reliquas ad decimam usq;, curationi corporis & uitæ: qua de re extat etiam apud Græcos incerti autoris distichon, hoc ipsum qd obscurè significat:

*Ἐξ ὧραι μοχθοῖς ἰκανώταται, αἱ δὲ μετ' αὐτὰς*

*Γράμμασι δεικνύμεναι ῥῆθι λέγουσι βροτοῖς.*

Cognosce



Cognosce græcam argutiam, quæ latinè nō satis commodè exprimi potest: ut cuncq̃ tamē uertere tentabo:

*Sufficit in sextam labor horam, deinde sequentes,*

*Vt uiuas, numeri litera, ῥηι, monet.*

Hoc carmen ita Max. Planudes exponit: Ad sextam, inquit, diei horam operari & laborare decet, post hanc ad cibū procedere, quod etiam manifestatur per notas & literas horologi. Nam si græcas literas, quæ septimam, octauam, nonam & decimam horam significant, hoc est, ρ, η, θ, ι, coniungas, uerbum ῥηι exprimis, quod uiue significat latinè, ac si dicat, edas ut uiuas, hoc est, ut ille ait, φαγε ἵνα ῥῃς. Vel id potius innuit, ad sextam usque horam laborandum, quæ & propterea melior diei pars esse uidetur. Vnde & Paulus Iu reconsultus lib. 1. ad edictum scribit, cuiusq̃ diei maior pars horarū est septem, primariū diei nō supremarum. quæ uerba & leguntur in Pandect. titulo de uerb. & rerum sig. Iuxta hanc sententiam & quidam Vergilianū illud esse existimant:

*Nunc adeo melior quoniam pars acta diei est.*

Porro horæ uocabulum apud autores plura significat: nam & annus in quatuor horas diuiditur, id est, tempora, ut iam diximus, unde & ὥραι anni ab Aegyptijs, qui trimestres erant. Item & ὥραι annales, à quibus ἀπογράφου ἐπιγράφοι scriptores, qui & historiographi. Non-



nunquam etiam hora pro eo tempore accipitur quo quid est in proprio uigore, & consistendi ui, ut Suidas alijq; docent, à qua & τὸ ὥραιον, teste Galeno, fructum uocamus maturum, & suo tempore lectum. Hora quoque uidetur apud Græcos pulchritudinem interdum significare: hinc ὥραίος, formosus & pulcher: & ὥραιότης, decor & forma. Hora item apud Latinos fuit iuuentutis dea, & Quirini uxor dicta, de qua Ennius poëta illo uersu:

Teq; Quirine pater ueneror, Horamq; Quirini.

Plura Ouidius in Metamorph. Horas etiam aliquando positas est inuenire pro ipsa cœli inclinatione & dispositione, quod dicitur: ut si dicamus Italiam uergere ad sextam horam, hoc est, ad meridiem, & ad primam horam brumalem, hoc est, ad hybernium orientem, quo modo locutum Plinium uidemus, cum de Italia agens ita ait in tertio: Incedit, inquit, per maria, cœli regione ad meridiem quidem: sed si quis diligenti subtilitate id exigat, inter sextam horam primamq; brumalem. Sed & ad hanc normā Claud. Ptolemæū uidemus, urbium, fluuiorum, regionū, aliorumq; locorum distantias ac spacia, segmentorum insuper, id est, parallelorum rationē ostendisse, quem mox & alij nonnulli secuti sunt, quam ob rem iam sat superq; de horis, nunc ad horologia me conuertam.

De horologijs igitur acturi, eorum prius  
uaria



uaria nomina & genera afferemus, tum de ratione nō nihil. Appellata sunt ea in primis apud ueteres solaria, & horaria, & horologia, & horographia: tum etiam quæ ex aquæ mensura fierent, clepsydræ, & hydrologia, sed & horoscopa uasa dicuntur à Plinio. Solarium, inquit Varro, dicunt in quo horæ in sole inspiciuntur. Huius est, teste Gellio, mentio apud Plautum in fabula Bœotia, ex parafiti esurientis persona:

*Vt illum dei perdant qui primus horas repperit,*

*Quiq; adeo primus statuit hic solarium,*

*Qui mihi comminuit misero articulatum diem.*

Inuenio & solariū apud duntaxat Iuriconsultos pro uectigali positū, qđ publico præstatur, ob soli publici occupationē. Sed idem quoq; in priuatis uidet. Vlpianus: Si quis in lapidicinis cadere uoluerit, nō aliter hoc faciat, nisi prius solitū solariū domino præstet. qđ Accurs. parū aduertens, salariū uel solatiū legit: qua in re Andr. Alciatus lynceus fuit. Dictū solariū in hoc sensu, ut uidet, à solo, illud à sole. Primus uero horologiū, quod ab horarū ratione appellatū est *σκιόγραφον*, Lacedæmone ostēdit Anaximenes Milesius Thaletis discipulus, ut scribit Plin. Phauorinus tamē, ut est apud Laërt. Diogenē, id Anaximandro adscribit, positūq; ab eo ait Lacedæmone *ἐπὶ σκιόγραφον*, qđ Ambros. interpretat, in loco captadæ umbræ idoneo, Herodor. lib. hist. 2.



Græcos ait à Babylonjs didicisse Gnomonem, hoc est, normam & umbilicum umbrarum, & partes duodecim diei. Sed in libris sacris regnorum quarto, longè antè apud Hebræos ipsum horologium positum ab Achazio rege inuenimus, quo tamen loco uariata legitur lectio: nam in Hebræo codice nullam horologiij mentionem, sed umbrarū eius inuenies: in Græco uero LXXII Interpretum, neutrius, sed graduum, hoc est, *αβαθμῶν*. In Latino autem qui ab Hieronymo à plerisque interpretatus creditur, fit & horologiij & umbrarum mentio, id quod & in Esaiæ prophetæ libro legimus, quo loco de eadem re ipsè etiam uerbis agitur, ubi plura Hieronymus, uideturq; ipse ex Symmacho ita legere uoluisse, ut passim in Latinis codicibus habet. Sedenim apud Romanos cuius fuerit inuentum parum constare Censorinus scribit: alij enim apud ædem Quirini primum statutum dicunt, alij in Capitolio, nonnulli ad ædem Dianæ in Auentino. Illud, inquit, satis constat, nullū in foro prius fuisse, quàm id quod M. Messala ex Sicilia aduectum ad Rostra in columna posuit, quod cum in climate Siciliæ descriptum esset, ad horas Romæ non cōueniebat: in ccc. em̄ stadijs, ut ait Plinius, aut, ut longissimè in d. solis umbræ mutantur. Quinimò Vitruuius Polio architecturæ lib. nono: Longè aliter, inquit, distant descriptio  
nes



nes horologiorum locorum mutationibus: umbrarū enim æquinoctialium magnitudinibus designant analematorū formæ, ex quibus perficiuntur ad rationē locorū umbræ gnomonum & horarum descriptiones.

Analemma autem est ratio conquisita solis cursu & umbræ crescentis à brumæ obseruatione inuenta, è qua per rationes architectonicas circiniq; descriptiones est inuētus effectus in mundo. Cum igitur Romæ non conueniret sciotericon Siciliæ, L. Philippus censor aliud iuxta constituit: deinde aliquanto post P. Cor. Nasica censor ex aqua fecit. Hæc ferè Censorinus. At uero Plin. lib. 7. Serius, inquit, horarum obseruatio Romæ contigit. XII tabulis ortus tantum & occasus nominatur, post aliquot annos adiectus est meridies, accenso, hoc est, cōsulis ministro & præcone id pronunciante, cum è curia inter Rostra & Græcostasin prospexisset solem talem. à columna ænea ad carcerem inclinato sidere supremam pronunciabat: sed hoc serenis tantum diebus usq; ad primum Punicum bellum. In his Plinij uerbis erratum esse uideatur, cum dicitur in XII tabulis ortum tantū & occasum nominari, & post aliquot annos meridiem adiectum: cum in XII ipsis tabulis hæc uerba legi comperiantur, quæ in rhetoricis ad Herenniū, cum de pacti formula præcepta tradunt, allata sunt: Rem ubi pa-

*Analemma.*

O



gunt, oratione pagunt in comitio, aut in foro. Ante meridiem causam conijcito. Item apud Gellium lib. 17. cap. 2. In XII autem tabulis uerbum hoc, inquit, ita scriptum est: Ante meridiem causam conscito. Quum perorant ambo praesentes, post meridiem praesenti litem addicito. Si ambo praesentes, sol occasus suprema tempestas esto. & haec quidem Gellius. In uerbis uero rhetoricorum ad Herennium notandum, pago uerbum sine n litera proferri, licet id nunquam lectum scribat in Vergilianis commentarijs Seruius. Illud quoque ex his ipsis tabularum uerbis colligimus, ante meridiem causidicorum horam fuisse, id quod etiam ex supra allato Martialis epigrammate liquido cognoscimus: ad quod alludens & hoc quoquo modo Iuuenal. scribit:

*Ipse dies pulchro distinguitur ordine rerum,*

*Sportula, deinde forum, iurisq; peritus Apollo.*

Sed redeundum ad horologii institutum. Primus Romanis solarium horologium statuisse ante XII annos quam cum Pyrrho bellatum est, ad aedem Quirini, L. Papyrius Cursor, cum eandem aedem dedicaret a patre suo uotam, a Fab. Vestali prodiit, qui neque facti horologii rationem, uel artificem significauit, nec unde translatum, aut apud quem scriptum id inueniret. M. Varro primum statutum in publico secundum Rostra in columna tradit bello Punico primo, a M. Val. Messala consule Catina capta  
in Si-



in Sicilia: deportatum inde post xxx annos quàm de Papyrij horologio tradit, anno urbis cccclxxvii. Nec congruebant ad horas eius lineæ. Paruerunt autē ei annis undecentum, donec Q. Mart. Philippus, qui cū L. Paulo fuit censor, diligentius ordinatū iuxta posuit: idq; munus inter cēforia opera gratissimē est acceptum. Etiamnū tamen nūbilo tempore incertæ fuere horæ usq; ad proximum lustrum, tunc Scipio Nasica collega Lanati, primus aqua diuisit horas æquē noctium ac dierum: id horologium sub tecto dicauit, anno urbis dxcv. Tandiu populo Romano indiscreta lux fuit. Et hæcenus ex Plinij uerbis. Scribit uero Viētruuius, Ctesibium Alexandrinum tonsoris filium, in patris tonstrina cum aliā, tum etiam horologium ex aqua statuisse: ubi multa de huiusmodi re ad hybernum horologiorum usum subiungit, inter quæ illa celebrat quæ Anapora dicta sunt, quorumq; conficiendorum rationem diligentissimē est persecutus. Illa quoq; Nicephori Gregoræ instrumenta, quibus ratio cognoscendarum horarum noctis ex stellarum cursu traditur, miranda uideri possunt: sed quoniā ad astrologorū potius quā ciuiliū hominū usum pertinent, missa facimus, autorē tantum innuimus, si cui fortē aliqūdo id desiderium inciderit. Sunt & qui horas à luna obseruent, idq; multiplici ratione,



Sed quanta maiore solertia ac arte ad hanc diē horologia excogitata uidemus, uel quæ puluisculis & harenulis, & his quidē uersicolorib. horas nobis metiunt: uel quæ columellis gnomicis, uel tabella pyxidēq; magnete incluso, distinctis lineis? Quō nō illa miracula referēda? Quæ hodie ex diuerso metallo cōfecta, uelut automata, sua sponte agunt, hæc dentatis supra infraq; rotulis, assiduē circum actis ponderib. quibusdā libratis, ad statimotus temperamentū conficiunt, in quib. non horas modo diurnas & nocturnas, sed & errantiū cœlestiumq; signorū ortus & occasus cōspiciunt: ut minus iam mirari suppetat Archimedis illa Græcis adeo Latinisq; scriptoribus cantatissima sphæra, Olibriq; aut Archytæ Boëtijq; Seuerini inuēta, quæ à Cassiodoro tradunt. Hæc, inquā, maiora horologia plerunq; turrib. imponunt, machinisq; quibusdam aptant, ut nō modò totis ipsis urbibus horæ, sed & ad multos persæpe lapides ex nolæ æreæ sonitu exaudiant. Mitto nunc minuta priuatæque horologia quæ passim fiunt. Ego in specilli oculari capulo Leonis x. Pont. horologiū mirabiliter horas ostentans sæpe conspexi, quo ille in uenationibus itineribusq; utebatur. Sed iam, ut puto, de horologijs satis. Nunc per dies singulos *μηνολόγιον* conficiam, id est, Calendarium,

Τέλος.



CALENDARIVM▶





NON alienum putavi, Illustriss. Princeps, si nostro huic de annis, mensibus, cæterisque, præterea adderem antiquos Romanorum fastos, id est, quod nos hoc tempore Calendariū dicimus: quod tanti temporū errores implicāt, alijs aliter apud alios ordinatis ac proditis, ut pleraque nec quo mense, nec quoto die, quibusue cōsulib. pontificibusq; instituta sint, in tanta uarietate & uetustate nō rerum modò, sed etiam auctorū, statuere & digerere possis. quoad eius tamē nos facere potuimus, hoc quaecunq; ad studiosorum utilitatem partim ex sex Fastorum Ouidij libris excerptum, & antiquis quibusdam marmorum fragmentis, partim ex uaria iugiq; nostra lectione confecimus: & Romanis græca adiunximus, Theod. Gaza imitati diligentiam, qui multo studio nifus est Atheniensium menses suis hominib. ostendere. Brevitati uero in primis ea de causa studuimus, tum quod ea est fastorum natura, tum quod ea pars, quæ maior esse uidebatur, de ortu & occasu, cæterisque siderum & cæli motibus, à nobis ea ratione est omissa, quod ea ab antiquis & recentioribus est diligentissimè pertractata. Exstat & græcus Claudij Ptolemæi liber hac ipsa de re, qui & latini rati est à Nic. Leonico donatus, ne tibi alios nunc astrologos cōmemorem. Certè & scriptores



ptores nonnulli, qui de rerust. & qui de archite-  
ctura, quiq; de re milit. præcepta tradidere, hoc  
ipsum effecerunt. Quin & Aërius, aliq; nonnulli  
insignes medici, quæ signa tempora & tempe-  
states indicant, id est, temporum prognostica,  
& quam ἐπισυνασία nuncupant, prodiderunt.  
Illud uero minimè quenquam mirari uelim,  
quod cum his Christianorum fastos nō adscri-  
pserim, cum tanta sit hoc tēpore inter nostros  
cōtrouerſia, qui status & uerus sit Paschatis &  
Passionis dominicæ dies: qua de re tot eruditi  
ad hanc diem fastos & calendaria uel correxe-  
re, uel de integro scripsere, ut inanis omnino &  
superuacaneus noster labor futurus esse uidere  
tur, præsertim cum tuæ nationis Gallicæ insi-  
gnes duo inter cæteros Ioan. Staffl. & Lucidus  
Samotheus, hanc omnem partem diligentissi-  
mè sunt executi. Tibi autem & hæc qualiacunq;  
Sereniss. Regina, eò libentius προσφωνοῦμεν, si mi-  
nus latinè licet, nuncupamus, quò te omni lite-  
rarum genere delectari intelleximus. Eò etiam  
insuper magis, ut hominis tibi addictissimi, &  
ut dicam, maximè obæcati, affectū seruitutemq;  
cognoscas. Simul quoq; cum apud te tot sint &  
uiuunt uiri doctissimi, eis ut nostras has  
nugas censendas castigandasq; tra-  
das. Vale meum & urbis præ-  
sidium, cuius Deus uo-  
tis aspiret.



# I A N V A R I V S.

A	1	Kl.	Ianuar.	Iani & Iunonis. Ioui et Aesculap.	
B	2	IIII	Non.	Dies ater. (in inf. Tyb. Ouid.	
C	3	III	Non.		
D	4	Prid.	Non.	Votū pro salute principis.	
E	5		Nonis.	Caius. Tacitus.	
F	6	VIII	Id.		
G	7	VII	Id.		
H	8	VI	Id.	Sacrificiū Iani. Vetus KL.	
A	9	V	Id.	Agonalia. Ouid.	
B	10	IIII	Id.	Media hyems. (in cāpo mart.	
C	11	III	Id.	Carmēta. Iuturnæ ædes dic.	
D	12	Prid.	Id.	Cōpitalia. Gell. & Macro.	
E	13		Idibus.	Ioui. Oclavius Augustus dictus,	
F	14	XIX	Kl.	Febr.	et provinciæ
G	15	XVIII	Kl.	Carmēta. Iuturnæ ædes dic.	in formā re-
H	16	XVII	Kl.	ta. & Porrimæ	da. Ovi.
A	17	XVI	Kl.	& Postuertæ.	& tibicines
B	18	XV	Kl.	Cōcordiæ tem-	habitu mulie
C	19	XIIII	Kl.	plum à Camil-	bri urbem lu
D	20	XIII	Kl.	lo positum.	strabāt. Plu.
E	21	XII	Kl.		
F	22	XI	Kl.		
G	23	X	Kl.		
H	24	IX	Kl.	Sementinæ feriæ. Ouid. Var-	
A	25	VIII	Kl.	ro. Fest. Macro. non statæ qui-	
B	26	VII	Kl.	dem, sed indi. Ovi.	
C	27	VI	Kl.	Castori et Polluci temp. ad	
D	28	V	Kl.	Iuturnæ stagnum.	
E	29	IIII	Kl.	Equiria in cāpo mart. V. K	
F	30	III	Kl.	Paci.	
G	31	Prid.	Kl.	Sacr. deis penat. Vet. Kl. qui	
				Patrij & Urbani dicuntur.	

Γ Α Μ Η Λ Ι Ω Ν.

- α Νουμηνία Γαμηλιῶνος. Gamelia Iunoni hoc mēse cele  
 β Δευτέρα ἱσαμένου. brabatur, unde et mensi nomē.  
 γ τρίτη ἱσαμένου. Tertia mensis Mineruæ sacra  
 δ τετάρτη ἱσαμένου. cuiusque. Paus.  
 ε πέμπτη ἱσαμένου.  
 ς ἑκτὴ ἱσαμένου.  
 ζ ἰβδόμη ἱσαμένου. Isidis ἀφίξις, id est, accessus. Plut.  
 η ὀγδόη ἱσαμένου. Octauus cuiusq; mensis dies Neptu  
 θ ἑννάτη ἱσαμένου. no sacer est apud Athenien, Plut.  
 ι Δεκάτη.  
 ια πρώτη ἐπὶ δέκα.  
 ιβ δευτέρα ἐπὶ δέκα.  
 ιγ τρίτη ἐπὶ δέκα.  
 ιδ τετάρτη ἐπὶ δέκα.  
 ιε πέμπτη ἐπὶ δέκα.  
 ις ἑκτὴ ἐπὶ δέκα.  
 ιζ ἰβδόμη ἐπὶ δέκα.  
 ιη ὀγδόη ἐπὶ δέκα.  
 ιθ ἑννάτη ἐπὶ δέκα.  
 κ εἰκὼς ἢ εἰκοστή.  
 κα ἐν δεκάτῃ φθίνοντος.  
 κβ δεκάτῃ φθίνοντος.  
 κγ ἑννάτῃ φθίνοντος.  
 κδ ὀγδόῃ φθίνοντος.  
 κε ἰβδόμῃ φθίνοντος.  
 κς ἑκτῇ φθίνοντος.  
 κζ πέμπτῃ φθίνοντος.  
 κη τετάρτῃ φθίνοντος.  
 κθ τρίτῃ φθίνοντος.  
 λ δευτέρα φθίνοντος.  
 λα ἑνὴ καὶ νία.



# FEBRUARIUS.

H	1	Kl.	Febr. Sospitæ templi dic. Lucaria.
A	2	IIII	Non. ab Asyli luco. Ovi. Fest. Item lo-
B	3	III	Non. ui sacr. de bidente.
C	4	Prid.	Non.
D	5	Nonis.	Aug. dictus p.p. Ouid.
E	6	VIII	Id.
F	7	VII	Id.
G	8	VI	Id.
H	9	V	Id.
A	10	IIII	Id.
B	11	III	Id.
C	12	Prid.	Id.
D	13	Idibus.	Fauni festū & Iouis. Fabio-
E	14	XVI	Kl. Martij. (rum cædes.
F	15	XV	Kl. Lupercalia. Plut. Ouid. Varr.
G	16	XIIII	Kl.
H	17	XIII	Kl.
A	18	XII	Kl. Quirinaliorū stultorum feriæ.
Fest. Ouid. Varro. Et Fornacalium indictio deæ Fornacali,			
quæ & Fornax dicta fuit, à quo indicta. Plin. Ouid. & D.			
Manib. sacra feralia. Deæ Mutæ.			
B	19	XI	Kl. Charistia. Val. Max. Ouid. id
C	20	X	Kl. est, sacra cognatorum. Vet. Kl.
D	21	IX	Kl. Terminalia. Ouid. Bedas uero
E	22	VIII	Kl. VII. cal. & regis fugiū. V. cal.
F	23	VII	Kl. Mart. cui cōuenit locus bissexti.
G	24	VI	Kl. Regisfugium. Ovi. Quidam
H	25	V	Kl. VI. Calen.
A	26	IIII	Kl. Equiria in campo Mart.
B	27	III	Kl. Varro. Fest. & Ouid.
C	28	Prid.	Kl. Tarquinij superati. Plut.

ΕΛΑΦΗΒΟΛΙΩΝ.

- α Νυμφοῖα ἐλαφηβολίων. Dianæ sacra fiebant, à cerviis  
 β Δουτέρα ἱσαμένους. elaphebolia nuncupata.  
 γ Τρίτη ἱσαμένους.  
 δ Τετάρτη ἱσαμένους.  
 ε Πέμπτη ἱσαμένους.  
 ς Ἑκτὴ ἱσαμένους.  
 ζ Ἰβδόμη ἱσαμένους.  
 η Ὀγδὴ ἱσαμένους.  
 θ Ἐννάτη ἱσαμένους.  
 ι Δεκάτη.  
 ια Πρώτη ἰδί δέκα.  
 ιβ Δουτέρα ἐπὶ δέκα.  
 ιγ Τρίτη ἰδί δέκα.  
 ιδ Τετάρτη ἐπὶ δέκα.  
 ιε Πέμπτη ἰδί δέκα.  
 ις Ἑκτὴ ἰδί δέκα.  
 ιζ Ἰβδόμη ἐπὶ δέκα.  
 ιη Ὀγδὴ ἰδί δέκα.  
 ιθ Ἐννάτη ἐπὶ δέκα.  
 κ Εἰκὼς ἢ εἰκοστή.  
 κα Ὀγδὴ φθίνοντος.  
 κβ Ἰβδόμη φθίνοντος.  
 κγ Ἑκτὴ φθίνοντος.  
 κδ Πέμπτη φθίνοντος.  
 κε Τετάρτη φθίνοντος.  
 κς Τρίτη φθίνοντος.  
 κζ Δουτέρα φθίνοντος.  
 κη Ἐννὰ καὶ νῆα.



# M A R T I V S.

D	1	Kl.	Mart. Matronarum dies festus. Fest.
E	2	vi	Non. Porph. Seru. Ouid. Matronalia.
F	3	v	Non. Iunonis Lucinæ. Martis. Ancylis
G	4	iiii	Non. rû festû. nec nubere bonû quousq;
H	5	iii	Non. cõdatur. Porph. aliã causã adfert
A	6	Prid. Non.	August. põt. max. Sacr. Ve-
B	7	Nonis.	Veionis tẽplũ (stæ. Ouid.
C	8	viii	Id. ad duos lucos Asyli. Oui.
D	9	vii	Id.
E	10	vi	Id.
F	11	v	Id.
G	12	iiii	Id. Equiria altera apud Tybe-
H	13	iii	Id. rim, uł si aquis increuerit
A	14	Prid.	Id. in Cœlio mõte. Oui. Fest.
B	15	Idibus.	Anne Perẽnæ. Parricidiũ. i. cæ
C	16	xvii	Kl. April. (des C. Cæs. Pli. et Suet.
D	17	xvi	Kl. Liberalia, Varro. quo die uirilẽ
			togã pueri ingenui sumebãt. Oui. Agonia Varro.
E	18	xv	Kl.
F	19	xiiii	Kl. Quinquatria. Mineruæ nata-
			lis, & Minerual magistris soluebatur.
G	20	xiii	Kl. Quinquatria.
H	21	xii	Kl. Quinq. Primus dies seculi, quidã
A	22	xi	Kl. Quinquat. (viii. Bedas.
B	23	x	Kl. Quinquatr. Tubilustrũ. sacro-
C	24	ix	Kl. rum tubæ lustrantur. Varro.
D	25	viii	Kl. Hilaria, Matris deũ festã. Lam
E	26	vii	Kl. prid. Macrob.
F	27	vi	Kl. Matris deũ. Ammia. Marc.
G	28	v	Kl. Herod. Megalesia Varro.
H	29	iiii	Kl.
A	30	iii	Kl. Iani, Concordiæ, Salutis, Pacis.
B	31	Prid.	Kl. Lunę. i. Dianæ in Auẽtino. Oui.

ΜΟΥΝΥΧΙΩΝ.

- α Νυμφαία μυνυχιῶν. Munychia sacra deæ Muny-  
 β δουτέρα ἱσαμένους. chia, id est, Dianæ.  
 γ τρίτη ἱσαμένους.  
 δ τετάρτη ἱσαμένους.  
 ε πέμπτη ἱσαμένους.  
 ς ἕκτη ἱσαμένους.  
 ζ ἑβδόμη ἱσαμένους.  
 η ὀγδὴ ἱσαμένους.  
 θ ἑννέατη ἱσαμένους.  
 ι Δεκάτη.  
 ια πρώτη ὑπὲρ δέκα ἢ μεσοῦτος.  
 ιβ δουτέρα ὑπὲρ δέκα.  
 ιγ τρίτη ὑπὲρ δέκα.  
 ιδ τετάρτη ὑπὲρ δέκα.  
 ιε πέμπτη ὑπὲρ δέκα.  
 ις ἕκτη ὑπὲρ δέκα. Lysander Athenis potitus. Plut.  
 ιζ ἑβδόμη ὑπὲρ δέκα.  
 ιη ὀγδὴ ὑπὲρ δέκα.  
 ιθ ἑννέατη ὑπὲρ δέκα ἢ δεκάτη.  
 κ εἰκὼς ἢ εἰκοστή.  
 κα ἐν δεκάτῃ φθίνοντος.  
 κβ δεκάτῃ φθίνοντος.  
 κγ ἑννέατῃ φθίνοντος.  
 κδ ὀγδὴ φθίνοντος.  
 κε ἑβδόμῃ φθίνοντος.  
 κς ἕκτη φθίνοντος.  
 κζ πέμπτῃ φθίνοντος.  
 κη τετάρτῃ φθίνοντος.  
 κθ τρίτῃ φθίνοντος.  
 λ δουτέρα φθίνοντος.  
 λα ἑπτακλίσια.



# APRILIS.

C	1	Kl.	April. Veneris sacrum cum florib. &
D	2	IIII	Non. Myrto. Plut. Ouid. Item Fortu-
E	3	III	Non. na uirili.
F	4	Prid.	Non.
G	5	Nonis.	Megalesia matri deum. K. V. Oui.
H	6	VIII	Id. Fortunæ publicæ primigeniæ
A	7	VII	Id. in colle Quirinali. Ouid. Varr.
B	8	VI	Id. Ludi ob uictoriam Cæs.
C	9	V	Id. Cerealia, Ludi Circen. Instaura-
D	10	IIII	Id. tionis dies Circensibus additus.
E	11	III	Id. Macrob. (Liui. xxix.
F	12	Prid.	Id. Magna mater Romæ adducta. T.
G	13	Idibus.	Ioui uictori & Libertati. Ouid.
H	14	XVIII	Kl. Maij.
A	15	XVII	Kl. Fordicidia uel sordicatia, de forda
B	16	XVI	Kl. Aug. Imp. salutatus.   bouc. Var-
C	17	XV	Kl.   ro. Ouid.
D	18	XIIII	Kl. Equiria in circo max. & uulpium
E	19	XIII	Kl. combustio. Ouid.
F	20	XII	Kl. Palilia. Romæ natalis. Varro,
G	21	XI	Oui. Fest. Plut. alij. Falluntur multi. Agonia altera, Ouid. quæ
H	22	X	Kl. ( & agonalia dicuntur.
A	23	IX	Kl. Vinalia priora. Ioui & Vene-
B	24	VIII	Kl. ri. Ouid. Plut. Varr. Plin. Fest.
C	25	VII	Kl. Robigalia. Plin. Fest. Oui.
D	26	VI	Kl. Varro, alij.
E	27	V	Kl. Latinæ feriæ in sacro mote. T. Li.
F	28	IIII	Kl. Floralia. Plin. Kl. V. Ouid.
G	29	III	Kl.
H	30	Prid.	Kl. Vestæ Palatine. Oui. Hoc men-

se, ut Plut. in Romulo & probl. Larentalia. & distinguit à  
Laurentilibus, quæ mense Decembri celebrantur.

ΘΑΡΓΗΛΙΩΝ.

α	Νουμηνία θαργηλιῶνες.	Thargelia sacra Apollini &
β	Δουτέρα ἱσαμένον.	Dianæ. Mensis hic Græcis
γ	τρίτη ἱσαμένον.	auspiciatissimus.
δ	τετάρτη ἱσαμένον.	
ε	πέμπτη ἱσαμένον.	
ς	ἕκτη ἱσαμένον.	Dianæ natiuitas.
ζ	ἑβδόμη ἱσαμένον.	Apollinis dies natalis, qui dies
η	ὀγδὼν ἱσαμένον.	quoque Socratis & Platonis
θ	ἐννάτῃ ἱσαμένον.	sunt. Lacrt.
ι	Δεκάτη.	
ια	πρώτη ἐπὶ δέκα ἢ μισοῦσθ.	
ιβ	δευτέρα ἐπὶ δέκα.	
ιγ	τρίτη ἐπὶ δέκα.	
ιδ	τετάρτη ἐπὶ δέκα.	
ιε	πέμπτη ἐπὶ δέκα.	
ισ	ἕκτη ἐπὶ δέκα.	
ιζ	ἑβδόμη ἐπὶ δέκα.	
ιη	ὀγδὼν ἐπὶ δέκα.	
ιθ	ἐννάτῃ ἐπὶ δέκα ἢ δεκάτῃ.	
κ	ἐκάς ἢ ἐκοστή.	
κα	δεκάτῃ φθίνοντες.	
κβ	ἐννάτῃ φθίνοντες.	
κγ	ὀγδὼν φθίνοντες.	Ilij destructio.
κδ	ἑβδόμῃ φθίνοντες.	
κε	ἕκτη φθίνοντες.	
κς	πέμπτῃ φθίνοντες.	
κζ	τετάρτῃ φθίνοντες.	Apaturia etiam hoc mense age-
κη	τρίτῃ φθίνοντες.	bantur, à Venere dicta. Tri-
κθ	Δουτέρα φθίνοντες.	bus dieb. celebrabatur: prima
λ	ἐννεχὲς νῆα.	δέσπεια, secūda ἀνάρρησις,
	tertia κουριῶτις, quarta uero ἐπίδρα.	Simplicius in Physicis.
	Suidas, alij. Quidam Pyanepsione agi dicunt.	



# M A I V S.

A	1	Kl.	Maij.	Laribus præstitib. ara posi
B	2	VI	Non.	ra. Oui. & Bonæ deæ sacr.
C	3	V	Non.	Macro. Plut. Varro, La-
D	4	IIII	Non.	ctan. Ouid. alij. & Flora-
E	5	III	Non.	les ludi triduo. Vet. Kl.
F	6	Prid.	Non.	
G	7		Nonis.	
H	8	VIII	Id.	
A	9	VII	Id.	Lemuria, quæ noctu agebatur,
Et triduo. Oui. Varr. Porph. malum nubere. Et Luminaria.				
B	10	VI	Id.	
C	11	V	Id.	Lemuria. Vet. K.
D	12	IIII	Id.	Martis ultoris. bisultorem ait
E	13	III	Id.	Lemuria. V. K. Oui. alij. Post
F	14	Prid.	Id.	Lem. Vet. K.
G	15		Idibus.	Argeorū simulachra scirpea de
ponte in Tyberim deijciebatur. Dionys. Euseb. Plut. Oui. Ma				
cro. alij. Et mercatorū dies festus. Fest. Oui. Mercuriū hoc die				
H	16	XVII	Kl.	Iunij. natum Martialis ait.
A	17	XVI	Kl.	Aedes dedic. T. L. et
B	18	XV	Kl.	Fer. Ioui. Vet. Kl.
C	19	XIIII	Kl.	Agonia seu agonalia Iani. Oui.
D	20	XIII	Kl.	Varr. Veiovi V. K. alij superio-
E	21	XII	Kl.	ribus diebus.
F	22	XI	Kl.	Vulcani feriæ V. K. Vulcanalis
G	23	X	Kl.	flamen rem di. Maie faciebat.
H	24	IX	Kl.	Macro. tubilustriū. Varr. Ouid.
A	25	VIII	Kl.	alij x. Cal. V. K. Ouid. alij xij.
B	26	VII	Kl.	Regisfugium alterū. Vet. Kl.
C	27	VI	Kl.	Ouid. alij aliter.
D	28	V	Kl.	Templum Fortung datum.
E	29	IIII	Kl.	Vet. Kl. Ouid.
F	30	III	Kl.	
G	31	Prid.	Kl.	

ΣΚΙΡΟΦΟΡΙΩΝ.

- α Νουμνία Σκιροφοριῶνος. Vmbraclorum festum, quæ  
 β Δουτέρα ἱσταμένου. ονίρα dicuntur.  
 γ τρίτη ἱσταμένου. Σκιρίας Pallas.  
 δ τετάρτη ἱσταμένου.  
 ε πέμπτη ἱσταμένου.  
 ς ἑκτη ἱσταμένου.  
 ζ ἑβδόμη ἱσταμένου.  
 η ὀγδὴ ἱσταμένου.  
 θ ἑννὰ ἡμέρας ἱσταμένου.  
 ι Διὰ τὴν.  
 ια πρώτη ἐπὶ δέκα.  
 ιβ δευτέρα ἐπὶ δέκα.  
 ιγ τρίτη ἐπὶ δέκα.  
 ιδ τετάρτη ἐπὶ δέκα.  
 ιε πέμπτη ἐπὶ δέκα.  
 ις ἑκτη ἐπὶ δέκα.  
 ιζ ἑβδόμη ἐπὶ δέκα.  
 ιη ὀγδὴ ἐπὶ δέκα.  
 ιθ ἑννὰ ἡμέρας ἐπὶ δέκα.  
 κ ἐκὰς ἢ ἐκκοπή.  
 κα ἐν διὰ τὴν φθίνοντος.  
 κβ διὰ τὴν φθίνοντος.  
 κγ ἐννὰ ἡμέρας φθίνοντος.  
 κδ ὀγδὴ φθίνοντος.  
 κε ἑβδόμη φθίνοντος.  
 κς ἑκτη φθίνοντος.  
 κζ πέμπτη φθίνοντος.  
 κη τετάρτη φθίνοντος.  
 κθ τρίτη φθίνοντος.  
 λ Δουτέρα φθίνοντος.  
 λα ἑνὴ καὶ νῆα.



# I V N I V S.

H 1	Kl.	Iunij.	Iunonis Monetæ ædis dedic.
A 2	IIII	Non.	Macrob. Bedas. Carnæ deæ in
B 3	III	Non.	Cælio monte. Marti sacr. extra
			port. Capenam. Tēpestati delubrū. Ovi. Fabariæ Kl. Macr.
C 4	Prid.	Non.	Bellonæ sacr. Herculis ædes in
D 5		Nonis.	Templū fidei. Spon- (Circo.
			foris Iouis. Dion. alij. Sacrum Fidio Semipatri. Vet. Kl. Ouid.
E 6	VIII	Id.	Vestæ templum.
F 7	VII	Id.	Piscatoriū ludi in camp. Mart.
			Ouid. Fest. Mentis templum dic. Ouid. Vet. Kl.
G 8	VI	Id.	Vestæ. Vet. Kl. Ovi. Asini coro-
H 9	V	Id.	nantur. Ara Iouis Pistoris.
A 10	IIII	Id.	Matralia. Fortis Fort. Cōcordiæ
B 11	III	Id.	ædes. Matris matutæ. V. K. Ovi.
C 12	Prid.	Id.	Iouis inuicti. Minusculæ quin-
D 13		Idibus.	Iulij. quatria Mineruæ. Varro.
E 14	XVIII	Kl.	(Fest. Censorinus.
F 15	XVII	Kl.	Stercus ex æde Vestæ defer
G 16	XVI	Kl.	tur. Fest. Varro, Ouid.
H 17	XV	Kl.	
A 18	XIIII	Kl.	
B 19	XIII	Kl.	Mineruæ in Auentino. Vet. Kl.
C 20	XII	Kl.	Sumani sacrum ad Circum max.
D 21	XI	Kl.	Vet. Kl. Ouid.
E 22	X	Kl.	Flaminius uictus à Pœnis. Ovi.
F 23	IX	Kl.	Fortis fortunæ. Vet. Kl. Ouid.
G 24	VIII	Kl.	Varr. Naues coronatæ per Tybe
H 25	VII	Kl.	rim conuiuia ducebant.
A 26	VI	Kl.	Iouis Statoris & Laris. Ouid.
B 27	V	Kl.	Quirini templum in coll. Quiri.
C 28	IIII	Kl.	Ouid. Vet. Kl. III. Cal.
D 29	III	Kl.	Herculis & Musarū. Ouid.
E 30	Prid.	Kl.	Populifugia in Iunio dies. Varro.

ΕΚΑΤΟΜΒΑΙΩΝ.

α	Νουμηνία ἑκατομβαιῶνος.	Hecatombae hoc mense plu-
β	δευτέρα ἱσταμένου.	res, unde et illi nomē. An-
γ	τρίτη ἱσταμένου.	ni initium apud Athenien-
δ	τετάρτη ἱσταμένου.	uel quod sol hecatombæus
ε	πέμπτη ἱσταμένου.	diceretur.
ς	ἑκτη ἱσταμένου.	
ζ	ἑβδόμη ἱσταμένου.	
η	ὀγδόη ἱσταμένου.	
θ	ἐννάτη ἱσταμένου.	
ι	Δεκάτη.	
ια	πρώτη ἐπὶ δέκα.	
ιβ	δευτέρα ἐπὶ δέκα.	
ιγ	τρίτη ἐπὶ δέκα.	
ιδ	τετάρτη ἐπὶ δέκα.	
ιε	πέμπτη ἐπὶ δέκα.	
ισ	ἑκτη ἐπὶ δέκα.	
ιζ	ἑβδόμη ἐπὶ δέκα.	
ιη	ὀγδόη ἐπὶ δέκα.	
ιθ	ἐννάτη ἐπὶ δέκα.	
κ	ἐκάς ἢ ἐικοστή.	
κα	δεκάτη φθίνοντος.	
κβ	ἐννάτη φθίνοντος.	
κγ	ὀγδόη φθίνοντος.	
κδ	ἑβδόμη φθίνοντος.	
κε	ἑκτη φθίνοντος.	
κς	πέμπτη φθίνοντος.	
κζ	τετάρτη φθίνοντος.	
κη	τρίτη φθίνοντος.	
κθ	δευτέρα φθίνοντος.	
λ	ἐν ἡγεμίνα.	



# IV LIVS. QVINTILIS.

F	1	Kl.	Iulij.	Hoc die apud Ro. fiebant migratio
G	2	VI	Non.	nes ex ædibus in alienas ædes, ut
H	3	V	Non.	hoc tempore in festo D. Michaë-
A	4	IIII	Non.	lis: id quod ex Cicer. Suetonio, et
B	5	III	Non.	Mart. colligunt docti.
C	6	Prid.	Non.	Capitol. incensum tēpore Syllæ.
D	7		Nonis.	Romulus nō apparuit. Lāp. in
E	8	VIII	Id.	Cōmodo. Plut. Caprotinæ. Iuno
F	9	VII	Id.	Caprotina. Ancillarū festum. Ma
G	10	VI	Id.	crob. Plut. Ouid. Varro.
H	11	V	Id.	Ludi Apollinares. T. Livius.
Vet. Kl. Varro. Livius alio loco tertio Non. ait.				
A	12	IIII	Id.	Iulij Cæs. natalis, unde mēsis, M.
B	13	III	Id.	Ant. consule legē ferente, Macr.
C	14	Prid.	Id.	Fortunæ mulieb. dedic. Dion. Liu.
D	15		Idibus.	Castoris et Poll. Equites Ro. ab
E	16	XVII	Kl.	August.   æde Honoris in equis in
F	17	XVI	Kl.	Capit. Pl. V. K. Dion.
G	18	XV	Kl.	Alliensis dies atra. Sera. Plin.
H	19	XIIII	Kl.	Tacit. XVII. Cal. Plut. XVI.
A	20	XIII	Kl.	Cal. in Camillo.
B	21	XII	Kl.	Mundi natalis. Solinus ex Ae-
C	22	XI	Kl.	gyptiorū sacerd. sententia. Sed ui-
D	23	X	Kl.	de quæ in libro notauimus.
E	24	IX	Kl.	
F	25	VIII	Kl.	Hoc mense rutilæ canes caniculæ
G	26	VII	Kl.	sacrificabantur. Vide Festum.
H	27	VI	Kl.	
A	28	V	Kl.	Neptunalia etiam hoc mense. Vet.
B	29	IIII	Kl.	Kl. & Varro.
C	30	III	Kl.	
D	31	Prid.	Kl.	

ΜΕΤΑΓΕΙΤΝΙΩΝ.

α Νυμφεύα μετ' αγεινῶν.

β Δουτέρα ἱσταμένους.

γ τρίτη ἱσταμένους.

δ τετάρτη ἱσταμένους.

ε πέμπτη ἱσταμένους.

ς ἕκτη ἱσταμένους.

ζ ἑβδόμη ἱσταμένους.

η οὐδὲν ἱσταμένους.

θ ἑννάτη ἱσταμένους.

ι Διεκάτη.

ια πρώτη ὑδὶ δέκα.

ιβ Δουτέρα ἐπὶ δέκα.

ιγ τρίτη ὑδὶ δέκα.

ιδ τετάρτη ἐπὶ δέκα.

ιε πέμπτη ὑδὶ δέκα.

ισ ἕκτη ὑδὶ δέκα.

ιζ ἑβδόμη ἐπὶ δέκα.

ιη οὐδὲν ὑδὶ δέκα.

ιθ ἑννάτη ἐπὶ δέκα.

κ εἰκάς ἢ εἰκοστή.

κα ἐν διεκάτῃ φθίνοντος.

κβ διεκάτῃ φθίνοντος.

κγ ἑννάτῃ φθίνοντος.

κδ οὐδὲν φθίνοντος.

κε ἑβδόμῃ φθίνοντος.

κς ἕκτῃ φθίνοντος.

κζ πέμπτῃ φθίνοντος.

κη τετάρτῃ φθίνοντος.

κθ τρίτῃ φθίνοντος.

λ Δουτέρα φθίνοντος.

λα ἑνὴ καὶ οὐκ ἔστι.



# AUGUSTVS.

E	1	Kl.	Augusti. Spei ad forū olitorū. V. Kl. Cōse
F	2	IIII	Non. cratio tēpli Martis. Dion in hist.
G	3	III	Non. Feriæ quod Cæs. Hisp. citiorē
H	4	Prid.	Non. uicit. Vet. Kl.
A	5	Nonis.	Saluti in colle Quirin. Vet.
B	6	VIII	Id. Kl. & Spei.
C	7	VII	Id.
D	8	VI	Id. Solis indigetis in colle Quir. V. K.
E	9	V	Id. Aræ Opis & Cereris in ui-
F	10	IIII	Id. co Iugario. Vet. Kl.
G	11	III	Id. Herculi magno custodi in
H	12	Prid.	Id. Circo Flam. Vet. Kl.
A	13	Idibus.	Dianæ sacra. Martial. Currebant in nemus Aricinū. Item natalis Augusti. Porphy. Dies festus
B	14	XIX	Kl. Septemb.   seruorū & ancillarū.
C	15	XVIII	Kl.   Plut. Et Vertumno in
D	16	XVII	Kl.   Loreto maiore. V. K.
E	17	XVI	Kl. Portunalia ad pōtē Acmyl. V. K. et Var. Iano ad theat. Marcelli. V. K. (dic. Sabinarū raptus.
F	18	XV	Kl. Cōsualia. Plut. in Numa. uel seq.
G	19	XIIII	Kl. Augusti mors. Dion hist. Suct.
H	20	XIII	Kl. Vinalia secunda. Plin.
A	21	XII	Kl. Vinalia rustica. Varro. Festus
B	22	XI	Kl. uero xiiij. Cal. idem et V Kl.
C	23	X	Kl. Vulcanalia in Circo Flam. Vet.
D	24	IX	Kl. (Kl.
E	25	VIII	Kl. Opiconsuæ in Capitolio.
F	26	VII	Kl. Vet. Kl. Varro.
G	27	VI	Kl. Vulturialia. V. Kl. Varr. cuius
H	28	V	Kl. feriæ mense Octob. Vortūnalia.
A	29	IIII	Kl. Vulcanalia. Festus.
B	30	III	Kl. Mundus Cereris pater.
C	31	Prid.	Kl. Nar. C. Cæs. Germanici. Vet. Kl.

ΒΟΗΔΡΟΜΙΩΝ.

- α Νουμνία Βοηδρομιῶν. Boëdromia celebritas hoc  
 β δευτέρα ἱσταμένου. mense agebatur, unde et  
 γ τρίτη ἱσταμένου. mensis dictus. Apollo e-  
 δ τετάρτη ἱσταμένου. tiam Boedromius voca-  
 ε πέμπτη ἱσταμένου. tus. Plut. Paus. Harpocr.  
 ς ἑκτὴ ἱσταμένου. alij. Xerxes uictus. Plut.  
 ζ ἑβδόμη ἱσταμένου.  
 η ογδὼν ἱσταμένου.  
 θ ἑννὰτι ἱσταμένου.  
 ι Διανάτη.  
 ια πρώτη ἐπὶ Διανάτη.  
 ιβ δευτέρα ἐπὶ Διανάτη.  
 ιγ τρίτη ἐπὶ Διανάτη.  
 ιδ τετάρτη ἐπὶ Διανάτη.  
 ιε πέμπτη ἐπὶ Διανάτη.  
 ις ἑκτὴ ἐπὶ Διανάτη.  
 ιζ ἑβδόμη ἐπὶ Διανάτη.  
 ιη ογδὼν ἐπὶ Διανάτη.  
 ιθ ἑννὰτι ἐπὶ Διανάτη.  
 κ ἀκὰς ἢ ἀκοῦ.  
 κα ἐν Διανάτῃ φθίνοντος. Mysteria magna. Plut. & Li-  
 κβ Διανάτῃ φθίνοντος. ber pater ex urbe in Eleusinem  
 κγ ἑννὰτι φθίνοντος. transferrebat.  
 κδ ογδὼν φθίνοντος.  
 κε ἑβδόμῃ φθίνοντος.  
 κς ἑκτῇ φθίνοντος.  
 κζ πέμπτῃ φθίνοντος.  
 κη τετάρτῃ φθίνοντος. Harpocratis festum hoc mense fie-  
 κθ τρίτῃ φθίνοντος. bat ab Aegyptijs. Plut.  
 λ δευτέρα φθίνοντος.  
 λα ἑννὰτι φθίνοντος.



# SEPTEMBER.

D	1	Kl.	Septēb.	Vulcani tutela Septemb. V.Kl.
E	2	IIII	Non.	Augusti uictoria naualis ex M.
F	3	III	Non.	Ant. & Cleop. Dion.
G	4		Prid. Non.	
H	5		Nonis.	
A	6	VIII	Id.	
B	7	VII	Id.	
C	8	VI	Id.	Hicrosolyma à Tito Vesp. capta.
D	9	V	Id.	Iosephus.
E	10	IIII	Id.	
F	11	III	Id.	
G	12		Prid. Id.	
H	13		Idibus.	Prætor Max. clauum pangit. T.
Lin. et Capitolij dedic. ab Horatio, Plut. T. L. Ioui. Vet. Kl.				
A	14	XVIII	Kl.	Octobris.
B	15	XVII	Kl.	Ludi. V. K. qui Romani & ma-
C	16	XVI	Kl.	Ludi. V. K. (gni. Asc. Pæd.
D	17	XV	Kl.	Ludi. V. K.
E	18	XIIII	Kl.	Ludi. V. K.
F	19	XIII	Kl.	
G	20	XII	Kl.	Romuli natalis. Plut.
H	21	XI	Kl.	
A	22	X	Kl.	
B	23	IX	Kl.	Natalis Augusti. Dion hist. Suet.
C	24	VIII	Kl.	
D	25	VII	Kl.	Veneri. Vet. Kl.
E	26	VI	Kl.	
F	27	V	Kl.	
G	28	IIII	Kl.	
H	29	III	Kl.	
A	30		Prid. Kl.	Epulum Mineruæ. Vet. K.
Meditrinalia hoc mense celebrabantur, & Metrina dea, quo die primum mustum bibebant. Fest. Varro.				

ΜΑΙΜΑΚΤΗΡΙΩΝ.

α	Νουμηνία μαιμακτηρίωνος.	Μαεμακτες Iupiter, &
β	δουτέρα ισταμένου.	inde mensis. Harpocr.
γ	τρίτη ισταμένου.	& alij.
δ	τετάρτη ισταμένου.	
ε	πέμπτη ισταμένου.	
ς	ἑκτὴ ισταμένου.	
ζ	ἑβδόμη ισταμένου.	
η	ὀγδόν ισταμένου.	
θ	ἐννάτη ισταμένου.	
ι	Διανάτη.	
ια	πρώτη ἐπὶ δέκα.	
ιβ	δουτέρα ἀπὸ δέκα.	
ιγ	τρίτη ἐπὶ δέκα.	
ιδ	τετάρτη ἐπὶ δέκα.	
ιε	πέμπτη ἐπὶ δέκα.	
ισ	ἑκτὴ ἐπὶ δέκα.	Parentatio eorum qui cōtra Persas
ις	ἑβδόμη ἐπὶ δέκα.	pugnando occubuerunt. Plut.
ιη	ὀγδόν ἐπὶ δέκα.	
ιθ	ἐννάτη ἐπὶ δέκα.	Thoth, id est, Mercurio Aegy-
κ	εἰνὰς ἢ εἰκοστή.	ptij sacrificant. Plut.
κα	διανάτη φθίνοντος.	
κβ	ἐννάτη φθίνοντος.	
κγ	ὀγδόν φθίνοντος.	
κδ	ἑβδόμη φθίνοντος.	
κε	ἑκτὴ φθίνοντος.	
κς	πέμπτη φθίνοντος.	
κζ	τετάρτη φθίνοντος.	
κη	τρίτη φθίνοντος.	
κθ	δουτέρα φθίνοντος.	
λ	ἐννὰς καὶ νία.	



# OCTOBER.

B	1	Kl.	Octobr.	Martis tutela Octob. Vet. Kl.
C	2	VI	Non.	
D	3	V	Non.	
E	4	IIII	Non.	Mūdus Cereris patet. Fest.
F	5	III	Non.	
G	6	Prid.	Non.	
H	7		Nonis.	
A	8	VIII	Id.	
B	9	VII	Id.	
C	10	VI	Id.	
D	11	V	Id.	
E	12	IIII	Id.	
F	13	III	Id.	
G	14	Prid.	Id.	
H	15	Idibus.		Mercatores Mercurio. Vergilij
A	16	XVII	Kl.	Nouēbr. natulis. Martial. Octo
B	17	XVI	Kl.	ber equus Marti immo
C	18	XV	Kl.	latur. Fest. Plut.
D	19	XIIII	Kl.	
E	20	XIII	Kl.	
F	21	XII	Kl.	
G	22	XI	Kl.	
H	23	X	Kl.	
A	24	IX	Kl.	
B	25	VIII	Kl.	
C	26	VII	Kl.	
D	27	VI	Kl.	
E	28	V	Kl.	
F	29	IIII	Kl.	Sacrum hoc mense Libe
G	30	III	Kl.	ro fiebat. V. Kl. Et Ver
H	31	Prid.	Kl.	rumni feriæ. Varr.

ΠΥΑΝΕΥΙΩΝ.

α	Ναυμηνία πυανψιδνος.	Pyanepsia hoc mense cele-
β	Δουτέρα ιταμίνου.	brantur.
γ	τρίτη ιταμίνου.	
δ	τετάρτη ιταμίνου.	
ε	πέμπτη ιταμίνου.	
ς	ἑκτὴ ιταμίνου.	
ζ	ἑβδόμη ιταμίνου.	
η	ὀγδόη ιταμίνου.	Panopsia Apollini, imò Pyane-
θ	ἐννάτη ιταμίνου.	Eresione plectitur. (psia,
ι	Δικάτη.	Oschophoria, id est, Ramalia ce-
ια	πρώτη ἐπὶ δέκα.	lebrabantur. Plut. Suid. Com-
ιβ	Δουτέρα ὑπὲρ δέκα.	ment. in Nicand.
ιγ	τρίτη ἐπὶ δέκα.	
ιδ	τετάρτη ἐπὶ δέκα.	
ιε	πέμπτη ἐπὶ δέκα.	
ισ	ἑκτὴ ἐπὶ δέκα.	
ιζ	ἑβδόμη ἐπὶ δέκα.	
ιη	ὀγδόη ἐπὶ δέκα.	
ιθ	ἐννάτη ἐπὶ δέκα.	
κ	ἐκάστη ἡ ἐκδοτή.	
κα	ἐνδεκάτη φθίνοντος.	
κβ	Δικάτη φθίνοντος.	Chalcea Mineruae solennitas, uel
κγ	ἐννάτη φθίνοντος.	ut Phanodemus ait, Vulcani Hy-
κδ	ὀγδόη φθίνοντος.	perides. Harpocr.
κε	ἑβδόμη φθίνοντος.	
κς	ἑκτὴ φθίνοντος.	
κζ	πέμπτη φθίνοντος.	
κη	τετάρτη φθίνοντος.	Mysteria minora hoc mense age-
κθ	τρίτη φθίνοντος.	bantur. Plut. Galeni's.
λ	Δουτέρα φθίνοντος.	
λα	ἐννεαχί νία.	



# NOVEMBER.

A	1	Kl.	Nouēb.	Hoc mense Iouis epulum celebrabatur.
B	2	IIII	Non.	tur. Vet. Kl.
C	3	III	Non.	
D	4	Prid.	Non.	
E	5		Nonis.	
F	6	VIII	Id.	
G	7	VII	Id.	Mundum patēre. Fest.
H	8	VI	Id.	
A	9	V	Id.	
B	10	IIII	Id.	
C	11	III	Id.	Maria claudūtur. Veget. alij.
D	12	Prid.	Id.	usq; in VI. Id. Mart.
E	13		Idibus.	
F	14	XVIII	Kl.	Decembris.
G	15	XVII	Kl.	
H	16	XVI	Kl.	Ludi plebei per hos dies. Suet.
A	17	XV	Kl.	
B	18	XIIII	Kl.	
C	19	XIII	Kl.	
D	20	XII	Kl.	
E	21	XI	Kl.	
F	22	X	Kl.	
G	23	IX	Kl.	
H	24	VIII	Kl.	Bruma, quæ & Brumalia, festū Romanorum.
A	25	VII	Kl.	Constant. in re rust.
B	26	VI	Kl.	
C	27	V	Kl.	Hic mēsis fuit in tutela Dianæ. V.
D	28	IIII	Kl.	Kl. & inferiæ fiebāt Gallis de-
E	29	III	Kl.	fossis & Græcis in foro Boario.
F	30	Prid.	Kl.	Plut.

ΑΝΘΕΣΤΗΡΙΩΝ.

α	Νουμηνία ἀνθεστηριῶν.	Anthesperia hoc mense age
β	δευτέρα ἱσταμένου.	bantur, quæ et Bacchana
γ	τρίτη ἱσταμένου.	lia. Theoph. Suid. Harp.
δ	τετάρτη ἱσταμένου.	
ε	πέμπτη ἱσταμένου.	
ς	ἑκτὴ ἱσταμένου.	
ζ	ἑβδόμη ἱσταμένου.	
η	ὀγδόη ἱσταμένου.	
θ	ἐννάτη ἱσταμένου.	
ι	Διηκία.	Limna Baccho. Thucyd.
ια	πρώτη ἐπὶ δέκα.	
ιβ	δευτέρα ἐπὶ δέκα.	Choës. Suid.
ιγ	τρίτη ἐπὶ δέκα.	Pithægia.
ιδ	τετάρτη ἐπὶ δέκα.	Chytia. Alij in Lenæone men-
ιε	πέμπτη ἐπὶ δέκα.	se constituunt. Cōment. in He-
ισ	ἑκτὴ ἐπὶ δέκα.	siod. Harpocr.
ιζ	ἑβδόμη ἐπὶ δέκα.	
ιη	ὀγδόη ἐπὶ δέκα.	
ιθ	ἐννάτη ἐπὶ δέκα.	
κ	ἐκάς ἢ ἐκατόν.	
κα	δεκάτη φθίνοντος.	
κβ	ἐννάτη φθίνοντος.	
κγ	ὀγδόη φθίνοντος.	
κδ	ἑβδόμη φθίνοντος.	
κε	ἑκτὴ φθίνοντος.	
κς	πέμπτη φθίνοντος.	
κζ	τετάρτη φθίνοντος.	
κη	τρίτη φθίνοντος.	
κθ	δευτέρα φθίνοντος.	
λ	ἐν καὶ νία.	



# DECEMBER.

G	1	Kl.	Decēbr.	Fortunæ muliebris festum, quo-
H	2	IIII	Non.	niam hoc die bellum sublatū. Po-
A	3	III	Non.	stea translatum prid. Non. Quin-
B	4	Prid.	Non.	til. Dionys. Halicarn. in viij.
C	5	Nonis.		Faunalia, Porphy.
D	6	VIII	Id.	
E	7	VII	Id.	
F	8	VI	Id.	
G	9	V	Id.	
H	10	IIII	Id.	
A	11	III	Id.	
B	12	Prid.	Id.	
C	13	Idibus.		
D	14	XIX	Kl.	Ianuarij.
E	15	XVIII	Kl.	
F	16	XVII	Kl.	Saturnalia incipiunt, et per tres
G	17	XVI	Kl.	dies durant: quib. addūtur Sigilla
H	18	XV	Kl.	ria, quæ septē dies cōplēt. Macro.
A	19	XIIII	Kl.	Opalia et Saturnalia. Macr. Var.
B	20	XIII	Kl.	
C	21	XII	Kl.	Angeronalia Angeronæ deæ.
				Macrob. Herculi & Cereri de mulso. Macrob.
D	22	XI	Kl.	Feriæ larib. dicatæ. Macr. Cōpi-
E	23	X	Kl.	talia. Ludi laribus. Plin.
F	24	IX	Kl.	Feriæ Iouis. Larēntinalia uel Lau-
G	25	VIII	Kl.	rentinalia. Plut. Varr. Ouid.
H	26	VII	Kl.	Iuuenalis dies VIII. Saturn.
A	27	VI	Kl.	additus. Suet. unde & Iuuenales
B	28	V	Kl.	ludi.
C	29	IIII	Kl.	
D	30	III	Kl.	Decēber Saturno sacr. Macro.
E	31	Prid.	Kl.	Tutela uero Vestæ. V. Kl.

ΠΟΣΙΔΕΩΝ.

α Νημυρία Ποσιδεωνος.

Posidonia à certamine

β δουτίρα ισαμίνος.

Pallad. & Neptuni.

γ τρίτη ισαμίνος.

δ τετάρτη ισαμίνος.

ε πέμπτη ισαμίνος.

ς έκτη ισαμίνος.

ζ ιβδόμη ισαμίνος.

η ογδόη ισαμίνος.

θ εννάτη ισαμίνος.

ι Δεκάτη.

ια πρώτη ὑδὶ δέκα.

Alcyonij dies.

ιβ δουτίρα ἐπὶ δέκα.

ιγ τρίτη ὑδὶ δέκα.

ιδ τετάρτη ἐπὶ δέκα.

Brumalia festum hoc mense &  
Ambrosia. Proclus in Hesiod.

ιε πέμπτη ὑδὶ δέκα.

ισ έκτη ὑδὶ δέκα.

ιζ ιβδόμη ἐπὶ δέκα.

ιη ογδόη ὑδὶ δέκα.

ιθ εννάτη ἐπὶ δέκα.

κ ἀκὰς ἢ ἀκροσύ.

κα ενδεκάτη φθίνοντος.

κβ δεκάτη φθίνοντος.

κγ εννάτη φθίνοντος.

κδ ογδόη φθίνοντος.

κε ιβδόμη φθίνοντος.

κς έκτη φθίνοντος.

κζ πέμπτη φθίνοντος.

κη τετάρτη φθίνοντος.


κθ τρίτη φθίνοντος.

λ δουτίρα φθίνοντος.


λα ἴκη καὶ νία.



ANTONIO ANGELELLI  
FIRENZE







$$\begin{array}{r} 4 \\ \hline 1/2 \\ \hline 3 \\ \hline 160 \end{array}$$

*P. (H.) transmissa*

*P. (H.) transmissa*  
*P. (H.) transmissa*